

- 5.001.01a अ॒बो॒ध्य॒ग्निः॑ स॒मिधा॑ ज॒नानां॑ प्र॒ति धे॒नुमि॑वा॒यती॒मुषा॑सम् ।
- 5.001.01c य॒हा इ॒व प्र॒ वया॑मु॒ज्जिहा॑नाः प्र॒ भान॑वः सि॒स्रते॑ ना॒कम॑च्छ ॥
- 5.001.02a अ॒बोधि॑ हो॒ता य॒जथा॑य दे॒वानू॑र्ध्वो अ॒ग्निः सु॒मनाः॑ प्रा॒तर॑स्थात् ।
- 5.001.02c स॒मिद्ध॑स्य रु॒शद॑दर्शि पा॒जो म॒हान्दे॑वस्त॒मसो॑ नि॒रमो॑चि ॥
- 5.001.03a यदीं॑ ग॒णस्य॑ र॒शना॑मजी॒गः शु॒चिर॑ङ्के शु॒चिभि॑र्गो॒भिर॑ग्निः ।
- 5.001.03c आ॒दक्षि॑णा यु॒ज्यते॑ वा॒जय॑न्त्यु॒त्ताना॑मू॒र्ध्वो अ॒धय॑ज्जु॒ह्वभिः॑ ॥
- 5.001.04a अ॒ग्निम॑च्छा दे॒वय॑तां म॒नांसि॑ च॒त्तूषी॑व॒ सूर्ये॑ सं च॒रन्ति॑ ।
- 5.001.04c यदीं॑ सु॒वाते॑ उ॒षसा॑ वि॒रूपे॑ श्वे॒तो वा॒जी जा॑यते अ॒ग्ने अ॒हाम् ॥
- 5.001.05a ज॒निष्ट॑ हि जे॒न्यो अ॒ग्ने अ॒हां हि॒तो हि॒तेष्व॑रु॒षो वने॑षु ।
- 5.001.05c द॒मेद॑मे स॒प्त र॒त्ना द॒धानो॑ऽग्नि॒र्होता॑ नि ष॒सादा॑ य॒जीयान् ॥
- 5.001.06a अ॒ग्निर्हो॑ता न्य॒सीद॑द्य॒जीयानु॑प॒स्थे मा॒तुः सु॒रभा॑ उ॒ लोके॑ ।
- 5.001.06c यु॒वा क॒विः पु॒रुनि॑ष्ट ऋ॒तावा॑ ध॒र्ता कृ॑ष्टी॒नामु॑त म॒ध्य इ॒द्धः ॥
- 5.001.07a प्र॒ णु॒ त्यं वि॒प्रम॑ध्वरेषु सा॒धुम॑ग्निं हो॒तार॑मीळते न॒मोभिः॑ ।
- 5.001.07c आ॒ यस्त॑तान रो॒दसी॑ ऋ॒तेन॑ नित्यं मृ॒जन्ति॑ वा॒जिनं॑ घृ॒तेन॑ ॥
- 5.001.08a मा॒र्जा॒ल्यो मृ॒ज्यते॑ स्वे द॒मूनाः॑ क॒विप्र॑शस्तो अ॒तिथिः॑ शि॒वो नः॑ ।
- 5.001.08c स॒हस्र॑शृङ्गो वृष॒भस्त॑दो॒जा वि॒श्वो अ॒ग्ने स॒हसा॑ प्रा॒स्यन्यान् ॥

- 5.001.09a प्र सद्यो अग्ने अत्येष्यन्यानाविर्यस्मै चारुतमो बभूथ ।
- 5.001.09c ईळैन्यो वपुष्यो विभावा प्रियो विशामतिथिर्मानुषीणाम् ॥
- 5.001.10a तुभ्यं भरन्ति क्षितयो यविष्ठ बलिमग्ने अन्तित ओत दूरात् ।
- 5.001.10c आ भन्दिष्ठस्य सुमतिं चिकिद्धि बृहत्ते अग्ने महि शर्म भद्रम् ॥
- 5.001.11a आद्य रथं भानुमो भानुमन्तमग्ने तिष्ठ यजतेभिः समन्तम् ।
- 5.001.11c विद्वान्पथीनामुर्वश्न्तरिक्षमेह देवान्हविरद्याय वक्षि ॥
- 5.001.12a अवोचाम कवये मेध्याय वचो वन्दारु वृषभाय वृष्णे ।
- 5.001.12c गविष्ठिरो नमसा स्तोममग्नौ दिवीव रुक्ममुरुव्यञ्चमश्रेत् ॥
- 5.002.01a कुमारं माता युवतिः समुब्धं गुहा बिभर्ति न ददाति पित्रे ।
- 5.002.01c अनीकमस्य न मिनज्जनासः पुरः पश्यन्ति निहितमरतौ ॥
- 5.002.02a कमेतं त्वं युवते कुमारं पेषी बिभर्षि महिषी जजान ।
- 5.002.02c पूर्वीर्हि गर्भः शरदो ववर्धापश्यं जातं यदसूत माता ॥
- 5.002.03a हिरण्यदन्तं शुचिवर्णमारात्क्षेत्रादपश्यमायुधा मिमानम् ।
- 5.002.03c ददानो अस्मा अमृतं विपृक्वत्किं मामनिन्द्राः कृणवन्ननुक्थाः ॥
- 5.002.04a क्षेत्रादपश्यं सनुतश्चरन्तं सुमद्यूथं न पुरु शोभमानम् ।
- 5.002.04c न ता अगृभ्रन्नजनिष्ट हि षः पलिक्रीरिद्युवतयो भवन्ति ॥
- 5.002.05a के मे मर्यकं वि यवन्त गोभिर्न येषां गोपा अरणश्चिदास ।

- 5.002.05c य ई॑ जगृ॒भुरव॑ ते सृ॒जन्त्वाजा॑ति प॒श्व उप॑ नश्चिकित्वा॒न् ॥
- 5.002.06a वसां॑ राजानं॑ वसतिं॑ जनानाम॑रातयो॑ नि दधु॑र्म॒र्त्येषु॑ ।
- 5.002.06c ब्रह्मा॑ण्यत्रे॒रव तं॑ सृ॒जन्तु॑ निन्दि॒तारो॑ निन्द्या॒सो भवन्तु॑ ॥
- 5.002.07a शुनश्चि॑च्छेपं॑ निदि॒तं सह॑स्राद्यूपादमु॒ञ्चो अश॑मिष्ट हि षः ।
- 5.002.07c ए॒वास्मद॑ग्ने वि मुमु॑ग्धि पाशान्॒होतश्चि॑कित्व इ॒ह तू निष॑द्य ॥
- 5.002.08a ह॒णीय॑मानो अप हि म॒दैयेः प्र मे॑ दे॒वानां॑ व्रतपा उवाच ।
- 5.002.08c इन्द्रो॑ विद्वाँ॑ अनु हि त्वा च॒क्ष तेना॑हमग्ने अनुशिष्ट॑ आगाम् ॥
- 5.002.09a वि ज्योति॑षा बृ॒हता॑ भा॒त्यग्निरा॑विर्वि॒श्वानि॑ कृणुते महि॒त्वा ।
- 5.002.09c प्रादे॑वीर्मा॒याः सह॑ते दु॒रेवाः॑ शिशी॒ते शृ॒ङ्गे रक्ष॑से वि॒निक्षे॑ ॥
- 5.002.10a उत॑ स्वा॒नासो॑ दि॒वि षन्त्व॑ग्नेस्ति॒गमा॑युधा रक्ष॑से ह॒न्तवा॑ उ ।
- 5.002.10c मदे॑ चिद॒स्य प्र रु॑जन्ति भा॒मा न वर॑न्ते परि॒बाधो॑ अ॒देवीः॑ ॥
- 5.002.11a ए॒तं ते स्तो॑मं तुविजा॒त वि॒प्रो रथं॑ न धी॒रः स्वपा॑ अ॒तक्ष॑म् ।
- 5.002.11c यदी॑दग्ने प्रति त्वं दे॒व ह॒र्याः स्व॑र्वती॒रप ए॑ना जयेम ॥
- 5.002.12a तुवि॑ग्रीवो वृष॒भो वा॒वृधा॑नोऽश॒त्र्वर्श्यः॑ स॒मजा॑ति वेदः ।
- 5.002.12c इती॑ममग्निम॒मृता॑ अ॒वोच॑न्बर्हिष्म॒ते मन॑वे शर्म॒ यंस॑द्धविष्म॒ते मन॑वे शर्म॒ यंसत् ॥
- 5.003.01a त्वम॑ग्ने वरु॒णो जा॑यसे॒ यत्त्वं मि॒त्रो भव॑सि॒ यत्समि॑द्धः ।
- 5.003.01c त्वे वि॑श्वे सह॒सस्पु॑त्र दे॒वास्त्वमि॑न्द्रो दा॒शुषे॑ म॒र्त्याय॑ ॥

- 5.003.02a त्वमर्यमा भवसि यत्कनीनां नाम स्वधावन्गुह्यं बिभर्षि ।
- 5.003.02c अञ्जन्ति मित्रं सुधितं न गोभिर्यद्दम्पती समनसा कृणोषि ॥
- 5.003.03a तव श्रिये मरुतो मर्जयन्त रुद्र यत्ते जनिम चारु चित्रम् ।
- 5.003.03c पदं यद्विष्णोरुपमं निधायि तेन पासि गुह्यं नाम गोनाम् ॥
- 5.003.04a तव श्रिया सुदृशो देव देवाः पुरू दधाना अमृतं सपन्त ।
- 5.003.04c होतारमग्निं मनुषो नि षेदुर्दशस्यन्त उशिजः शंसमायोः ॥
- 5.003.05a न त्वद्धोता पूर्वो अग्ने यजीयान्न काव्यैः परो अस्ति स्वधावः ।
- 5.003.05c विशश्च यस्या अतिथिर्भवासि स यज्ञेन वनवद्देव मर्तान् ॥
- 5.003.06a वयमग्ने वनुयाम त्वोता वसूयवो हविषा बुध्यमानाः ।
- 5.003.06c वयं समर्ये विदथेष्वह्नां वयं राया सहसस्पुत्र मर्तान् ॥
- 5.003.07a यो न आगो अभ्येनो भरात्यधीदघमघशंसे दधात ।
- 5.003.07c जही चिकित्वो अभिशस्तिमेतामग्ने यो नो मर्चयति द्वयेन ॥
- 5.003.08a त्वामस्या व्युषि देव पूर्वे दूतं कृणवाना अयजन्त हव्यैः ।
- 5.003.08c संस्थे यदग्न ईयसे रयीणां देवो मर्तैर्वसुभिरिध्यमानः ॥
- 5.003.09a अत्र स्पृधि पितरं योधि विद्वान्पुत्रो यस्ते सहसः सून ऊहे ।
- 5.003.09c कदा चिकित्वो अभि चक्षसे नोऽग्ने कदां ऋतचिद्यातयासे ॥
- 5.003.10a भूरि नाम वन्दमानो दधाति पिता वसो यदि तज्जोषयासे ।
- 5.003.10c कुविद्देवस्य सहसा चकानः सुम्नमग्निर्वनते वावृधानः ॥

- 5.003.11a त्वमङ्ग॑ जरि॒तारं॑ यवि॒ष्ठ वि॒श्वान्य॑ग्ने दुरि॒ताति॑ पर्षि॒ ।
- 5.003.11c स्तेना॑ अ॒ट्टश्र॑त्रि॒पवो॑ जना॒सोऽज्ञा॑तके॒ता वृ॒जिना॑ अभू॒वन् ॥
- 5.003.12a इ॒मे या॑मा॒सस्त्व॑द्रि॒गभू॑वन्व॒सवे॑ वा तदि॒दागो॑ अ॒वाचि॑ ।
- 5.003.12c नाहा॑यम॒ग्नि॒रभि॑शस्त॒ये नो॒ न री॑षते वावृ॒धानः॑ परा॒ दात् ॥
- 5.004.01a त्वाम॑ग्ने वसु॒पतिं॑ वसू॒नाम॑भि प्र म॒न्दे अ॒ध्वरे॑षु राजन् ।
- 5.004.01c त्वया॑ वाजं॑ वाज॒यन्तो॑ जये॒माभि॑ ष्याम॒ पृत्सु॑ती॒र्मर्त्या॑नाम् ॥
- 5.004.02a ह॒व्यवा॑ळ॒ग्नि॒रजरः॑ पि॒ता नो॑ वि॒भुर्वि॑भावा सु॒दृशी॑को अ॒स्मे ।
- 5.004.02c सु॒गार्ह॑प॒त्याः समि॑षो दि॒दीह्य॑स्म॒द्भ्यश्क॑सं मि॒मीहि॑ श्रवांसि ॥
- 5.004.03a वि॒शां क॒विं वि॒शप॑तिं॒ मानु॑षीणां शु॒चिं पा॒वकं॑ घृ॒तपृ॑ष्ठम॒ग्निम् ।
- 5.004.03c नि हो॑तारं॒ विश्व॑विदं॒ दधि॑ध्वे स दे॒वेषु॑ वन॒ते वा॒र्याणि॑ ॥
- 5.004.04a जुष॑स्वा॒ग्ने इ॒ळ्या स॒जोषा॑ यत॒मानो॑ र॒श्मिभिः॑ सूर्य॒स्य ।
- 5.004.04c जुष॑स्व नः॒ समि॑धं जा॒तवे॑द आ च दे॒वान्ह॑वि॒रद्या॑य व॒द्धि ॥
- 5.004.05a जुष्टो॑ द॒मूना॑ अ॒तिथि॑र्दुरो॒ण इ॒मं नो॑ य॒ज्ञमु॑प या॒हि वि॒द्वान् ।
- 5.004.05c विश्वा॑ अ॒ग्ने अ॒भियु॑जो वि॒हत्या॑ शत्रू॒यता॑मा भ॒रा भो॑जनानि ॥
- 5.004.06a व॒धेन॑ दस्युं प्र हि चा॒तय॑स्व व॒यः कृ॑ण॒वान॑स्तन्वे॒श् स्वा॑यै ।
- 5.004.06c पि॒पर्षि॑ यत्स॒हस॑स्पु॒त्र दे॒वान्त॑सो अ॒ग्ने पा॑हि नृ॒तम॑ वा॒जे अ॒स्मान् ॥
- 5.004.07a वयं॑ ते अ॒ग्ने उ॒क्थै॑र्वि॒धेम॑ वयं॒ हव्यैः॑ पा॒वक॑ भ॒द्रशो॑चे ।

- 5.004.07c अ॒स्मे र॒यिं वि॒श्व॒वारं॑ स॒मि॒न्वा॒स्मे वि॒श्वानि॑ द्र॒वि॒णानि॑ धेहि ॥
- 5.004.08a अ॒स्माक॑म॒ग्ने अ॒ध्वरं॑ जुष॒स्व स॒हसः॑ सू॒नो त्रि॒षध॑स्थ ह॒व्यम् ।
- 5.004.08c व॒यं दे॒वेषु॑ सु॒कृतः॑ स्याम श॒र्मणा॑ न॒स्त्रि॒वरू॑थेन पाहि ॥
- 5.004.09a वि॒श्वानि॑ नो दु॒र्गहा॑ जा॒तवे॑दः सि॒न्धुं न॒ नावा॑ दु॒रिता॑ति पर्षि ।
- 5.004.09c अ॒ग्ने अ॒त्रि॒व॒न्न॒मसा॑ गृ॒णानो॑ऽस्माकं॑ बो॒ध्यवि॑ता त॒नूना॑म् ॥
- 5.004.10a य॒स्त्वा ह॒दा की॑रिणा म॒न्यमा॑नोऽम॒र्त्य म॒र्त्यो जो॑हवीमि ।
- 5.004.10c जा॒तवे॑दो य॒शो अ॒स्मासु॑ धेहि प्र॒जाभि॑र॒ग्ने अ॒मृत॑त्वम॒श्याम् ॥
- 5.004.11a य॒स्मै त्वं सु॒कृते॑ जा॒तवे॑द उ॒ लोक॑म॒ग्ने कृ॒णवः॑ स्यो॒नम् ।
- 5.004.11c अ॒श्विनं॑ स पु॒त्रिणं॑ वी॒रव॑न्तं गो॒मन्तं॑ र॒यिं न॑शते स्व॒स्ति ॥
- 5.005.01a सु॒स॒मि॒द्धाय॑ शो॒चिषे॑ घृ॒तं ती॒व्रं जु॑होतन ।
- 5.005.01c अ॒ग्नये॑ जा॒तवे॑दसे ॥
- 5.005.02a न॒राशंसः॑ सु॒षूद॑तीमं य॒ज्ञम॑दा॒भ्यः ।
- 5.005.02c क॒विर्हि॑ म॒धुह॑स्त्यः ॥
- 5.005.03a ई॒ळितो॑ अ॒ग्न आ॒ वहे॑न्द्रं चि॒त्रमि॑ह प्रि॒यम् ।
- 5.005.03c सु॒खै र॑थेभि॒रू॒तये॑ ॥
- 5.005.04a ऊ॒र्ण॒म्रदा॑ वि प्रथ॒स्वाभ्य॑र्का॒ अनू॑षत ।
- 5.005.04c भ॒वा नः॑ शु॒भ्र सा॑तये ॥

- 5.005.05a दे॒वी॒द्वारो॑ वि श्रय॑ध्वं सु॒प्राय॑णा न ऊ॒तये॑ ।
- 5.005.05c प्र॒प्र य॑ज्ञं पृ॒णीत॑न ॥
- 5.005.06a सु॒प्रती॑के वयो॒वृधा॑ य॒ही ऋ॒तस्य॑ मा॒तरा॑ ।
- 5.005.06c दो॒षामु॑षासमीमहे ॥
- 5.005.07a वा॒तस्य॑ प॒त्म॒न्नीळि॑ता दै॒व्या हो॑तारा म॒नुषः॑ ।
- 5.005.07c इ॒मं नो॑ य॒ज्ञमा॑ ग॒तम् ॥
- 5.005.08a इ॒ळा सर॑स्वती म॒ही ति॒स्रो दे॒वीर्म॑यो॒भुवः॑ ।
- 5.005.08b ब॒र्हिः सी॑दन्त्व॒स्त्रिधः॑ ॥
- 5.005.09a शि॒वस्त्व॑ष्टरि॒हा ग॑हि वि॒भुः पो॑ष उ॒त त्म॑ना ।
- 5.005.09c य॒ज्ञेय॑ज्ञे न उ॒दव॑ ॥
- 5.005.10a यत्र॑ वे॒त्थ व॑नस्प॒ते दे॒वानां॑ गु॒ह्या ना॑मानि ।
- 5.005.10c तत्र॑ ह॒व्यानि॑ गा॒मय॑ ॥
- 5.005.11a स्वा॒हाग्ने॑ये वरु॒णाय॑ स्वा॒हेन्द्रा॑य म॒रुद्भ्यः॑ ।
- 5.005.11c स्वा॒हा दे॒वेभ्यो॑ ह॒विः ॥
- 5.006.01a अ॒ग्निं तं॑ म॒न्ये यो॑ वसु॒रस्तं॑ यं य॒न्ति धे॒नवः॑ ।
- 5.006.01c अ॒स्तम॑र्वन्त आ॒शवो॑ऽस्तं॒ नित्या॑सो वा॒जिन॑ इ॒षं स्तो॑तृ॒भ्य आ॑ भर ॥
- 5.006.02a सो अ॒ग्निर्यो॑ वसु॒र्गृणे॑ सं य॒माय॑न्ति धे॒नवः॑ ।

- 5.006.02c सम॑र्व॒न्तो र॒घु॒द्रु॒वः सं॑ सु॒जा॒तासः॑ सू॒र्य इ॑षं स्तो॒तृ॒भ्य आ॑ भर ॥
- 5.006.03a अ॒ग्नि॒र्हि वा॒जिनं॑ वि॒शे द॑दाति वि॒श्वच॑र्षणिः ।
- 5.006.03c अ॒ग्नी रा॒ये स्वा॒भुवं स॑ प्री॒तो या॑ति वा॒र्यमि॑षं स्तो॒तृ॒भ्य आ॑ भर ॥
- 5.006.04a आ॒ ते अ॒ग्न इ॒धीम॑हि द्यु॒मन्तं॑ दे॒वाजर॑म् ।
- 5.006.04c यद्ध॑ स्या॒ ते प॒नीय॑सी॒ समि॑द्दी॒दय॑ति द्य॒वीषं॑ स्तो॒तृ॒भ्य आ॑ भर ॥
- 5.006.05a आ॒ ते अ॒ग्न ऋ॒चा ह॒विः शु॒क्रस्य॑ शोचिष॒स्पते॑ ।
- 5.006.05c सु॒श्व॒न्द्र द॒स्म वि॒शप॑ते ह॒व्यवा॑ट् तु॒भ्यं हू॒यत॑ इ॒षं स्तो॒तृ॒भ्य आ॑ भर ॥
- 5.006.06a प्रो॒ त्ये अ॒ग्नयो॑ऽग्निषु॒ विश्वं॑ पु॒ष्यन्ति॑ वा॒र्यम्॑ ।
- 5.006.06c ते हि॒न्विरे॑ त इ॒न्विरे॑ त इ॒षण्य॑न्त्यानु॒षगि॑षं स्तो॒तृ॒भ्य आ॑ भर ॥
- 5.006.07a तव॑ त्ये अ॒ग्ने अ॒र्चयो॑ म॒हि ब्रा॑धन्त वा॒जिनः॑ ।
- 5.006.07c ये प॒त्वभिः॑ श॒फानां॑ ब्र॒जा भु॑रन्त गो॒नामि॑षं स्तो॒तृ॒भ्य आ॑ भर ॥
- 5.006.08a नवा॑ नो अ॒ग्न आ॑ भर स्तो॒तृ॒भ्यः सु॒क्षिती॑रिषः ।
- 5.006.08c ते स्या॑म य आ॒नृ॒चु॒स्त्वा॒दूता॑सो द॒मेद॑म इ॒षं स्तो॒तृ॒भ्य आ॑ भर ॥
- 5.006.09a उ॒भे सु॒श्व॒न्द्र सर्पि॑षो द॒र्वी श्री॑णीष आ॒सनि॑ ।
- 5.006.09c उ॒तो न॑ उ॒त्पु॒पूर्या॑ उ॒क्थेषु॑ शव॒सस्प॑त इ॒षं स्तो॒तृ॒भ्य आ॑ भर ॥
- 5.006.10a ए॒वाँ अ॒ग्निम॑जु॒र्यमु॑र्गी॒र्भिर्य॑ज्ञे॒भिरानु॑षक् ।
- 5.006.10c द॒धद॑स्मे सु॒वीर्य॑मु॒त त्य॑दा॒श्वश्व्य॑मिषं स्तो॒तृ॒भ्य आ॑ भर ॥

- 5.007.01a सखायः सं वः सम्यञ्चमिषं स्तोमं चाग्रये ।
- 5.007.01c वर्षिष्ठाय द्वितीनामूर्जो नप्त्रे सहस्वते ॥
- 5.007.02a कुत्रा चिद्यस्य समृतौ रणवा नरो नृषदने ।
- 5.007.02c अर्हन्तश्चिद्यमिन्धते संजनयन्ति जन्तवः ॥
- 5.007.03a सं यदिषो वनामहे सं हव्या मानुषाणाम् ।
- 5.007.03c उत द्युम्नस्य शवस ऋतस्य रश्मिमा ददे ॥
- 5.007.04a स स्मा कृणोति केतुमा नक्तं चिद्दूर आ सते ।
- 5.007.04c पावको यद्वनस्पतीन्प्र स्मा मिनात्यजरः ॥
- 5.007.05a अत्र स्म यस्य वेषणे स्वेदं पथिषु जुहति ।
- 5.007.05c अभीमह स्वजेन्यं भूमा पृष्ठेव रुरुहुः ॥
- 5.007.06a यं मर्त्यः पुरुस्पृहं विदद्विश्चस्य धायसे ।
- 5.007.06c प्र स्वादनं पितूनामस्ततातिं चिदायवे ॥
- 5.007.07a स हि ष्मा धन्वाक्षितं दाता न दात्या पशुः ।
- 5.007.07c हिरिश्मश्रुः शुचिदन्नभुरनिभृष्टतविषिः ॥
- 5.007.08a शुचिः ष्म यस्मा अत्रिवत्प्र स्वधितीव रीयते ।
- 5.007.08c सुषूरसूत माता क्राणा यदानशे भगम् ॥
- 5.007.09a आ यस्ते सर्पिरासुतेऽग्ने शमस्ति धायसे ।
- 5.007.09c ऐषु द्युम्नमुत श्रव आ चित्तं मर्त्येषु धाः ॥

- 5.007.10a इति चिन्मन्युमग्निजस्त्वादातमा पशुं ददे ।
- 5.007.10c आदग्ने अपृणतोऽग्निः सासह्याद्दस्यूनिषः सासह्यान्नृन् ॥
- 5.008.01a त्वामग्ने ऋतायवः समीधिरे प्रत्नं प्रत्नास ऊतये सहस्कृत ।
- 5.008.01c पुरुश्चन्द्रं यजतं विश्वधायसं दमूनसं गृहपतिं वरेण्यम् ॥
- 5.008.02a त्वामग्ने अतिथिं पूर्व्यं विशः शोचिष्केशं गृहपतिं नि षेदिरे ।
- 5.008.02c बृहत्केतुं पुरुरूपं धनस्पृतं सुशर्माणं स्ववसं जरद्विषम् ॥
- 5.008.03a त्वामग्ने मानुषीरीळते विशो होत्राविदं विविचिं रत्नधातमम् ।
- 5.008.03c गुहा सन्तं सुभग विश्वदर्शतं तुविष्वणसं सुयजं घृतश्रियम् ॥
- 5.008.04a त्वामग्ने धर्णासिं विश्वधा वयं गीर्भिर्गृणन्तो नमसोप सेदिम ।
- 5.008.04c स नो जुषस्व समिधानो अङ्गिरो देवो मर्तस्य यशसा सुदीतिभिः ॥
- 5.008.05a त्वमग्ने पुरुरूपो विशेविशे वयो दधासि प्रत्नथा पुरुष्टुत ।
- 5.008.05c पुरुरण्यन्ना सहसा वि राजसि त्विषिः सा ते तित्विषाणस्य नाधृषे ॥
- 5.008.06a त्वामग्ने समिधानं यविष्ठय देवा दूतं चक्रिरे हव्यवाहनम् ।
- 5.008.06c उरुञ्जयसं घृतयोनिमाहुतं त्वेषं चक्षुर्दाधिरे चोदयन्मति ॥
- 5.008.07a त्वामग्ने प्रदिव आहुतं घृतैः सुम्नायवः सुषमिधा समीधिरे ।
- 5.008.07c स वावृधान ओषधीभिरुक्षितोऽभि ज्रयांसि पार्थिवा वि तिष्ठसे ॥

- 5.009.01a त्वामग्ने हविष्मन्तो देवं मर्तास ईळते ।
- 5.009.01c मन्ये त्वा जातवेदसं स हव्या वक्ष्यानुषक् ॥
- 5.009.02a अग्निर्होता दास्वतः क्षयस्य वृक्तबर्हिषः ।
- 5.009.02c सं यज्ञासश्चरन्ति यं सं वाजासः श्रवस्यवः ॥
- 5.009.03a उत स्म यं शिशुं यथा नवं जनिष्टारणी ।
- 5.009.03c धर्तारं मानुषीणां विशामग्निं स्वध्वरम् ॥
- 5.009.04a उत स्म दुर्गृभीयसे पुत्रो न ह्यार्याणाम् ।
- 5.009.04c पुरू यो दग्धासि वनाग्ने पशुर्न यवसे ॥
- 5.009.05a अथ स्म यस्यार्चयः सम्यक्संयन्ति धूमिनः ।
- 5.009.05c यदीमह त्रितो दिव्युप ध्मातेव धमति शिशीते ध्मातरी यथा ॥
- 5.009.06a तवाहमग्न ऊतिभिर्मित्रस्य च प्रशस्तिभिः ।
- 5.009.06c द्वेषोयुतो न दुरिता तुर्याम मर्त्यानाम् ॥
- 5.009.07a तं नो अग्ने अभी नरो रयिं सहस्व आ भर ।
- 5.009.07c स क्षेपयत्स पोषयद्भुवद्वाजस्य सातय उतैधि पृत्सु नो वृधे ॥
- 5.010.01a अग्न ओजिष्ठमा भर द्युम्नमस्मभ्यमधिगो ।
- 5.010.01c प्र नो राया परीणसा रत्सि वाजाय पन्थाम् ॥
- 5.010.02a त्वं नो अग्ने अद्भुत क्रत्वा दक्षस्य मंहना ।

- 5.010.02c त्वे असुर्यशमारुहत्क्राणा मित्रो न यज्ञियः ॥
- 5.010.03a त्वं नो अग्न एषां गयं पुष्टिं च वर्धय ।
- 5.010.03c ये स्तोमेभिः प्र सूरयो नरो मघान्यानशुः ॥
- 5.010.04a ये अग्ने चन्द्र ते गिरः शुम्भन्त्यश्वराधसः ।
- 5.010.04c शुष्मेभिः शुष्मिणो नरो दिवश्चिद्येषां बृहत्सुकीर्तिर्बोधति त्मना ॥
- 5.010.05a तव त्ये अग्ने अर्चयो भ्राजन्तो यन्ति धृष्णुया ।
- 5.010.05c परिज्मानो न विद्युतः स्वानो रथो न वाजयुः ॥
- 5.010.06a नू नो अग्न ऊतये सबाधसश्च रातये ।
- 5.010.06c अस्माकासश्च सूरयो विश्वा आशास्तरीषणि ॥
- 5.010.07a त्वं नो अग्ने अङ्गिर स्तुत स्तवान आ भर ।
- 5.010.07c होतर्विभ्वासहं रयिं स्तोतृभ्य स्तवसे च न उतैधि पृत्सु नो वृधे ॥
- 5.011.01a जनस्य गोपा अजनिष्ट जागृविरग्निः सुदत्तः सुविताय नव्यसे ।
- 5.011.01c घृतप्रतीको बृहता दिविस्पृशा द्युमद्वि भाति भरतेभ्यः शुचिः ॥
- 5.011.02a यज्ञस्य केतुं प्रथमं पुरोहितमग्निं नरस्त्रिषधस्थे समीधिरे ।
- 5.011.02c इन्द्रेण देवैः सरथं स बर्हिषि सीदन्नि होता यजथाय सुक्रतुः ॥
- 5.011.03a असम्मृष्टो जायसे मात्रोः शुचिर्मन्द्रः कविरुदतिष्ठो विवस्वतः ।
- 5.011.03c घृतेन त्वावर्धयन्नग्न आहुत धूमस्ते केतुरभवद्विवि श्रितः ॥

- 5.011.04a अग्निर्नो॑ यज्ञमुप॑ वेतु साधुयाग्निं॑ नरो॒ वि भरन्ते॑ गृहे॒गृहे॑ ।
- 5.011.04c अग्निर्दूतो॑ अभवद्धव्यवाहनोऽग्निं॑ वृणाना॑ वृणते॒ कविक्रतुम्॑ ॥
- 5.011.05a तुभ्येदमग्ने॑ मधुमत्तमं॑ वचस्तुभ्यं॑ मनीषा॑ इयमस्तु॒ शं हृदे॑ ।
- 5.011.05c त्वां गिरः॑ सिन्धुमिवावनीर्महीरा॑ पृणन्ति॒ शवसा॑ वर्धयन्ति॒ च ॥
- 5.011.06a त्वामग्ने॑ अङ्गिरसो॒ गुहा॑ हितमन्वविन्दञ्छ्रियाणं॑ वनेवने॑ ।
- 5.011.06c स जायसे॑ मथ्यमानः॒ सहो॑ महत्त्वामाहुः॒ सहसस्पुत्रमङ्गिरः॑ ॥

- 5.012.01a प्राग्नये॑ बृहते॒ यज्ञियाय॑ ऋतस्य॒ वृष्णे॑ असुराय॒ मन्म॑ ।
- 5.012.01c घृतं॑ न यज्ञ॒ आस्ये॑ सुपूतं॒ गिरं॑ भरे॒ वृषभाय॑ प्रतीचीम् ॥
- 5.012.02a ऋतं॑ चिकित्व॒ ऋतमिच्चिकिद्ध॑तस्य॒ धारा॑ अनु॒ तृन्धि॑ पूर्वीः ।
- 5.012.02c नाहं॑ यातुं॒ सहसा॑ न द्वयेन॒ ऋतं॑ सपाम्यरुषस्य॒ वृष्णाः॑ ॥
- 5.012.03a कया॑ नो अग्न॒ ऋतयन्नृतेन॑ भुवो॒ नवेदा॑ उचथस्य॒ नव्यः॑ ।
- 5.012.03c वेदा॑ मे देव॒ ऋतुपा॑ ऋतूनां॒ नाहं॑ पतिं॒ सनितुरस्य॑ रायः ॥
- 5.012.04a के॑ ते अग्ने॒ रिपवे॑ बन्धनासः॒ के पायवः॑ सनिषन्त॒ द्युमन्तः॑ ।
- 5.012.04c के॑ धासिमग्ने॒ अनृतस्य॑ पान्ति॒ क आसतो॑ वचसः॒ सन्ति॑ गोपाः ॥
- 5.012.05a सखायस्ते॑ विषुणा॒ अग्न एते॑ शिवासः॒ सन्तो॑ अशिवा॒ अभूवन्॑ ।
- 5.012.05c अधूर्षत॑ स्वयमेते॒ वचोभिर्ऋजूयते॑ वृजिनानि॒ ब्रुवन्तः॑ ॥
- 5.012.06a यस्ते॑ अग्ने॒ नमसा॑ यज्ञमीदृ॒ ऋतं॑ स पात्यरुषस्य॒ वृष्णाः॑ ।

5.012.06c तस्य॑ दयः॑ पृथु॑रा सा॒धुरे॑तु प्रस॒स्त्रा॑णस्य॒ नहु॑षस्य॒ शेषः॑ ॥

5.013.01a अ॒र्च॒न्त॒स्त्वा॑ ह॒वाम॑हेऽ॒र्च॒न्तः॑ स॒मि॒धी॑महि ।

5.013.01c अ॒ग्ने॑ अ॒र्च॒न्त॒ ऊ॒तये॑ ॥

5.013.02a अ॒ग्ने॑ स्तो॒मं॑ म॒नाम॑हे॒ सि॒ध्रम॑द्य॒ दि॒वि॒स्पृ॑शः ।

5.013.02c दे॒वस्य॑ द्र॒वि॒णस्य॑वः ॥

5.013.03a अ॒ग्नि॑र्जु॒षत॑ नो॒ गि॒रो॒ होता॑ यो॒ मा॒नु॒षे॒ष्वा ।

5.013.03c स॒ य॒क्ष॑द्दे॒व्यं॑ ज॒नम् ॥

5.013.04a त्व॒मग्ने॑ स॒प्र॒था॑ अ॒सि॒ जु॒ष्टो॒ होता॑ व॒रे॒ण्यः॑ ।

5.013.04c त्व॒या॑ य॒ज्ञं॑ वि॒ त॒न्व॒ते ॥

5.013.05a त्वा॒मग्ने॑ वा॒ज॒सा॒त॒मं॑ वि॒प्रा॑ व॒र्ध॒न्ति॑ सु॒ष्टु॒तम् ।

5.013.05c स॒ नो॑ रा॒स्व॒ सु॒वी॒र्य॑म् ॥

5.013.06a अ॒ग्ने॑ ने॒मि॒र॒राँ॑ इ॒व दे॒वाँ॑स्त्वं॒ परि॑भूर॒सि ।

5.013.06c आ॒ रा॒धश्चि॑त्र॒मृ॒ञ्ज॒से ॥

5.014.01a अ॒ग्निं॑ स्तो॒मेन॑ बो॒धय॑ स॒मि॒धा॒नो॑ अ॒म॒र्त्य॑म् ।

5.014.01c ह॒व्या॑ दे॒वेषु॑ नो॒ द॒धत् ॥

5.014.02a त॒म॒ध्व॒रे॒ष्वी॑ळते॒ दे॒वं॒ म॒र्ता॑ अ॒म॒र्त्य॑म् ।

- 5.014.02c यजिष्ठं॑ मानु॒षे॑ जने॑ ॥
- 5.014.03a तं॑ हि शश्वन्त॑ ईळते॑ स्रु॒चा दे॒वं घृ॒तश्चु॒ता ।
- 5.014.03c अग्निं॑ ह॒व्याय॑ वोळ्ह॒वे ॥
- 5.014.04a अग्नि॑र्जातो॑ अरोचत॑ घ्नन्दस्यू॒ञ्ज्योति॑षा तमः॑ ।
- 5.014.04c अवि॑न्दद्गा॒ अपः॑ स्वः॑ ॥
- 5.014.05a अग्नि॑मीळ॒न्यं क॒विं घृ॒तपृ॑ष्ठं सपर्यत॑ ।
- 5.014.05c वेतु॑ मे शृ॒णव॑द्धवम् ॥
- 5.014.06a अग्निं॑ घृ॒तेन॑ वावृधु॑ स्तोमे॑भिर्वि॒श्वच॑र्षणिम् ।
- 5.014.06c स्वा॒धीभि॑र्वच॒स्युभिः॑ ॥
- 5.015.01a प्र वे॒धसे॑ क॒वये॑ वेद्याय॒ गिरं॑ भरे॒ यश॑से॒ पू॒र्व्याय॑ ।
- 5.015.01c घृ॒तप्र॑सत्तो॒ असुरः॑ सु॒शेवो॑ रा॒यो ध॒र्ता ध॒रुणो॑ वस्वो॒ अग्निः॑ ॥
- 5.015.02a ऋ॒तेन॑ ऋ॒तं ध॒रुणं॑ धा॒रय॑न्त॒ यज्ञ॑स्य॒ शाके॑ पर॒मे व्यो॑मन् ।
- 5.015.02c दि॒वो ध॒र्मन्ध॑रुणो॒ सेदु॑षो नृ॒ञ्जातै॑रजा॒ताँ अ॒भि ये॑ नन॒क्षुः ॥
- 5.015.03a अ॒ङ्हो॒युव॑स्तन्व॒स्तन्व॑ते॒ वि वयो॑ म॒हद्दु॑ष्ट्रं॒ पू॒र्व्याय॑ ।
- 5.015.03c स सं॒वतो॑ नवजा॒तस्तु॑तु॒र्यात्सि॑ङ्हं॒ न क्रु॑द्धम॒भितः॑ परि॒ षुः ॥
- 5.015.04a मा॒तेव॑ यद्भ॒रसे॑ पप्र॒थानो॑ जनं॒जनं॑ धाय॒से च॑क्ष॒से च॑ ।
- 5.015.04c वयो॑वयो॒ जर॑से॒ यद्धानः॑ परि॒ त्मना॑ वि॒षु॒रूपो॑ जिगासि ॥

- 5.015.05a वा॒जो॒ नु॒ ते॒ शव॑स॒स्पा॒त्वन्त॑मु॒रुं॒ दो॒घं॒ ध॒रु॒णं॑ दे॒व रा॒यः॑ ।
- 5.015.05c प॒दं न॒ ता॒यु॒र्गु॒हा द॒धानो॑ म॒हो रा॒ये चि॒तय॑न्न॒त्रि॒म॒स्पः॑ ॥
- 5.016.01a बृ॒हद्व॒यो हि॒ भान॑वेऽर्चा॒ दे॒वाया॑न्नये ।
- 5.016.01c यं मि॒त्रं न॒ प्रश॑स्ति॒भिर्म॑र्ता॒सो द॑धिरे॒ पुरः॑ ॥
- 5.016.02a स हि॒ द्युभि॑र्जनानां॒ होता॑ द॒क्षस्य॑ बा॒होः॑ ।
- 5.016.02c वि॒ ह॒व्यम॑ग्निरानु॒षग्भ॑गो न वार॒मृ॒णव॑ति ॥
- 5.016.03a अ॒स्य स्तो॑मे॒ मघो॑नः॒ सख्ये॑ वृ॒द्धशो॑चिषः ।
- 5.016.03c वि॒श्वा य॑स्मिन्तु॒विष्व॑णि॒ सम॑र्ये॒ शुष्म॑माद॒धुः॑ ॥
- 5.016.04a अ॒घा ह्य॑न्न॒ एषां॑ सु॒वीर्य॑स्य॒ मंह॑ना ।
- 5.016.04c तमि॒द्यहं॑ न रोद॒सी परि॑ श्रवो॒ बभू॑वतुः ॥
- 5.016.05a नू न॒ एहि॑ वा॒र्यम॑ग्ने॒ गृणा॑न आ॒ भर॑ ।
- 5.016.05c ये व॒यं ये च॑ सू॒रयः॑ स्व॒स्ति धा॑महे॒ सचो॑तैधि॒ पृत्सु॑ नो॒ वृधे॑ ॥
- 5.017.01a आ॒ यज्ञै॑र्दे॒व म॒र्त्य इ॒त्था त॑व्यांस॒मू॒तये॑ ।
- 5.017.01c अ॒ग्निं कृ॑ते॒ स्वध्व॑रे॒ पूरु॑रीळी॒ताव॑से ॥
- 5.017.02a अ॒स्य हि॑ स्व॒यश॑स्तर आ॒सा वि॑ध॒र्मन्म॑न्यसे ।
- 5.017.02c तं नाकं॑ चि॒त्रशो॑चिषं॒ मन्द्रं॑ परो॒ मनी॑षया ॥

- 5.017.03a अ॒स्य॑ वा॒सा उ॑ अ॒र्चिषा॑ य आ॒युक्त॑ तु॒जा गि॒रा ।
- 5.017.03c दि॒वो न॑ य॒स्य रे॒तसा॑ बृ॒हच्छो॑च॒न्त्यर्च॑यः ॥
- 5.017.04a अ॒स्य॑ कृ॒त्वा वि॒चेत॑सो द॒स्मस्य॑ व॒सु रथ॑ आ ।
- 5.017.04c अ॒घा वि॒श्वा॒सु ह॒व्योऽग्नि॑र्वि॒क्षु प्र॑ श॒स्यते॑ ॥
- 5.017.05a नू॒ न इ॒द्धि वा॑र्य॒मासा॑ स॒चन्त॑ सू॒रयः॑ ।
- 5.017.05c ऊ॒र्जो न॑पा॒दभि॑ष्ट॒ये पा॒हि श॒ग्धि स्व॑स्त॒य उ॒तैधि॑ पृ॒त्सु नो॑ वृ॒धे ॥

- 5.018.01a प्रा॒तर॑ग्निः पु॒रुप्रि॑यो वि॒श स्त॑वे॒ताति॑थिः ।
- 5.018.01c वि॒श्वानि॑ यो अ॒मर्त्यो॑ ह॒व्या म॑र्तेषु रण॒यति॑ ॥
- 5.018.02a द्वि॒ताय॑ मृ॒क्तवा॑ह॒से स्व॑स्य द॒क्षस्य॑ म॒हना॑ ।
- 5.018.02c इ॒न्दुं स॑ ध॒त्त आ॒नुष॑क्स्तो॒ता चि॑त्ते अ॒मर्त्य॑ ॥
- 5.018.03a तं वो॑ दी॒र्घायु॑शो॒चिषं॑ गि॒रा हु॒वे म॒घोना॑म् ।
- 5.018.03c अ॒रिष्टो॑ येषां रथो व्य॒श्वदा॑व॒न्नीय॑ते ॥
- 5.018.04a चि॒त्रा वा॑ येषु दी॒धिति॑रा॒सन्नृ॑क्था पा॒न्ति ये॑ ।
- 5.018.04b स्ती॒र्णं ब॒र्हिः स्व॑ण॒रे श्र॑वांसि द॒धिरे॑ परि ॥
- 5.018.05a ये मे॑ पञ्चा॒शतं॑ द॒दुर॑श्वा॒नां स॒धस्तु॑ति ।
- 5.018.05b द्यु॒मद॑ग्ने म॒हि श्र॑वो बृ॒हत्कृ॑धि म॒घोनां॑ नृ॒वद॑मृत नृ॒णाम् ॥

- 5.019.01a अ॒भ्य॒व॒स्थाः॑ प्र॒ जा॒य॒न्ते॑ प्र॒ व॒त्रे॒र्वी॒त्रि॒श्चि॒केत॑ ।
- 5.019.01c उ॒प॒स्थे॑ मा॒तु॒र्वि॑ च॒ष्टे ॥
- 5.019.02a जु॒हुरे॑ वि॒ चि॒त॒य॒न्तोऽनि॑मिषं नृ॒म्णां॑ पा॒न्ति॑ ।
- 5.019.02c आ॒ दृ॒ळ्हां॑ पु॒रं॑ वि॒वि॒शुः ॥
- 5.019.03a आ॒ श्वै॒त्रे॒य॒स्य॑ ज॒न्त॒वो॑ द्यु॒म॒द्व॒र्ध॒न्त॑ कृ॒ष्टयः॑ ।
- 5.019.03b नि॒ष्क॒ग्री॒वो॑ बृ॒हदु॑क्थ ए॒ना म॒ध्वा न॑ वा॒ज॒युः ॥
- 5.019.04a प्रि॒यं दु॒ग्धं॑ न का॒म्य॒मजा॑मि जा॒म्योः॑ स॒चा ।
- 5.019.04c घ॒र्मो॑ न वा॒ज॒ज॒ठरोऽद॑ब्धः श॒श्वतो॑ द॒भः ॥
- 5.019.05a क्री॒ळ॒न्नो॑ र॒श्म आ॑ भु॒वः सं॑ भ॒स्मना॑ वा॒युना॑ वे॒वि॒दानः॑ ।
- 5.019.05b ता॑ अ॒स्य॑ स॒न्धृ॒ष॒जो॑ न ति॒ग्माः॑ सु॒सं॒शिता॑ व॒द्यो व॒क्षणे॑स्थाः ॥
- 5.020.01a य॒म॒ग्ने वा॑ज॒सात॑म॒ त्वं चि॒न्म॒न्य॑से र॒यिम् ।
- 5.020.01c तं नो॑ गी॒र्भिः॑ श्र॒वा॒य्यं॑ दे॒व॒त्रा प॑नया॒ यु॒ज॒म् ॥
- 5.020.02a ये अ॒ग्ने ने॑र॒य॒न्ति॑ ते वृ॒द्धा उ॒ग्र॒स्य॑ श॒वसः॑ ।
- 5.020.02b अ॒प द्वे॑षो अ॒प ह॒रोऽन्य॑व्र॒त॒स्य॑ स॒श्चिरे॑ ॥
- 5.020.03a हो॒तारं॑ त्वा वृ॒णी॒महेऽग्ने॑ द॒क्ष॒स्य॑ सा॒ध॒न॒म् ।
- 5.020.03b य॒ज्ञेषु॑ पू॒र्व्यं गि॒रा प्र॑य॒स्व॒न्तो ह॑वामहे ॥
- 5.020.04a इ॒त्था यथा॑ त उ॒तये॑ स॒हसा॑व॒न्दि॒वे॒दिवे॑ ।

5.020.04b रा॒य ऋ॒ताय॑ सु॒क्रतो॑ गो॒भिः॑ ष्या॒म स॒धमा॑दो वी॒रैः॑ स्या॒म स॒धमा॑दः ॥

5.021.01a म॒नु॒ष्वत्त्वा॑ नि॒ धी॒महि॑ म॒नु॒ष्वत्स॑मि॒धी॒महि॑ ।

5.021.01c अ॒ग्ने॑ म॒नु॒ष्वद॑ङ्गि॒रो दे॒वान्दे॒वय॑ते॒ यज॑ ॥

5.021.02a त्वं॑ हि॒ मा॒नु॒षे॑ ज॒नेऽग्ने॑ सु॒प्री॒त इ॒ध्यसे॑ ।

5.021.02c स्रु॒चस्त्वा॑ य॒न्त्या॒नु॒षक्सु॑जा॒त सर्पि॑रा॒सुते॑ ॥

5.021.03a त्वां॑ वि॒श्वे॑ स॒जोष॑सो॒ दे॒वासो॑ दू॒तम॑क्र॒त ।

5.021.03b स॒पर्य॑न्त॒स्त्वा क॒वे य॒ज्ञेषु॑ दे॒वमी॑ळते ॥

5.021.04a दे॒वं वो॑ दे॒वय॒ज्यया॒ग्निमी॑ळी॒त म॒र्त्यः॑ ।

5.021.04b स॒मिद्धः॑ शु॒क्र दी॑दि॒हृत॑स्य॒ योनि॑मा॒सदः॑ स॒सस्य॑ यो॒निमा॑सदः ॥

5.022.01a प्र॑ वि॒श्वसाम॑न्न॒त्रिव॑र्चा॒ पाव॑कशो॒चिषे॑ ।

5.022.01c यो॑ अ॒ध्वरे॑ष्वी॒ड्यो हो॒ता म॒न्द्रत॑मो॒ विशि॑ ॥

5.022.02a न्य॒श्निं॑ जा॒तवे॑दसं॒ दधा॑ता॒ दे॒वमृ॑त्वि॒जम् ।

5.022.02c प्र॒ यज्ञ॑ ए॒त्वानु॑ष॒गद्या॑ दे॒वव्य॑च॒स्तमः॑ ॥

5.022.03a चि॒कि॒त्वि॒न्मन॑सं॒ त्वा दे॒वं म॒र्तास॑ ऊ॒तये॑ ।

5.022.03c वरे॑ण्यस्य॒ तेऽव॑स॒ इया॑नासो॒ अम॑न्महि ॥

5.022.04a अ॒ग्ने चि॑कि॒द्धय॑श्स्य॒ न इ॒दं व॑चः॒ सह॑स्य ।

5.022.04c तं त्वा सुशिप्र दम्पते स्तोमैर्वर्धन्त्यत्रयो गीर्भिः शुम्भन्त्यत्रयः ॥

5.023.01a अग्ने सहन्तमा भर द्युमन्नस्य प्रासहा रयिम् ।

5.023.01c विश्वा यश्चर्षणीरभ्याश्सा वाजेषु सासहत् ॥

5.023.02a तमग्ने पृतनाषहं रयिं सहस्व आ भर ।

5.023.02b त्वं हि सत्यो अद्भुतो दाता वाजस्य गोमतः ॥

5.023.03a विश्वे हि त्वा सजोषसो जनासो वृक्तबर्हिषः ।

5.023.03c होतारं सद्मसु प्रियं व्यन्ति वार्या पुरु ॥

5.023.04a स हि ष्मा विश्वचर्षणीरभिमाति सहो दधे ।

5.023.04b अन्न एषु क्षयेष्वा रेवन्नः शुक्र दीदिहि द्युमत्पावक दीदिहि ॥

5.024.01a अग्ने त्वं नो अन्तम उत त्राता शिवो भवा वरूथ्यः ॥

5.024.02a वसुरग्निर्वसुश्रवा अच्छा नक्षि द्युमत्तमं रयिं दाः ॥

5.024.03a स नो बोधि श्रुधी हवमुरुष्या णो अघायतः समस्मात् ॥

5.024.04a तं त्वा शोचिष्ठ दीदिवः सुम्नाय नूनमीमहे सखिभ्यः ॥

5.025.01a अच्छा वो अग्निमवसे देवं गासि स नो वसुः ।

5.025.01c रासत्पुत्र ऋषूणामृतावा पर्षति द्विषः ॥

- 5.025.02a स हि सत्यो यं पूर्वे चिद्देवासश्चिद्यमीधिरे ।
- 5.025.02c होतारं मन्द्रजिह्वमित्सुदीतिभिर्विभावसुम् ॥
- 5.025.03a स नो धीती वरिष्ठया श्रेष्ठया च सुमत्या ।
- 5.025.03c अग्ने रायो दिदीहि नः सुवृक्तिभिवरेण्य ॥
- 5.025.04a अग्निर्देवेषु राजत्यग्निर्मर्तृष्वाविशन् ।
- 5.025.04c अग्निर्नो हव्यवाहनोऽग्निं धीभिः सपर्यत ॥
- 5.025.05a अग्निस्तुविश्रवस्तमं तुविब्रह्माणमुत्तमम् ।
- 5.025.05c अतूर्तं श्रावयत्पतिं पुत्रं ददाति दाशुषे ॥
- 5.025.06a अग्निर्ददाति सत्पतिं सासाह यो युधा नृभिः ।
- 5.025.06c अग्निरत्यं रघुष्यदं जेतारमपराजितम् ॥
- 5.025.07a यद्वाहिष्ठं तदग्नये बृहदर्चं विभावसो ।
- 5.025.07c महिषीव त्वद्रयिस्त्वद्वाजा उदीरते ॥
- 5.025.08a तव द्युमन्तो अर्चयो ग्रावेवोच्यते बृहत् ।
- 5.025.08c उतो ते तन्यतुर्यथा स्वानो अर्तं त्मना दिवः ॥
- 5.025.09a एवाँ अग्निं वसूयवः सहसानं ववन्दिम ।
- 5.025.09c स नो विश्वा अति द्विषः पर्षन्नावेव सुक्रतुः ॥
- 5.026.01a अग्ने पावक रोचिषा मन्द्रया देव जिह्वया ।

- 5.026.01c आ दे॒वान्व॑क्षि॒ यक्षि॑ च ॥
- 5.026.02a तं त्वा॑ घृ॒तस्त्र॑वीमहे चि॒त्रभा॑नो स्व॒र्दृश॑म् ।
- 5.026.02c दे॒वाँ आ॑ वी॒तये॑ वह ॥
- 5.026.03a वी॒तिहो॑त्रं त्वा क॒वे द्यु॒मन्तं॑ स॒मिधी॑महि ।
- 5.026.03c अ॒ग्ने बृ॑ह॒न्तम॑ध्वरे ॥
- 5.026.04a अ॒ग्ने वि॒श्वेभि॑रा ग॒हि दे॒वेभि॑र्ह॒व्यदा॑तये ।
- 5.026.04b हो॒तारं॑ त्वा वृ॒णीम॑हे ॥
- 5.026.05a य॒जमा॑नाय सु॒न्वत॑ आ॒ग्ने सु॒वीर्य॑ वह ।
- 5.026.05c दे॒वैरा॑ स॒त्सि ब॑र्हि॒षि ॥
- 5.026.06a स॒मिधा॑नः स॒हस्र॑जिद॒ग्ने ध॑र्मा॒णि पु॑ष्यसि ।
- 5.026.06c दे॒वानां॑ दू॒त उ॒क्थ्यः॑ ॥
- 5.026.07a न्य॒श्निं जा॑तवे॒दसं॑ हो॒त्रवा॑हं य॒विष्ठ॑यम् ।
- 5.026.07c द॒धाता॑ दे॒वमृ॑त्वि॒जम् ॥
- 5.026.08a प्र य॒ज्ञ ए॒त्वानु॑ष॒गद्या॑ दे॒वव्य॑च॒स्तमः॑ ।
- 5.026.08c स्तृ॒णीत॑ ब॒र्हिरा॑सदे ॥
- 5.026.09a ए॒दं म॑रु॒तो अ॒श्विना॑ मि॒त्रः सी॑द॒न्तु व॑रु॒णः ।
- 5.026.09c दे॒वासः॑ स॒र्वया॑ वि॒शा ॥

- 5.027.01a अ॒न॒स्व॒न्ता॒ स॒त्प॒ति॒र्मा॒मे॒ मे॒ गा॒वा॒ चे॒ति॒ष्ठो॒ अ॒सु॒रो॒ म॒घो॒नः॑ ।
- 5.027.01c त्रै॒वृ॒ष्णो॒ अ॒ग्ने॒ द॒श॒भिः॑ स॒हस्रै॒र्वै॒श्वान॑र त्र्य॒रु॒णश्चि॒के॒त ॥
- 5.027.02a यो॒ मे॒ श॒ता॒ च॒ विं॒शतिं॑ च॒ गो॒नां॒ ह॒री॑ च॒ यु॒क्ता॒ सु॒धु॒रा॒ द॒दा॒ति॑ ।
- 5.027.02c वै॒श्वान॑र सु॒ष्टु॒तो॒ वा॒वृ॒धा॒नोऽग्ने॒ यच्छ॑ त्र्य॒रु॒णाय॑ श॒र्म ॥
- 5.027.03a ए॒वा॒ ते॒ अ॒ग्ने॒ सु॒मतिं॑ च॒कानो॑ न॒वि॒ष्ठाय॑ न॒वमं॑ त्र॒स॒द॒स्युः॑ ।
- 5.027.03c यो॒ मे॒ गि॒र॒स्तु॒वि॒जा॒त॒स्य॑ पू॒र्वी॒र्यु॒क्ते॒ना॒भि त्र्य॒रु॒णो॑ गृ॒णा॒ति ॥
- 5.027.04a यो॒ म॒ इति॑ प्र॒वो॒च॒त्य॒श्व॒मे॒धाय॑ सू॒रये॑ ।
- 5.027.04b द॒द॒दृ॒चा॒ स॒निं॒ यते॑ द॒द॒न्मे॒धा॒मृ॒ता॒य॒ते ॥
- 5.027.05a य॒स्य॑ मा॒ प॒रु॒षाः॒ श॒त॒मु॒द्ध॒र्ष॒य॒न्त्यु॒त्त॒रा॑णः ।
- 5.027.05c अ॒श्व॒मे॒ध॒स्य॑ दा॒नाः॒ सो॒मा॒ इ॒व॒ त्र्या॑शि॒रः ॥
- 5.027.06a इ॒न्द्रा॒ग्नी॑ श॒त॒दा॒व॒न्य॒श्व॒मे॒धे॒ सु॒वी॒र्य॑म् ।
- 5.027.06c क्ष॒त्रं॒ धा॒र॒य॒तं॒ बृ॒ह॒द्दि॒वि॒ सू॒र्य॑मि॒वा॒ज॒र॑म् ॥
- 5.028.01a स॒मि॒द्धो॑ अ॒ग्नि॒र्दि॒वि॒ शो॒चि॒र॒श्रे॒त्प्र॒त्यङ्ङु॒ष॒स॒मु॒र्वि॒या॒ वि॒ भा॒ति॑ ।
- 5.028.01c ए॒ति॒ प्रा॒ची॒ वि॒श्व॒वा॒रा॒ न॒मो॒भि॒र्दे॒वाँ॑ ई॒ळाना॑ ह॒वि॒षा॑ घृ॒ता॒ची॑ ॥
- 5.028.02a स॒मि॒ध्य॒मा॒नो॑ अ॒मृ॒त॒स्य॑ रा॒ज॒सि॒ ह॒वि॒ष्कृ॒ण॒व॒न्तं॑ स॒च॒से॒ स्व॒स्तये॑ ।
- 5.028.02c वि॒श्वं॒ स॒ ध॒त्ते॑ द्र॒वि॒णं॒ यमि॑न्व॒स्या॒ति॒थ्य॒म॒ग्ने॒ नि॒ च॒ ध॒त्त॑ इ॒त्पु॒रः ॥
- 5.028.03a अ॒ग्ने॒ श॒र्धं॑ म॒ह॒ते॒ सौ॒भ॒गा॒य॒ तव॑ द्यु॒म्नान्यु॒त्त॒मा॒नि॑ स॒न्तु॑ ।

- 5.028.03c सं जा॒स्पत्यं॑ सु॒यम॒मा कृ॑णुष्व शत्रू॒यता॑मभि ति॒ष्ठा म॒हांसि॑ ॥
- 5.028.04a समि॑द्धस्य प्रमह॒सोऽग्ने॑ वन्दे तव श्रियम् ।
- 5.028.04c वृष॑भो द्यु॒म्रवाँ॑ अ॒सि सम॑ध्वरेष्वि॒ध्यसे॑ ॥
- 5.028.05a समि॑द्धो अ॒ग्न आ॒हुत॑ दे॒वान्य॑क्षि स्वध्वर ।
- 5.028.05c त्वं हि॑ ह॒व्यवा॑ळसि ॥
- 5.028.06a आ जु॑होता दु॒वस्य॑ताग्निं प्र॒यत्य॑ध्वरे ।
- 5.028.06c वृ॒णीध्वं॑ ह॒व्यवा॑हनम् ॥
- 5.029.01a त्र्य॑र्य॒मा मनु॑षो दे॒वता॑ता त्री रो॒चना दि॒व्या धा॑रयन्त ।
- 5.029.01c अ॒र्चन्ति॑ त्वा मरु॒तः पू॒तद॑क्षास्त्वमे॒षामृ॑षि॒रिन्द्रा॑सि धी॒रः ॥
- 5.029.02a अ॒नु यदी॑ मरु॒तो म॒न्दसा॑नमा॒र्चन्निन्द्रं॑ प॒पिवांसं॑ सु॒तस्य॑ ।
- 5.029.02c आ॒दत्त॑ व॒ज्रम॑भि यद॒हिं ह॒न्नपो॑ य॒हीर॑सृ॒जत्स॑र्त॒वा उ॑ ॥
- 5.029.03a उ॒त ब्र॑ह्मा॒णो मरु॑तो मे अ॒स्येन्द्रः॑ सोम॒स्य सु॑षु॒तस्य॑ पे॒याः ।
- 5.029.03c तद्धि॑ ह॒व्यं मनु॑षे गा अ॒विन्द॑दह॒न्नहिं॑ प॒पिवाँ॑ इन्द्रो अ॒स्य ॥
- 5.029.04a आ॒द्रोद॑सी वि॒तरं॑ वि ष्क॒भाय॑त्संवि॒व्यानश्चि॑द्भियसे मृ॒गं कः॑ ।
- 5.029.04c जि॒गर्ति॑मिन्द्रो अ॒पज॑र्गुरा॒णः प्रति॑ श्व॒सन्त॑मव दान॒वं ह॑न् ॥
- 5.029.05a अ॒ध क्र॑त्वा म॒घव॑न्तु॒भ्यं दे॒वा अ॒नु वि॒श्वे अ॒ददुः॑ सोम॒पेय॑म् ।
- 5.029.05c यत्सूर्य॑स्य ह॒रितः॑ प॒तन्तीः॑ पु॒रः स॒तीरु॑परा ए॒तशे॑ कः ॥

- 5.029.06a नव॑ यद॒स्य॑ नव॒तिं च॑ भो॒गान्साकं॑ वज्रेण॑ म॒घवा॑ वि॒वृश्चत् ।
- 5.029.06c अ॒र्चन्तीन्द्रं॑ मरु॒तः सध॑स्थे त्रैष्टु॒भेन॑ वचसा॒ बाध॑त द्याम् ॥
- 5.029.07a सखा॑ सख्ये॑ अ॒पच॑त्तूयम॒ग्निरस्य॑ क्र॒त्वा म॒हिषा॑ त्री श॒तानि॑ ।
- 5.029.07c त्री॑ सा॒कमिन्द्रो॑ मनु॒षः सरा॑सि सु॒तं पिब॑द्वृत्र॒हत्याय॑ सोमम् ॥
- 5.029.08a त्री॑ यच्छ॒ता म॒हिषाणा॑मघो॒ मास्त्री॑ सरा॑सि म॒घवा॑ सो॒म्यापाः॑ ।
- 5.029.08c का॒रं न॑ वि॒श्वे अ॒हन्त॑ दे॒वा भर॑मिन्द्राय॒ यदहिं॑ ज॒घान॑ ॥
- 5.029.09a उ॒शना॑ यत्सह॒स्यैश्श॑यातं गृ॒हमिन्द्र॑ जू॒जुवाने॑भिरश्वैः ।
- 5.029.09c व॒न्वानो॑ अत्र॒ सरथं॑ ययाथ॒ कुत्से॑न दे॒वैरव॑नोर्ह शु॒ष्णाम् ॥
- 5.029.10a प्रा॒न्यच्च॑क्रमवृ॒हः सू॒र्यस्य॑ कु॒त्साया॑न्यद्वरि॒वो या॑तवेऽकः ।
- 5.029.10c अ॒नासो॑ दस्यूर॒मृणो॑ वधेन॒ नि दु॑र्यो॒ण आ॑वृण॒ङ्मृध्र॑वाचः ॥
- 5.029.11a स्तो॑मासस्त्वा गौ॒रि॒वीते॑रव॒र्धन्न॑रन्ध॒यो वैद॑थिनाय॒ पिप्रु॑म् ।
- 5.029.11c आ॒ त्वा॒मृजि॑श्वा स॒ख्याय॑ च॒क्रे प॑च॒न्पक्ती॑रपिबः सोम॑मस्य ॥
- 5.029.12a नव॑ग॒वासः सु॑तसो॒मास॑ इन्द्रं॒ दश॑ग॒वासो॑ अ॒भ्यर्च॑न्त्यकैः ।
- 5.029.12c ग॒व्यं चि॑दूर्वमपि॒धान॑वन्तं तं चि॒न्नरः॑ शश॒माना॑ अप॒ व्रन् ॥
- 5.029.13a कथो॑ नु ते परि॒ चरा॑णि वि॒द्वान्वीर्या॑ म॒घव॑न्या च॒कर्थ॑ ।
- 5.029.13c या॒ चो नु॑ नव्या॒ कृणा॑वः शवि॒ष्ठ प्रेदु॑ ता ते वि॒दथे॑षु ब्रवाम ॥
- 5.029.14a ए॒ता वि॑श्वा च॒कृवाँ॑ इन्द्र॒ भूर्य॑परीतो॒ जनु॑षा वी॒र्ये॑ण ।
- 5.029.14c या॒ चिन्नु॑ वज्रि॒न्कृणा॑वो दधृ॒ष्वान्न॑ ते॒ वर्ता॑ तवि॒ष्या अ॑स्ति॒ तस्याः॑ ॥

- 5.029.15a इन्द्र॑ ब्रह्म॑ क्रिय॑माणा जुष॑स्व या ते॑ शवि॑ष्ठ नव्या॑ अ॒कर्म॑ ।
- 5.029.15c वस्त्रे॑व भद्रा॑ सुकृ॑ता वसू॑यू रथं॑ न धी॑रः स्वपा॑ अ॒तत्त॑म् ॥
- 5.030.01a क्व॑श् स्य॒ वीरः॑ को॒ अप॑श्यदिन्द्रं॑ सु॒खर॑थमीय॒मानं॑ हरि॒भ्याम् ।
- 5.030.01c यो॒ राया॑ वज्री॒ सुत॑सोममिच्छन्तदो॒को ग॑न्ता॒ पुरु॑हू॒त ऊ॒ती ॥
- 5.030.02a अ॒वाच॑चक्षं॒ पद॑मस्य॒ सस्व॑रुग्रं॒ निधा॑तुरन्वायमिच्छन् ।
- 5.030.02c अ॒पृच्छ॑मन्याँ॒ उत॑ ते म॒ आहु॑रिन्द्रं॒ नरो॑ बु॒बुधा॑ना अ॒शेम ॥
- 5.030.03a प्र॒ नु व॑यं सु॒ते या॑ ते॒ कृता॑नीन्द्र॒ ब्रवा॑म॒ यानि॑ नो॒ जुजो॑षः ।
- 5.030.03b वेद॑दवि॒द्वाञ्छृ॑णवच्च॒ विद्वान्॑वहतेऽयं॒ मघ॑वा॒ सर्व॑सेनः ॥
- 5.030.04a स्थि॑रं मनश्च॒कृषे॑ जा॒त इन्द्र॑ वे॒षीदे॑को॒ युध॑ये॒ भूय॑सश्चित् ।
- 5.030.04b अ॒श्मानं॑ चिच्छ॒वसा॑ दि॒द्युतो॑ वि॒ विदो॑ ग॒वामूर्व॑मु॒स्त्रिया॑णाम् ॥
- 5.030.05a परो॑ यत्त्वं॒ पर॑म॒ आज॑नि॒ष्ठाः प॑रावति॒ श्रुत्यं॑ नाम॒ बिभ्र॑त् ।
- 5.030.05c अ॒तश्चि॑दिन्द्रा॒दभ॑यन्त॒ देवा॑ विश्वा॒ अपो॑ अ॒जय॑द्दा॒सप॑त्नीः ॥
- 5.030.06a तु॒भ्येदे॑ते॒ मरु॑तः॒ सुशे॑वा अ॒र्चन्त्य॑र्कं सु॒न्वन्त्य॑न्धः ।
- 5.030.06c अ॒हि॒मोहा॑नमप॒ आश॑यानं॒ प्र मा॑याभि॒र्मायि॑नं॒ सत्त॑दिन्द्रः ॥
- 5.030.07a वि॒ षू मृ॑धो॒ जनु॑षा॒ दान॑मिन्वन्नह॒न्गावा॑ म॒घव॑न्संच॒कानः॑ ।
- 5.030.07c अ॒त्रा दा॑सस्य॒ नमु॑चेः॒ शिरो॑ यद॒वर्त॑यो॒ मन॑वे॒ गातु॑मिच्छन् ॥
- 5.030.08a यु॒जं हि॑ मा॒मकृ॑था॒ आदि॑दिन्द्र॒ शिरो॑ दा॒सस्य॑ नमु॒चेर्म॑थायन् ।

- 5.030.08c अ॒श्मा॒नं॑ चि॒त्स्व॒र्य॑श् व॒र्त॒मा॒नं॑ प्र च॒क्रि॒ये॒व॑ रो॒द॒सी॑ म॒रु॒द्भ्यः॑ ॥
- 5.030.09a स्त्रि॒यो हि॑ दा॒स आ॒यु॒धा॒नि च॒क्रे॑ किं॒ मा॒ कर॒न्न॒ब॒ला अ॒स्य॑ से॒नाः ।
- 5.030.09c अ॒न्त॒र्ह॒र्ष॒व्य॒दु॒भे अ॒स्य॑ धे॒ने अ॒थो॒प प्रै॒द्यु॒ध॒ये द॒स्यु॒मि॒न्द्रः ॥
- 5.030.10a स॒म॒त्र गा॒वोऽभि॒तोऽन॒व॒न्ते॒हे॒ह व॒त्सै॒र्वि॒यु॒ता य॒दा॒सन् ।
- 5.030.10c सं॒ ता इ॒न्द्रो अ॒सृ॒ज॒द॒स्य॑ शा॒कै॒र्य॒दी॑ सो॒मा॒सः सु॒षु॒ता अ॒म॒न्द॒न् ॥
- 5.030.11a य॒दी॑ सो॒मा ब॒भ्रु॒धू॒ता अ॒म॒न्द॒न्न॒रो॒र॒वी॒दृ॒ष॒भः सा॒द॒ने॒षु ।
- 5.030.11c पु॒रं॒द॒रः प॒पि॒वाँ इ॒न्द्रो अ॒स्य॑ पु॒न॒र्ग॒वा॒म॒द॒दा॒दु॒स्त्रि॒या॒णाम् ॥
- 5.030.12a भ॒द्र॒मि॒दं रु॒श॒मा अ॒ग्ने अ॒क्र॒न्ग॒वां च॒त्वा॒रि द॒द॒तः स॒ह॒स्रा ।
- 5.030.12c ऋ॒णं॒च॒य॒स्य॑ प्र॒य॒ता म॒घा॒नि प्र॒त्य॒ग्र॒भी॒ष्म नृ॒त॒म॒स्य॑ नृ॒णाम् ॥
- 5.030.13a सु॒पे॒श॒सं मा॒व सृ॒ज॒न्त्य॒स्तं ग॒वां स॒ह॒स्रै॑ रु॒श॒मा॒सो अ॒ग्ने ।
- 5.030.13c ती॒व्रा इ॒न्द्र॒म॒म॒म॒न्दुः सु॒ता॒सोऽक्तो॒व्यु॒ष्टौ॑ प॒रि॒त॒क्म्या॒याः ॥
- 5.030.14a औ॒च्छ॒त्सा रा॒त्री प॒रि॒त॒क्म्या॑ याँ ऋ॒णं॒च॒ये रा॒ज॒नि रु॒श॒मा॒नाम् ।
- 5.030.14c अ॒त्यो न॑ वा॒जी र॒घु॒र॒ज्य॒मा॒नो ब॒भ्रु॒श्च॒त्वा॒र्य॑स॒न॒त्स॒ह॒स्रा ॥
- 5.030.15a च॒तुःस॒ह॒स्रं ग॒व्य॒स्य॑ प॒श्वः प्र॒त्य॒ग्र॒भी॒ष्म रु॒श॒मे॒ष्व॒ग्ने ।
- 5.030.15c घ॒र्मा॒श्चि॒त्त॒प्तः प्र॒वृ॒जे य॑ आ॒सी॒द॒य॒स्म॒य॒स्त॒म्वा॒दा॒म वि॒प्राः ॥
- 5.031.01a इ॒न्द्रो र॒थाय॑ प्र॒व॒तं कृ॒णो॒ति य॒म॒ध्य॒स्थान्म॒घ॒वा वा॒ज॒य॒न्त॒म् ।
- 5.031.01c यू॒थे॒व प॒श्वो व्यु॒नो॒ति गो॒पा अ॒रि॒ष्टो या॒ति प्र॒थ॒मः सि॒षा॒सन् ॥

- 5.031.02a आ प्र द्रव हरिवो मा वि वेनः पिशङ्गराते अभि नः सचस्व ।
- 5.031.02c नहि त्वदिन्द्र वस्यो अन्यदस्त्यमेनाँश्चिज्जनिवतश्चकर्थ ॥
- 5.031.03a उद्यत्सहः सहस आजनिष्ट देदिष्ट इन्द्र इन्द्रियाणि विश्वा ।
- 5.031.03c प्राचोदयत्सुदुघा वत्रे अन्तर्वि ज्योतिषा संवृत्वत्तमोऽवः ॥
- 5.031.04a अनवस्ते रथमश्वाय तदन्त्वष्टा वज्रं पुरुहूत द्युमन्तम् ।
- 5.031.04c ब्रह्माण इन्द्रं महयन्तो अकैरवर्धयन्नहये हन्तवा उ ॥
- 5.031.05a वृष्णे यत्ते वृष्णो अर्कमर्चानिन्द्र ग्रावाणो अदितिः सजोषाः ।
- 5.031.05c अनश्वासो ये पवयोऽरथा इन्द्रेषिता अभ्यवर्तन्त दस्यून् ॥
- 5.031.06a प्र ते पूर्वाणि करणानि वोचं प्र नूतना मघवन्या चकर्थ ।
- 5.031.06c शक्तीवो यद्विभरा रोदसी उभे जयन्नपो मनवे दानुचित्राः ॥
- 5.031.07a तदिन्नु ते करणं दस्म विप्राहिं यद्घ्नन्नोजो अत्रामिमीथाः ।
- 5.031.07c शुष्णस्य चित्परि माया अगृभ्णाः प्रपित्वं यन्नप दस्यूरसेधः ॥
- 5.031.08a त्वमपो यदवे तुर्वशायारमयः सुदुघाः पार इन्द्र ।
- 5.031.08c उग्रमयातमवहो ह कुत्सं सं ह यद्वामुशनारन्त देवाः ॥
- 5.031.09a इन्द्राकुत्सा वहमाना रथेना वामत्या अपि कर्णे वहन्तु ।
- 5.031.09c निः षीमद्भयो धमथो निः षधस्थान्मघोनो हृदो वरथस्तमांसि ॥
- 5.031.10a वातस्य युक्तान्सुयुजश्चिदश्वान्कविश्चिदेषो अजगन्नवस्युः ।
- 5.031.10c विश्वे ते अत्र मरुतः सखाय इन्द्र ब्रह्माणि तविषीमवर्धन् ॥

- 5.031.11a सूरश्चिद्रथं परितक्म्यायां पूर्वं करदुपरं जूजुवांसम् ।
- 5.031.11c भरच्चक्रमेतशः सं रिणाति पुरो दधत्सनिष्यति क्रतुं नः ॥
- 5.031.12a आर्यं जना अभिचक्षे जगामेन्द्रः सखायं सुतसोममिच्छन् ।
- 5.031.12c वदन्ग्रावाव वेदिं भ्रियाते यस्य जीरमध्वर्यवश्चरन्ति ॥
- 5.031.13a ये चाकनन्त चाकनन्त नू ते मर्ता अमृत मो ते अंह आरन् ।
- 5.031.13c वावन्धि यज्यूरुत तेषु धेह्योजो जनेषु येषु ते स्याम ॥
- 5.032.01a अदर्दरुत्समसृजो वि खानि त्वमर्णवान्बद्धधानाँ अरम्णाः ।
- 5.032.01c महान्तमिन्द्र पर्वतं वि यद्वः सृजो वि धारा अव दानवं हन् ॥
- 5.032.02a त्वमुत्साँ ऋतुभिर्बद्धधानाँ अरंह ऊधः पर्वतस्य वज्रिन् ।
- 5.032.02c अहिं चिदुग्र प्रयुतं शयानं जघन्वाँ इन्द्र तविषीमधत्थाः ॥
- 5.032.03a त्यस्य चिन्महतो निर्मृगस्य वधर्जघान तविषीभिरिन्द्रः ।
- 5.032.03c य एक इदप्रतिर्मन्यमान आदस्मादन्यो अजनिष्ट तव्यान् ॥
- 5.032.04a त्यं चिदेषां स्वधया मदन्तं मिहो नपातं सुवृधं तमोगाम् ।
- 5.032.04c वृषप्रभर्मा दानवस्य भामं वज्रेण वज्री नि जघान शुष्णाम् ॥
- 5.032.05a त्यं चिदस्य क्रतुभिर्निषत्तममर्मणो विददिदस्य मर्म ।
- 5.032.05c यदीं सुक्षत्र प्रभृता मदस्य युयुत्सन्तं तमसि हर्म्ये धाः ॥
- 5.032.06a त्यं चिदित्था कत्पयं शयानमसूर्ये तमसि वावृधानम् ।

- 5.032.06c तं चिन्मन्दानो वृषभः सुतस्योच्चैरिन्द्रो अपगूर्या जघान ॥
- 5.032.07a उद्यदिन्द्रो महते दानवाय वधर्यामिष्ट सहो अप्रतीतम् ।
- 5.032.07c यदी वज्रस्य प्रभृतौ ददाभ विश्वस्य जन्तोरधमं चकार ॥
- 5.032.08a त्यं चिदर्णं मधुपं शयानमसिन्वं व्रं मह्याददुग्रः ।
- 5.032.08c अपादमत्रं महता वधेन नि दुर्योण आवृणङ्मृध्रवाचम् ॥
- 5.032.09a को अस्य शुष्मं तविषीं वरात एको धना भरते अप्रतीतः ।
- 5.032.09c इमे चिदस्य ज्रयसो नु देवी इन्द्रस्यौजसो भियसा जिहाते ॥
- 5.032.10a न्यस्मै देवी स्वधितिर्जिहीत इन्द्राय गातुरुशतीव येमे ।
- 5.032.10c सं यदोजो युवते विश्वमाभिरनु स्वधान्ने क्षितयो नमन्त ॥
- 5.032.11a एकं नु त्वा सत्पतिं पाञ्चजन्यं जातं शृणोमि यशसं जनेषु ।
- 5.032.11c तं मे जगृभ्र आशसो नविष्टं दोषा वस्तोर्हवमानास इन्द्रम् ॥
- 5.032.12a एवा हि त्वामृतुथा यातयन्तं मघा विप्रेभ्यो ददतं शृणोमि ।
- 5.032.12c किं ते ब्रह्माणो गृहते सखायो ये त्वाया निदधुः काममिन्द्र ॥
- 5.033.01a महि महे तवसे दीध्ये नृनिन्द्रायेत्था तवसे अतव्यान् ।
- 5.033.01c यो अस्मै सुमतिं वाजसातौ स्तुतो जने समर्यश्चिकेत ॥
- 5.033.02a स त्वं न इन्द्र धियसानो अकैर्हरीणां वृषन्योक्रमश्रेः ।
- 5.033.02c या इत्था मघवन्ननु जोषं वदो अभि प्रार्यः सक्षि जनान् ॥

- 5.033.03a न ते त इन्द्राभ्यश्मदृष्वायुक्तासो अब्रह्मता यदसन् ।
- 5.033.03c तिष्ठा रथमधि तं वज्रहस्ता रश्मिं देव यमसे स्वश्वः ॥
- 5.033.04a पुरू यत्त इन्द्र सन्त्युक्था गवे चकर्थोर्वरासु युध्यन् ।
- 5.033.04c ततक्षे सूर्याय चिदोकसि स्वे वृषा समत्सु दासस्य नाम चित् ॥
- 5.033.05a वयं ते त इन्द्र ये च नरः शर्धो जज्ञाना याताश्च रथाः ।
- 5.033.05c आस्माञ्जगम्यादहिशुष्म सत्वा भगो न हव्यः प्रभृथेषु चारुः ॥
- 5.033.06a पपृक्षेण्यमिन्द्र त्वे ह्योजो नृम्णानि च नृतमानो अमर्तः ।
- 5.033.06c स न एनी वसवानो रयिं दाः प्रार्य स्तुषे तुविमघस्य दानम् ॥
- 5.033.07a एवा न इन्द्रोतिभिरव पाहि गृणतः शूर कारून् ।
- 5.033.07c उत त्वचं ददतो वाजसातौ पिप्रीहि मध्वः सुषुतस्य चारोः ॥
- 5.033.08a उत त्ये मा पौरुकुत्स्यस्य सूरुस्त्रसदस्योर्हिरणिनो रराणाः ।
- 5.033.08c वहन्तु मा दश श्येतासो अस्य गैरिदितस्य क्रतुभिर्नु सश्चे ॥
- 5.033.09a उत त्ये मा मारुताश्वस्य शोणाः क्रत्वामघासो विदथस्य रातौ ।
- 5.033.09c सहस्रा मे च्यवतानो ददान आनूकमर्यो वपुषे नार्चत् ॥
- 5.033.10a उत त्ये मा ध्वन्यस्य जुष्टा लक्ष्मण्यस्य सुरुचो यतानाः ।
- 5.033.10c मह्ना रायः संवरणस्य ऋषेर्व्रजं न गावः प्रयता अपि ग्मन् ॥
- 5.034.01a अजातशत्रुमजरा स्वर्वत्यनु स्वधामिता दस्ममीयते ।

- 5.034.01c सु॒नो॒त॒न॒ प॒च॒त॒ ब्र॒ह्म॒वा॒ह॒से॒ पु॒रु॒ष्टु॒ता॒य॒ प्र॒त॒रं॒ द॒धा॒त॒न॒ ॥
- 5.034.02a आ॒ यः॒ सो॒मे॒न॒ ज॒ठ॒र॒म॒पि॒प्र॒ता॒म॒न्द॒त॒ म॒घ॒वा॒ म॒ध्वो॒ अ॒न्ध॒सः॑ ।
- 5.034.02c य॒दी॑ मृ॒गा॒य॒ ह॒न्त॒वे॒ म॒हा॒व॒धः॒ स॒ह॒स्र॒भृ॒ष्टि॒मु॒श॒ना॒ व॒धं॒ य॒म॒त् ॥
- 5.034.03a यो॒ अ॒स्मै॒ घ्नं॒स॒ उ॒त॒ वा॒ य॒ ऊ॒ध॒नि॒ सो॒मं॒ सु॒नो॒ति॒ भ॒व॒ति॒ द्यु॒माँ॒ अ॒ह॒ ।
- 5.034.03c अ॒पा॒प॒ श॒क्र॒स्त॒त॒नु॒ष्टि॒मू॒ह॒ति॒ त॒नू॒शु॒भ्रं॒ म॒घ॒वा॒ यः॒ क॒वा॒स॒खः॑ ॥
- 5.034.04a य॒स्या॒व॒धी॒त्पि॒तरं॑ य॒स्य॒ मा॒तरं॑ य॒स्य॒ श॒क्रो॒ भ्रा॒तरं॑ ना॒त॒ ई॒ष॒ते॑ ।
- 5.034.04c वे॒ती॒द्वि॒स्य॒ प्र॒य॒ता॒ य॒तं॒क॒रो॒ न॒ कि॒ल्बि॒षा॒दी॒ष॒ते॒ व॒स्व॒ आ॒क॒रः॑ ॥
- 5.034.05a न॒ प॒ञ्च॒भि॒र्द॒श॒भि॒र्व॒ष्ट्यार॑भं॒ ना॒सु॒न्व॒ता॒ स॒च॒ते॒ पु॒ष्य॒ता॒ च॒न॒ ।
- 5.034.05c जि॒ना॒ति॒ वे॒द॒मु॒या॒ ह॒न्ति॒ वा॒ धु॒नि॒रा॒ दे॒व॒युं॑ भ॒ज॒ति॒ गो॒म॒ति॒ ब्र॒जे॑ ॥
- 5.034.06a वि॒त्व॒क्ष॒णः॒ स॒मृ॒तौ॒ च॒क्र॒मा॒स॒जो॒ऽसु॒न्व॒तो॒ वि॒षु॒णः॒ सु॒न्व॒तो॒ वृ॒धः॑ ।
- 5.034.06c इ॒न्द्रो॒ वि॒श्व॒स्य॒ द॒मि॒ता॒ वि॒भी॒ष॒णो॒ य॒था॒व॒शं॑ न॒य॒ति॒ दा॒स॒मा॒र्यः॑ ॥
- 5.034.07a स॒मी॑ प॒णो॒र॒ज॒ति॒ भो॒ज॒नं॑ मु॒षे॒ वि॒ दा॒शु॒षे॒ भ॒ज॒ति॒ सू॒न॒रं॒ व॒सु॑ ।
- 5.034.07c दु॒र्गे॒ च॒न॒ ध्रि॒य॒ते॒ वि॒श्व॒ आ॒ पु॒रु॒ ज॒नो॒ यो॒ अ॒स्य॒ त॒वि॒षी॒म॒चु॒क्रु॒ध॒त् ॥
- 5.034.08a सं॒ य॒ज्ज॒नौ॑ सु॒ध॒नौ॑ वि॒श्व॒श॒र्ध॒सा॒व॒वे॒दि॒न्द्रो॒ म॒घ॒वा॒ गो॒षु॒ शु॒भ्रि॒षु॑ ।
- 5.034.08c यु॒जं॒ ह्य॒श्न्य॒म॒कृ॒त॒ प्र॒वे॒प॒न्यु॒दी॒ ग॒व्यं॑ सृ॒ज॒ते॒ स॒त्व॒भि॒र्धु॒निः॑ ॥
- 5.034.09a स॒ह॒स्र॒सा॒मा॒ग्नि॒वेशिं॑ गृ॒णी॒षे॒ श॒त्रि॒म॒ग्न॒ उ॒प॒मां॑ के॒तु॒म॒र्यः॑ ।
- 5.034.09c त॒स्मा॒ आ॒पः॑ सं॒य॒तः॑ पी॒प॒य॒न्त॒ त॒स्मि॒न्क्ष॒त्र॒म॒व॒त्त्वे॒ष॒म॒स्तु॑ ॥

- 5.035.01a यस्ते साधिष्ठोऽवस इन्द्र क्रतुष्टमा भर ।
- 5.035.01c अस्मभ्यं चर्षणीसहं सस्त्रिं वाजेषु दुष्टरम् ॥
- 5.035.02a यदिन्द्र ते चतस्रो यच्छूर सन्ति तिस्रः ।
- 5.035.02c यद्वा पञ्च क्षितीनामवस्तत्सु न आ भर ॥
- 5.035.03a आ तेऽवो वरेण्यं वृषन्तमस्य हूमहे ।
- 5.035.03c वृषजूतिर्हि जज्ञिष आभूभिरिन्द्र तुर्वणिः ॥
- 5.035.04a वृषा ह्यसि राधसे जज्ञिषे वृष्णि ते शवः ।
- 5.035.04c स्वक्षत्रं ते धृषन्मनः सत्राहमिन्द्र पौंस्यम् ॥
- 5.035.05a त्वं तमिन्द्र मर्त्यममित्रयन्तमद्रिवः ।
- 5.035.05c सर्वरथा शतक्रतो नि याहि शवसस्पते ॥
- 5.035.06a त्वामिद्वृत्रहन्तम जनासो वृक्तबर्हिषः ।
- 5.035.06c उग्रं पूर्वीषु पूर्व्यं हवन्ते वाजसातये ॥
- 5.035.07a अस्माकमिन्द्र दुष्टरं पुरोयावानमाजिषु ।
- 5.035.07c सयावानं धनेधने वाजयन्तमवा रथम् ॥
- 5.035.08a अस्माकमिन्द्रेहि नो रथमवा पुरंध्या ।
- 5.035.08c वयं शविष्ठ वार्यं दिवि श्रवो दधीमहि दिवि स्तोमं मनामहे ॥
- 5.036.01a स आ गमदिन्द्रो यो वसूनां चिकेतदातुं दामनो रयीणाम् ।

- 5.036.01c धन्व॑चरो॒ न वंस॑गस्तृ॒षाणश्च॑क॒मानः॑ पि॒बतु॑ दु॒ग्धमं॑शुम् ॥
- 5.036.02a आ॒ ते ह॒नू ह॒रि॒वः शू॒र शि॒प्रे रु॒हत्सो॑मो न पर्व॑तस्य पृ॒ष्ठे ।
- 5.036.02c अ॒नु त्वा॑ रा॒जन्न॑र्वतो न हि॒न्वन्गी॑र्भिर्म॒दिम॑ पु॒रुहू॑त वि॒श्वे ॥
- 5.036.03a च॒क्रं न वृ॑त्तं पु॒रुहू॑त वे॒पते॑ म॒नो भि॒या मे॒ अ॒मते॑रिद॒द्रि॒वः ।
- 5.036.03c रथा॑दधि॒ त्वा ज॑रि॒ता सदा॑वृ॒ध कु॒विन्नु॑ स्तो॒षन्म॑घवन्पु॒रूव॑सुः ॥
- 5.036.04a ए॒ष ग्रा॑वे॒व ज॑रि॒ता त इ॒न्द्रे॑य॒र्ति वा॒चं बृ॒हदा॑शु॒षाणः॑ ।
- 5.036.04c प्र स॒व्येन॑ म॒घव॑न्त्यंसि॒ रायः॑ प्र द॒क्षि॒णिद्ध॑रि॒वो मा वि॑ वे॒नः ॥
- 5.036.05a वृ॒षा त्वा॑ वृ॒षणं॑ वर्ध॒तु द्यौर्वृ॑षा वृ॒षभ्यां॑ वह॒से ह॑रि॒भ्याम् ।
- 5.036.05c स नो॑ वृ॒षा वृ॑ष॒रथः॑ सु॒शिप्र॑ वृ॒षक्र॑तो वृ॒षा व॑ज्रि॒न्भरे॑ धाः ॥
- 5.036.06a यो रो॑हि॒तौ वा॒जिनौ॑ वा॒जिनी॑वान्नि॒भिः श॒तैः स॑च॒माना॑वदिष्ट ।
- 5.036.06c यू॒ने स॑म॒स्मै क्षि॑तयो॒ नम॑न्तां श्रु॒तर॑थाय म॒रुतो॑ दु॒वोया॑ ॥

- 5.037.01a सं भानु॑ना॒ यत॑ते॒ सूर्य॑स्या॒जुह्वानो॑ घृ॒तपृ॑ष्ठः स्व॒ञ्चाः ।
- 5.037.01c तस्मा॑ अ॒मृ॒ध्ना उ॒षसो॑ व्यु॒च्छान्य॑ इ॒न्द्राय॑ सु॒नवा॑मेत्याह ॥
- 5.037.02a स॒मिद्धा॑ग्निर्व॒नव॑त्स्ती॒र्णब॑र्हिर्यु॒क्तग्रा॑वा सु॒तसो॑मो ज॒राते॑ ।
- 5.037.02c ग्रा॒वा॒णो य॑स्ये॒षिरं॑ वद॒न्त्यय॑द॒ध्वर्यु॑र्ह॒विषा॑व सि॒न्धुम् ॥
- 5.037.03a व॒धूरि॑यं पति॒मिच्छ॑न्त्येति॒ य ई॒ वहा॑ते॒ महि॑षीमि॒षिराम् ।
- 5.037.03c आ॒स्य श्र॑वस्या॒द्रथ॑ आ च॒ घोषा॑त्पु॒रू स॑ह॒स्रा परि॑ वर्त॒याते॑ ॥

- 5.037.04a न स राजा व्यथते यस्मिन्निन्द्रस्तीव्रं सोमं पिबति गोसखायम् ।
- 5.037.04c आ सत्वनैरजति हन्ति वृत्रं क्षेति क्षितीः सुभगो नाम पुष्यन् ॥
- 5.037.05a पुष्यात्क्षेमे अभि योगे भवात्युभे वृत्तौ संयती सं जयाति ।
- 5.037.05c प्रियः सूर्ये प्रियो अग्ना भवाति य इन्द्राय सुतसोमो ददाशत् ॥
- 5.038.01a उरोष्ट इन्द्र राधसो विभ्वी रातिः शतक्रतो ।
- 5.038.01c अघा नो विश्वचर्षणे द्युम्ना सुक्षत्र मंहय ॥
- 5.038.02a यदीमिन्द्र श्रवाय्यमिषं शविष्ठ दधिषे ।
- 5.038.02c पप्रथे दीर्घश्रुत्तमं हिरण्यवर्णं दुष्टरम् ॥
- 5.038.03a शुष्मासो ये ते अद्रिवो मेहना केतसापः ।
- 5.038.03c उभा देवावभिष्टये दिवश्च गमश्च राजथः ॥
- 5.038.04a उतो नो अस्य कस्य चिद्धक्षस्य तव वृत्रहन् ।
- 5.038.04c अस्मभ्यं नृम्णामा भरास्मभ्यं नृमणस्यसे ॥
- 5.038.05a नू त आभिरभिष्टिभिस्तव शर्मञ्छतक्रतो ।
- 5.038.05c इन्द्र स्याम सुगोपाः शूर स्याम सुगोपाः ॥
- 5.039.01a यदिन्द्र चित्र मेहनास्ति त्वादातमद्रिवः ।
- 5.039.01c राधस्तन्नो विदद्वस उभयाहस्त्या भर ॥

- 5.039.02a यन्मन्यसे॑ वरे॑ण्यमिन्द्र॑ द्यु॒क्षं तदा॑ भर ।
- 5.039.02c विद्या॑म तस्य॑ ते वय॑मकूपार॑स्य दावने॑ ॥
- 5.039.03a यत्ते॑ दि॒त्सु प्र॒राध्यं॑ मनो॒ अस्ति॑ श्रु॒तं बृ॒हत् ।
- 5.039.03c तेन॑ दृ॒ळ्हा चि॑दद्रि॒व आ वाजं॑ दर्षि॒ सातये॑ ॥
- 5.039.04a मंहि॑ष्ठं वो म॒घोनां॑ राजानं॑ चर्षणी॒नाम् ।
- 5.039.04c इन्द्र॑मुप प्रशस्तये॑ पूर्वी॑भिर्जु॒जुषे॑ गिरः ॥
- 5.039.05a अस्मा॑ इ॒त्काव्यं॑ वच॒ उक्थ॑मिन्द्राय॒ शंस्य॑म् ।
- 5.039.05c तस्मा॑ उ ब्र॒ह्मवा॑हसे गिरो॑ वर्धन्त्यत्रयो॑ गिरः॑ शु॒म्भन्त्यत्रयः॑ ॥

- 5.040.01a आ या॒ह्यद्रि॑भिः सु॒तं सोमं॑ सोमपते॑ पिब ।
- 5.040.01c वृष॑न्निन्द्र॒ वृष॑भिर्वृत्र॒हन्त॑म ॥
- 5.040.02a वृषा॑ ग्रा॒वा वृषा॑ म॒दो वृषा॑ सोमो॑ अ॒यं सु॒तः ।
- 5.040.02c वृष॑न्निन्द्र॒ वृष॑भिर्वृत्र॒हन्त॑म ॥
- 5.040.03a वृषा॑ त्वा वृष॑णं हु॒वे वज्रि॑ञ्चि॒त्राभि॑रू॒तिभिः॑ ।
- 5.040.03c वृष॑न्निन्द्र॒ वृष॑भिर्वृत्र॒हन्त॑म ॥
- 5.040.04a ऋ॒जीषी॑ व॒ज्री वृष॑भस्तुरा॒षाट् छु॒ष्मी॑ राजा॒ वृत्र॑हा सोम॒पावा॑ ।
- 5.040.04c यु॒क्त्वा हरि॑भ्यामुप॒ यास॑दर्वा॒ङ्माध्यं॑दिने॒ सवने॑ मत्सदिन्द्रः ॥
- 5.040.05a य॒क्त्वा सूर्य॑ स्व॒र्भानु॑स्तमसा॒विध्य॑दासुरः ।

- 5.040.05c अ॒क्षेत्र॑वि॒द्यथा॑ मु॒ग्धो॑ भुव॒नान्य॑दी॒धयुः॑ ॥
- 5.040.06a स्व॒र्भानो॑र॒ध यदि॑न्द्र॒ माया॑ अ॒वो दि॒वो वर्त॑माना अ॒वाह॑न् ।
- 5.040.06c गू॒ळ्हं॑ सू॒र्यं त॒मसा॑प॒व्रते॑न॒ तुरी॑ये॒ण ब्र॒ह्मणा॑वि॒न्द॒द॒त्रिः॑ ॥
- 5.040.07a मा॒ मामि॑मं॒ तव॑ स॒न्तम॑त्र॒ इर॑स्या॒ द्रु॒ग्धो भि॒यसा॑ नि॒ गारी॑त् ।
- 5.040.07c त्वं मि॒त्रो अ॒सि स॒त्यरा॑धा॒स्तौ मे॒हाव॑तं॒ वरु॑णश्च॒ राजा॑ ॥
- 5.040.08a ग्रा॒व्णो ब्र॒ह्मा यु॒युजा॑नः॒ सपर्य॑न्की॒रिणा॑ दे॒वान्न॑म॒सोप॑शि॒क्षन् ।
- 5.040.08c अ॒त्रिः सू॒र्यस्य॑ दि॒वि च॒क्षुरा॑धा॒त्स्वर्भानो॑र॒प मा॒या अ॒घुक्ष॑त् ॥
- 5.040.09a यं वै सू॒र्यं स्व॒र्भानु॑स्त॒मसा॑वि॒ध्यदा॑सुरः ।
- 5.040.09c अ॒त्रय॑स्त॒मन्व॑वि॒न्द॒न्न॒ह्य॒श्न्ये अ॒शक्नु॑वन् ॥
- 5.041.01a को॒ नु वां॑ मि॒त्रावरु॑णावृ॒ताय॑न्दि॒वो वा॒ महः॑ पा॒र्थिव॑स्य॒ वा दे॑ ।
- 5.041.01c ऋ॒तस्य॑ वा॒ सद॑सि॒ त्रासी॑थां॒ नो य॑ज्ञाय॒ते वा॒ पशु॑षो॒ न वा॑जान् ॥
- 5.041.02a ते॒ नो मि॒त्रो वरु॑णो अ॒र्यमा॑युरि॒न्द्र ऋ॒भुक्षा॑ म॒रुतो॑ जुषन्त ।
- 5.041.02c नमो॑भि॒र्वा ये॑ द॒धते॑ सु॒वृक्तिं॑ स्तो॒मं रु॒द्राय॑ मी॒ळ्हुषे॑ स॒जोषाः॑ ॥
- 5.041.03a आ॒ वां ये॑ष्ठा॒श्विना॑ हु॒व॒ध्यै वा॒तस्य॑ प॒त्मन्न॑थ्यस्य॒ पुष्टौ॑ ।
- 5.041.03c उ॒त वा॑ दि॒वो अ॒सुरा॑य॒ मन्म॑ प्रा॒न्धांसी॑व॒ यज्य॑वे॒ भर॑ध्वम् ॥
- 5.041.04a प्र॒ स॒क्ष्णो॑ दि॒व्यः क॑र॒व॒होता॑ त्रि॒तो दि॒वः स॒जोषा॑ वा॒तो अ॒ग्निः॑ ।
- 5.041.04c पू॒षा भ॑गः प्र॒भृथे॑ वि॒श्वभो॑जा॒ आजिं॑ न॒ जग्मु॑राश्व॒श्वत॑माः ॥

- 5.041.05a प्र वो रयिं युक्ताश्वं भरध्वं राय एषेऽवसे दधीत धीः ।
- 5.041.05c सुशेव एवैरौशिजस्य होता ये व एवा मरुतस्तुराणाम् ॥
- 5.041.06a प्र वो वायुं रथयुजं कृणुध्वं प्र देवं विप्रं पनितारमकैः ।
- 5.041.06c इषुध्यव ऋतसापः पुरंधीर्वस्वीर्नो अत्र पत्नीरा धिये धुः ॥
- 5.041.07a उप व एषे वन्द्येभिः शूपैः प्र यही दिवश्चितयद्भिरकैः ।
- 5.041.07c उषासानक्ता विदुषीव विश्वमा हा वहतो मर्त्याय यज्ञम् ॥
- 5.041.08a अभि वो अर्चे पोष्यावतो नृन्वास्तोष्पतिं त्वष्टारं रराणः ।
- 5.041.08c धन्या सजोषा धिषणा नमोभिर्वनस्पतीरोषधी राय एषे ॥
- 5.041.09a तुजे नस्तने पर्वताः सन्तु स्वैतवो ये वसवो न वीराः ।
- 5.041.09c पनित आप्त्यो यजतः सदा नो वर्धान्नः शंसं नर्यो अभिष्टौ ॥
- 5.041.10a वृष्णो अस्तोषि भूम्यस्य गर्भं त्रितो नपातमपां सुवृक्ति ।
- 5.041.10c गृणीते अग्निरेतरी न शूपैः शोचिष्केशो नि रिणाति वना ॥
- 5.041.11a कथा महे रुद्रियाय ब्रवाम कद्राये चिकितुषे भगाय ।
- 5.041.11c आप ओषधीरुत नोऽवन्तु द्यौर्वना गिरयो वृक्षकेशाः ॥
- 5.041.12a शृणोतु न ऊर्जा पतिर्गिरः स नभस्तरीयाँ इषिरः परिज्मा ।
- 5.041.12c शृणवन्त्वापः पुरो न शुभ्राः परि स्रुचो बबृहाणस्याद्रेः ॥
- 5.041.13a विदा चिन्नु महान्तो ये व एवा ब्रवाम दस्मा वार्य दधानाः ।
- 5.041.13c वयश्चन सुभ्वश् आव यन्ति क्षुभा मर्तमनुयतं वधस्रैः ॥

- 5.041.14a आ॒ दै॒व्यानि॑ पा॒र्थि॒वानि॑ जन्मापश्चाच्छा सुमखाय वोचम् ।
- 5.041.14c वर्ध॑न्तां द्यावो गिरश्चन्द्राग्रा उदा वर्धन्तामभिषाता अर्णाः ॥
- 5.041.15a पदे॑पदे॒ मे ज॒रि॒मा नि॒ धायि॑ वरू॒त्री वा श॒क्रा या पा॒युभिश्च॑ ।
- 5.041.15c सिष॑क्तु॒ माता॒ मही॒ रसा॒ नः स्मत्सूरि॑भिर्ऋ॒जुह॑स्त ऋ॒जुव॑निः ॥
- 5.041.16a कथा॑ दा॒शेम॑ नमसा सु॒दानू॑नेवया मरुतो अ॒च्छो॑क्तौ प्रश्रवसो मरुतो अ॒च्छो॑क्तौ ।
- 5.041.16c मा नोऽहि॑र्बु॒ध्न्यो रि॒षे धा॒दस्मा॑कं भूदुपमातिवनिः ॥
- 5.041.17a इति॑ चि॒न्नु प्र॒जायै॑ पशुम॒त्यै दे॒वासो॑ वनते म॒त्यो व आ दे॒वासो॑ वनते म॒त्यो वः ।
- 5.041.17c अत्रा॑ शिवां तन्वो धासिमस्या जरां चिन्मे निर्ऋतिर्जग्रसीत ॥
- 5.041.18a तां वो दे॒वाः सु॒मति॑मूर्जयन्तीमिषमश्याम वसवः शसा गोः ।
- 5.041.18c सा नः सु॒दानु॑र्मृळयन्ती दे॒वी प्रति॑ द्रवन्ती सु॒विता॑य गम्याः ॥
- 5.041.19a अ॒भि न॒ इळा॑ यूथस्य माता स्मन्नदीभिरुर्वशी वा गृणातु ।
- 5.041.19c उर्व॑शी वा बृहद्दिवा गृणानाभ्यूर्णवाना प्रभृथस्यायोः ॥
- 5.041.20a सिष॑क्तु॒ न ऊ॒र्जव्य॑स्य पुष्टेः ॥
- 5.042.01a प्र श॑न्तमा वरुणं दीधिती गीर्मित्रं भगमदितिं नूनमश्याः ।
- 5.042.01c पृष॑द्योनिः पञ्चहोता शृणोत्वतूर्तपन्था असुरो मयोभुः ॥
- 5.042.02a प्रति॑ मे स्तोममदितिर्जगृभ्यात्सूनुं न माता हृद्यं सुशेवम् ।
- 5.042.02c ब्रह्म॑ प्रियं देवहितं यदस्त्यहं मित्रे वरुणे यन्मयोभु ॥

- 5.042.03a उदीरय कवितमं कवीनामुनत्तैनमभि मध्वा घृतेन ।
- 5.042.03c स नो वसूनि प्रयता हितानि चन्द्राणि देवः सविता सुवाति ॥
- 5.042.04a समिन्द्र णो मनसा नेषि गोभिः सं सूरिभिर्हरिवः सं स्वस्ति ।
- 5.042.04c सं ब्रह्मणा देवहितं यदस्ति सं देवानां सुमत्या यज्ञियानाम् ॥
- 5.042.05a देवो भगः सविता रायो अंश इन्द्रो वृत्रस्य संजितो धनानाम् ।
- 5.042.05c ऋभुक्षा वाज उत वा पुरंधिरवन्तु नो अमृतासस्तुरासः ॥
- 5.042.06a मरुत्वतो अप्रतीतस्य जिष्णोरजूर्यतः प्र ब्रवामा कृतानि ।
- 5.042.06c न ते पूर्वे मघवन्नापरासो न वीर्यं नूतनः कश्चनाप ॥
- 5.042.07a उप स्तुहि प्रथमं रत्नधेयं बृहस्पतिं सनितारं धनानाम् ।
- 5.042.07c यः शंसते स्तुवते शम्भविष्ठः पुरूवसुरागमज्जोहुवानम् ॥
- 5.042.08a तवोतिभिः सचमाना अरिष्ठा बृहस्पते मघवानः सुवीराः ।
- 5.042.08c ये अश्वदा उत वा सन्ति गोदा ये वस्त्रदाः सुभगास्तेषु रायः ॥
- 5.042.09a विसर्माणं कृणुहि वित्तमेषां ये भुञ्जते अपृणन्तो न उक्थैः ।
- 5.042.09c अपव्रतान्प्रसवे वावृधानान्ब्रह्मद्विषः सूर्याद्यावयस्व ॥
- 5.042.10a य ओहते रक्षसो देववीतावचक्रेभिस्तं मरुतो नि यात ।
- 5.042.10c यो वः शर्मा शशमानस्य निन्दात्तुच्छ्यान्कामान्करते सिष्विदानः ॥
- 5.042.11a तमु ष्टुहि यः स्विषुः सुधन्वा यो विश्वस्य क्षयति भेषजस्य ।
- 5.042.11c यद्वा महे सौमनसाय रुद्रं नमोभिर्देवमसुरं दुवस्य ॥

- 5.042.12a द॒मून॑सो अ॒पसो॑ ये सु॒हस्ता॑ वृ॒ष्णः॑ प॒त्नीर्न॑द्यो वि॒भ्वत॑ष्टाः ।
- 5.042.12c सर॑स्वती बृ॒हद्वि॑वोत रा॒का द॑शस्यन्तीर्वरि॒वस्य॑न्तु शु॒भ्राः ॥
- 5.042.13a प्र सू॒ महे॑ सु॒शर॑णाय मे॒घां गि॑रं भ॒रे न॒व्यसी॑ जाय॒माना॑म् ।
- 5.042.13c य आ॒हना॑ दु॒हितु॑र्व॒क्षणा॑सु रू॒पा मि॒नानो॑ अ॒कृणो॑दिदं नः ॥
- 5.042.14a प्र सु॒ष्टुति॑ स्तन॒यन्तं॑ रु॒वन्त॑मि॒ळस्पतिं॑ ज॒रित॑र्नू॒नम॑श्याः ।
- 5.042.14c यो अ॒ब्दिमाँ॑ उ॒दनि॑माँ इ॒यर्ति॑ प्र वि॒द्युता॑ रो॒दसी॑ उ॒त्तमा॑णः ॥
- 5.042.15a ए॒ष स्तो॑मो मा॒रुतं॑ श॒र्घो अ॒च्छा रु॒द्रस्य॑ सू॒नूँयु॑वन्त्यू॒रुद॑श्याः ।
- 5.042.15c का॒मो रा॑ये ह॒वते॑ मा स्व॒स्त्युप॑ स्तु॒हि पृ॑षद॒श्वँ अ॒यासः॑ ॥
- 5.042.16a प्रै॒ष स्तो॑मः पृ॒थि॒वीम॑न्तरि॒क्षं व॑नस्प॒तीरो॑षधी रा॒ये अ॒श्याः॑ ।
- 5.042.16c दे॒वोदे॑वः सु॒हवो॑ भू॒तु म॒ह्यं मा॑ नो मा॒ता पृ॒थि॒वी दु॑र्म॒तौ धा॑त् ॥
- 5.042.17a उ॒रौ दे॑वा अ॒निबा॑धे स्याम ॥
- 5.042.18a स॒मश्वि॑नो॒रव॑सा नू॒तने॑न म॒योभु॑वा सु॒प्रणी॑ती ग॒मेम॑ ।
- 5.042.18c आ॒ नो रा॑यिं व॒हत॑मोत वी॒राना॑ विश्वा॒न्यमृ॑ता सौ॒भगा॑नि ॥
- 5.043.01a आ॒ धे॒नवः॑ प॒यसा॑ तू॒र्ग्यर्था॑ अ॒मर्ध॑न्तीरु॒प नो॑ यन्तु म॒ध्वा ।
- 5.043.01c म॒हो रा॑ये बृ॒हतीः॑ सप्त वि॒प्रो म॒योभु॑वो ज॒रिता॑ जो॒हवी॑ति ॥
- 5.043.02a आ॒ सु॒ष्टुती॑ न॒मसा॑ वर्त॒यध्यै॑ द्या॒वा वा॑जाय पृ॒थि॒वी अ॒मृ॒ध्रे ।
- 5.043.02c पि॒ता मा॒ता म॒धुव॑चाः सु॒हस्ता॑ भ॒रेभ॑रे नो य॒शसा॑ववि॒ष्टाम् ॥

- 5.043.03a अ॒ध्व॒र्य॒वश्च॑कृ॒वांसो॑ म॒धूनि॑ प्र वा॒यवे॑ भ॒रत॑ चा॒रु शु॒क्रम् ।
- 5.043.03c हो॒ते॒व नः॑ प्रथ॒मः पा॒ह्यस्य॑ दे॒व म॒ध्वो र॑रि॒मा ते॑ म॒दाय॑ ॥
- 5.043.04a द॒श क्षि॑पो॒ युञ्जते॑ बा॒हू अ॒द्रिं सो॑म॒स्य या॑ श॒मितारा॑ सु॒हस्ता॑ ।
- 5.043.04c म॒ध्वो र॑सं सु॒गभ॑स्तिर्गि॒रिष्ठां॑ च॒निश्च॑दद्दु॒हे शु॒क्रमं॑शुः ॥
- 5.043.05a अ॒सा॒वि ते॑ जु॒जुषा॑णाय सो॒मः क्र॒त्वे द॑क्षा॒य बृ॒हते॑ म॒दाय॑ ।
- 5.043.05c ह॒री रथे॑ सु॒धुरा॑ यो॒गे अ॒र्वा॒ग्नि॒न्द्र प्रि॒या कृ॑णु॒हि हू॒यमा॑नः ॥
- 5.043.06a आ नो॑ म॒हीम॑र॒मतिं॑ स॒जोषा॑ ग्नां दे॒वीं न॑म॒सा रा॑त॒हव्या॑म् ।
- 5.043.06c म॒धोर्म॑दा॒य बृ॒हती॑मृ॒तज्ञा॑मा॒ग्ने वह॑ प॒थिभि॑र्दे॒वयानैः॑ ॥
- 5.043.07a अ॒ञ्जन्ति॑ यं प्रथ॒यन्तो॑ न वि॒प्रा व॑पा॒वन्तं॑ ना॒ग्निना॑ त॒पन्तः॑ ।
- 5.043.07c पि॒तुर्न पु॒त्र उ॑प॒सि प्रे॒ष्ठ आ घ॑र्मो अ॒ग्निमृ॑त॒यन्न॑सादि ॥
- 5.043.08a अ॒च्छा म॒ही बृ॒हती॑ श॒न्तमा॑ गी॒र्दूतो॑ न ग॒न्त्वश्वि॑ना हु॒वध्वै॑ ।
- 5.043.08c म॒योभु॒वा सर॑था या॒तम॑र्वा॒ग्नन्तं॑ नि॒धिं धु॑र॒माणि॑र्न ना॒भिम् ॥
- 5.043.09a प्र त॒व्यसो॑ न॒मउ॑क्तिं तु॒रस्या॑हं पू॒ष्ण उ॑त वा॒योर्दि॑क्षि ।
- 5.043.09c या रा॒धसा॑ चो॒दितारा॑ म॒तीनां॑ या वा॒जस्य॑ द्र॒विणो॑दा उ॒त त्मन् ॥
- 5.043.10a आ ना॑म॒भिर्म॑रु॒तो व॑क्षि वि॒श्वाना॑ रू॒पेभि॑र्जा॒तवे॑दो हु॒वानः॑ ।
- 5.043.10c य॒ज्ञं गि॑रो॒ जरि॑तुः सु॒ष्टुतिं॑ च वि॒श्वे ग॑न्त म॒रुतो॑ वि॒श्व ऊ॒ती ॥
- 5.043.11a आ नो॑ दि॒वो बृ॒हतः॑ प॒र्वता॑दा सर॒स्वती॑ य॒जता॑ ग॒न्तु य॒ज्ञम् ।
- 5.043.11c ह॒वं दे॒वी जु॒जुषा॑णा घृ॒ताची॑ श॒ग्मां नो॑ वा॒चमु॑शती शृ॒णोतु॑ ॥

- 5.043.12a आ वेधसं नीलपृष्ठं बृहन्तं बृहस्पतिं सद्ने सादयध्वम् ।
- 5.043.12c सादद्योनिं दम आ दीदिवांसं हिरण्यवर्णमरुषं सपेम ॥
- 5.043.13a आ धर्णासिर्बृहद्विवो रराणो विश्वेभिर्गन्त्वोमभिर्हुवानः ।
- 5.043.13c आ वसान ओषधीरमृध्रस्त्रिधातुशृङ्गो वृषभो वयोधाः ॥
- 5.043.14a मातुष्पदे परमे शुक्र आयोर्विपन्यवो रास्पिरासो अग्मन् ।
- 5.043.14c सुशेव्यं नमसा रातहव्याः शिशुं मृजन्त्यायवो न वासे ॥
- 5.043.15a बृहद्वयो बृहते तुभ्यमग्ने धियाजुरो मिथुनासः सचन्त ।
- 5.043.15c देवोदेवः सुहवो भूतु मह्यं मा नो माता पृथिवी दुर्मतौ धात् ॥
- 5.043.16a उरौ देवा अनिबाधे स्याम ॥
- 5.043.17a समश्विनोरवसा नूतनेन मयोभुवा सुप्रणीती गमेम ।
- 5.043.17c आ नो रयिं वहतमोत वीराना विश्वान्यमृता सौभगानि ॥
- 5.044.01a तं प्रत्नथा पूर्वथा विश्वथेमथा ज्येष्ठतातिं बर्हिषदं स्वर्विदम् ।
- 5.044.01c प्रतीचीनं वृजनं दोहसे गिराशुं जयन्तमनु यासु वर्धसे ॥
- 5.044.02a श्रिये सुदृशीरुपरस्य याः स्वर्विरोचमानः ककुभामचोदते ।
- 5.044.02c सुगोपा असि न दभाय सुक्रतो परो मायाभिर्ऋत आस नाम ते ॥
- 5.044.03a अत्यं हविः सचते सच्च धातु चारिष्टगातुः स होता सहोभरिः ।
- 5.044.03c प्रसस्त्राणो अनु बर्हिर्वृषा शिशुर्मध्ये युवाजरो विस्त्रुहा हितः ॥

- 5.044.04a प्र व एते सुयुजो यामन्निष्टये नीचीरमुष्मै यम्य ऋतावृधः ।
- 5.044.04c सुयन्तुभिः सर्वशासैरभीशुभिः क्रिविर्नामानि प्रवणे मुषायति ॥
- 5.044.05a संजर्भुराणस्तरुभिः सुतेगृभं वयाकिनं चित्तगर्भासु सुस्वरुः ।
- 5.044.05c धारवाकेष्वृजुगाथ शोभसे वर्धस्व पत्नीरभि जीवो अध्वरे ॥
- 5.044.06a यादृगेव ददृशे तादृगुच्यते सं छायया दधिरे सिध्रयाप्स्वा ।
- 5.044.06c महीमस्मभ्यमुरुषामुरु ज्रयो बृहत्सुवीरमनपच्युतं सहः ॥
- 5.044.07a वेत्यगुर्जनिवान्वा अति स्पृधः समर्यता मनसा सूर्यः कविः ।
- 5.044.07c घ्रंसं रक्षन्तं परि विश्वतो गयमस्माकं शर्म वनवत्स्वावसुः ॥
- 5.044.08a ज्यायांसमस्य यतुनस्य केतुन ऋषिस्वरं चरति यासु नाम ते ।
- 5.044.08c यादृश्मिन्धाधि तमपस्यया विदद्य उ स्वयं वहते सो अरं करत् ॥
- 5.044.09a समुद्रमासामव तस्थे अग्रिमा न रिष्यति सवनं यस्मिन्नायता ।
- 5.044.09c अत्रा न हार्दि क्रवणस्य रेजते यत्रा मतिर्विद्यते पूतबन्धनी ॥
- 5.044.10a स हि क्षत्रस्य मनसस्य चित्तिभिरेवावदस्य यजतस्य सध्रेः ।
- 5.044.10c अवत्सारस्य स्पृणवाम रणवभिः शविष्ठं वाजं विदुषा चिदधर्मम् ॥
- 5.044.11a श्येन आसामदितिः कक्ष्यो३ मदो विश्ववारस्य यजतस्य मायिनः ।
- 5.044.11c समन्यमन्यमर्थयन्त्येतवे विदुर्विषाणं परिपानमन्ति ते ॥
- 5.044.12a सदापृणो यजतो वि द्विषो वधीद्वाहुवृक्तः श्रुतवित्तर्यो वः सचा ।
- 5.044.12c उभा स वरा प्रत्येति भाति च यदीं गणं भजते सुप्रयावभिः ॥

- 5.044.13a सु॒तम्भ॑रो॒ यज॑मानस्य॒ सत्प॑तिर्वि॒श्व॑सामू॒धः स॒ धि॒यामु॑दञ्चनः ।
- 5.044.13c भ॒रद्धे॑नू॒ रस॑वच्छि॒श्रिये॑ पयोऽनु॒ब्रु॑वाणो॒ अ॒ध्ये॑ति न स्वपन् ॥
- 5.044.14a यो जा॒गार॑ तमृ॒चः का॑मयन्ते॒ यो जा॒गार॑ तमु॒ सामा॑नि यन्ति ।
- 5.044.14c यो जा॒गार॑ तम॒यं सो॑म आ॒ह त॒वाह॑मस्मि॒ सख्ये॑ न्यो॒काः ॥
- 5.044.15a अ॒ग्नि॑र्जा॒गार॑ तमृ॒चः का॑मयन्तेऽग्नि॑र्जा॒गार॑ तमु॒ सामा॑नि यन्ति ।
- 5.044.15c अ॒ग्नि॑र्जा॒गार॑ तम॒यं सो॑म आ॒ह त॒वाह॑मस्मि॒ सख्ये॑ न्यो॒काः ॥
- 5.045.01a वि॒दा दि॒वो वि॒ष्यन्न॑द्रि॒मुक्थै॑रायत्या॒ उष॑सो अ॒र्चि॒नो गुः॑ ।
- 5.045.01c अ॒पावृ॑त॒ ब्रजि॑नीरु॒त्स्वर्गा॑द्वि॒ दुरो॑ मानु॒षीर्दे॑व आ॒वः ॥
- 5.045.02a वि॒ सूर्यो॑ अ॒मतिं॑ न श्रि॒यं सा॒दोर्वा॑द्भवां॒ माता॑ जानती गात् ।
- 5.045.02c ध॒न्व॑र्ण॒सो नद्य॑ः खा॒दो॒अ॒र्णा स्थू॑णो॒व सु॑मिता॒ दृंह॑त द्यौः ॥
- 5.045.03a अ॒स्मा उ॒क्था॑य॒ पर्व॑तस्य॒ गर्भो॑ म॒हीनां॑ ज॒नुषे॑ पू॒र्व्याय॑ ।
- 5.045.03c वि॒ पर्व॑तो जि॒हीत॑ सा॒धत॑ द्यौरा॒विवा॑सन्तो॒ दस॑यन्त॒ भूम॑ ॥
- 5.045.04a सू॒क्तेभि॑र्वो॒ वचो॑भिर्दे॒वजु॑ष्टैरिन्द्रा॒ न्वश्नी॑ अव॒से हु॒वधे॑ ।
- 5.045.04c उ॒क्थेभि॑र्हि॒ ष्मा क॑वयः॒ सुय॑ज्ञा आ॒विवा॑सन्तो॒ मरु॑तो॒ यज॑न्ति ॥
- 5.045.05a ए॒तो न्व॑श्द्य सु॒ध्योश् भ॑वाम॒ प्र दु॒च्छु॑ना॒ मि॒नवा॑मा वरीयः ।
- 5.045.05c आ॒रे द्वे॑षांसि॒ सनु॑तर्द॒धामा॑याम॒ प्राञ्चो॑ यज॒मान॑मच्छ ॥
- 5.045.06a ए॒ता धि॑यं॒ कृण॑वामा॒ सखा॑योऽप॒ या मा॑ताँ अ॒णु॑त॒ ब्रजं॑ गोः ।

- 5.045.06c यया॑ म॒नुर्वि॑शिशि॒प्रं जि॒गाय॑ यया॑ व॒णिग्व॑ङ्कुरापा॒ पुरी॑षम् ॥
- 5.045.07a अ॒नू॒नो॒दत्र॑ ह॒स्तय॑तो अ॒द्रि॒रार्च॑न्येन द॒श मा॑सो नव॒ग्वाः ।
- 5.045.07c ऋ॒तं य॑ती॒ सर॒मा गा॑ अ॒वि॒न्द॒द्वि॒श्वानि॑ स॒त्याङ्गि॑राश्चकार ॥
- 5.045.08a वि॒श्वे अ॑स्या॒ व्यु॒षि मा॑हि॒नायाः॒ सं य॒द्भोभि॑रङ्गि॒रसो॑ नव॒न्त ।
- 5.045.08c उत्स॑ आ॒सां पर॑मे स॒धस्थ॑ ऋ॒तस्य॑ प॒था सर॑मा वि॒द्गाः ॥
- 5.045.09a आ॒ सूर्यो॑ यातु स॒प्ताश्वः॑ द्नेत्रं यद॒स्योर्वि॑या दी॒र्घया॑थे ।
- 5.045.09c रघुः॑ श्येनः॒ पत॑यद॒न्धो अ॒च्छा यु॒वा क॒विर्दी॑दय॒द्भोषु॑ गच्छन् ॥
- 5.045.10a आ॒ सूर्यो॑ अ॒रुह॑च्छु॒क्रम॑र्णोऽयु॒क्त य॒द्धरि॑तो वी॒तपृ॑ष्ठाः ।
- 5.045.10c उ॒द्गा न॑ नाव॒मन॑यन्त॒ धीरा॑ आ॒शृ॒ग्वती॑रापो अ॒र्वाग॑तिष्ठन् ॥
- 5.045.11a धि॒यं वो॑ अ॒प्सु द॑धिषे॒ स्वर्षा॑ यया॒तर॑न्द॒श मा॑सो नव॒ग्वाः ।
- 5.045.11c अ॒या धि॒या स्या॑म दे॒वगो॑पा अ॒या धि॒या तु॒तुर्या॑मात्य॒हः ॥
- 5.046.01a ह्यो॑ न वि॒द्वँ अ॒युजि॑ स्व॒यं धुरि॑ तां व॒हामि॑ प्र॒तर॑णीमव॒स्युव॑म् ।
- 5.046.01c ना॒स्या व॑शि॒म वि॒मुचं॑ नावृ॒तं पु॒नर्वि॑द्वान्पथः॒ पुर॑ए॒त ऋ॒जु नै॑षति ॥
- 5.046.02a अ॒ग्न इ॒न्द्र व॑रु॒ण मि॒त्र दे॒वाः श॒र्घः प्र॑ यन्त॒ मारु॑तो॒त वि॑ष्णो ।
- 5.046.02c उ॒भा ना॑सत्या॒ रुद्रो॑ अ॒ध ग्नाः॒ पूषा॑ भ॒गः सर॑स्वती जुषन्त ॥
- 5.046.03a इ॒न्द्राग्नी॑ मि॒त्राव॑रु॒णादि॑तिं स्वः॒ पृथि॑वीं द्यां म॒रुतः॒ पर्व॑ताँ अ॒पः ।
- 5.046.03c हु॒वे वि॑ष्णुं॒ पूष॑णं॒ ब्रह्म॑णस्पतिं॒ भगं॑ नु शंसं॒ सवि॑तार॒मूतये॑ ॥

- 5.046.04a उ॒त नो॑ वि॒ष्णु॑रु॒त वा॒तो अ॒ग्नि॑धो॒ द्रवि॑णो॒दा उ॒त सो॒मो म॑य॒स्कर॑त् ।
- 5.046.04c उ॒त ऋ॒भ॒व उ॒त रा॒ये नो॑ अ॒श्वि॑नो॒त त्व॑ष्टो॒त वि॒भ्वानु॑ मंसते ॥
- 5.046.05a उ॒त त्य॑न्नो॒ मारु॑तं श॒र्ध आ॒ ग॒म॒द्वि॒वि॒क्षयं॑ य॒ज॒तं ब॒र्हि॒रा॒स॒दे ।
- 5.046.05c बृ॒ह॒स्प॒तिः श॒र्म पू॑षो॒त नो॑ य॒मद्व॑रू॒थ्यंश् वरु॑णो॒ मि॒त्रो अ॒र्य॑मा ॥
- 5.046.06a उ॒त त्ये॑ नः प॒र्व॒ता॒सः सु॒श॒स्त॒यः सु॒दी॒त॒यो न॒द्यश्च॑म॒मणे॑ भुवन् ।
- 5.046.06c भ॒गो वि॑भ॒क्ता श॒वसा॑वसा॒ ग॒मदु॑रु॒व्य॒चा अ॒दि॒तिः श्रो॑तु॒ मे ह॒वम् ॥
- 5.046.07a दे॒वानां॑ प॒त्नीरु॑शती॒रव॑न्तु॒ नः प्रा॑वन्तु॒ नस्तु॑ज॒ये वा॒जसा॑तये ।
- 5.046.07c याः पा॒र्थि॒वासो॑ या॒ अपा॑मपि॒ व्र॒ते ता॑ नो॒ दे॒वीः सु॒ह॒वाः श॒र्म य॑च्छ॒त ॥
- 5.046.08a उ॒त ग्ना॑ व्यन्तु॒ दे॒वप॑त्नी॒रिन्द्रा॑ण्य॒श्नाय्य॑श्वि॒नी रा॑ट् ।
- 5.046.08c आ॒ रो॒द॒सी वरु॑णानी॒ शृ॒णो॒तु व्य॑न्तु॒ दे॒वीर्य॑ ऋ॒तु॒र्ज॒नीना॑म् ॥
- 5.047.01a प्र॒यु॒ञ्ज॒ती दि॒व ए॒ति ब्रु॒वा॒णा म॒ही मा॒ता दु॒हि॒तु॒र्बो॒ध॒य॒न्ती॑ ।
- 5.047.01c आ॒वि॒वा॒स॒न्ती यु॒व॒ति॒र्म॒नी॒षा पि॒तृ॒भ्य आ॒ स॒द॒ने जो॑हु॒वाना॑ ॥
- 5.047.02a अ॒जि॒रा॒स॒स्त॒दप॑ ई॒य॒मा॒ना आ॒त॒स्थि॒वांसो॑ अ॒मृत॑स्य॒ नाभि॑म् ।
- 5.047.02c अ॒न॒न्ता॑स॒ उ॒र॒वो वि॒श्व॒तः सीं॑ परि॒ द्या॒वापृ॑थि॒वी य॑न्ति॒ पन्थाः॑ ॥
- 5.047.03a उ॒क्षा॑ स॒मु॒द्रो अ॒रु॒षः सु॒पर्णाः॑ पू॒र्व॒स्य॑ यो॒निं पि॒तुरा॑ वि॒वेश॑ ।
- 5.047.03c म॒ध्ये दि॒वो नि॑हितः॒ पृ॒श्नि॒र॒श्मा वि॑ च॒क्रमे॑ र॒ज॒स॒स्पा॒त्य॒न्तौ ॥
- 5.047.04a च॒त्वार॑ ई॒ बि॒भ्र॒ति क्षे॑म॒य॒न्तो द॑श॒ गर्भं॑ च॒र॒से धा॑प॒य॒न्ते॑ ।

- 5.047.04c त्रिधा॑तवः॑ पर॒मा अ॒स्य गा॒वो दि॒वश्च॑रन्ति॒ परि स॒द्यो अ॒न्तान् ॥
- 5.047.05a इ॒दं व॒पुर्नि॑वचनं॒ जना॑सश्चरन्ति॒ यन्न॑द्यस्तस्थुरा॒पः ।
- 5.047.05c द्वे॒ यदी॑ बिभृतो॒ मातुर॑न्ये॒ इहे॑ह जा॒ते य॒म्या॑३ स॒बन्धू ॥
- 5.047.06a वि॒ तन्व॑ते॒ धियो॑ अ॒स्मा अ॒पांसि॑ व॒स्त्रा पु॒त्राय॑ मा॒तरो॑ वयन्ति ।
- 5.047.06c उ॒प॒प्र॒क्षे वृ॑ष॒णो मो॑द॒माना॑ दि॒वस्प॑था॒ वध्वो॑ यन्त्यच्छ ॥
- 5.047.07a तद॑स्तु॒ मि॒त्राव॑रुणा॒ तद॑ग्ने॒ शं यो॑र॒स्मभ्य॑मि॒दम॑स्तु॒ शस्त॑म् ।
- 5.047.07c अ॒शीम॑हि॒ गा॒धमु॑त॒ प्रति॑ष्ठां॒ नमो॑ दि॒वे बृ॑ह॒ते सा॑द॒नाय ॥
- 5.048.01a क॒दु प्रि॒याय॑ धाम्ने॒ मना॑महे॒ स्व॒क्षत्रा॑य॒ स्वय॑शसे॒ महे॒ वय॑म् ।
- 5.048.01c आ॒मे॒न्यस्य॑ र॒जसो॑ यद॒भ्र आँ॑ अ॒पो वृ॑णा॒ना वि॒तनो॑ति॒ मायि॑नी ॥
- 5.048.02a ता अ॒ल॒त व॒युनं॑ वी॒रव॑क्ष॒णं स॒मान्या॑ वृ॒तया॑ वि॒श्वमा॑ र॒जः ।
- 5.048.02c अ॒पो अ॒पा॒ची॒रप॑रा॒ अपे॑जते॒ प्र पू॒र्वाभि॑स्ति॒रते॑ दे॒वयु॑र्जनः ॥
- 5.048.03a आ॒ ग्रा॒वभि॑र॒हन्ये॑भि॒रक्तु॑भिर्वि॒रिष्ठं॑ व॒ज्रमा॑ जिघ॒र्ति मा॑यिनि ।
- 5.048.03c श॒तं वा॑ य॒स्य प्र॑च॒रन्स्वे॑ द॒मे सं॑व॒र्तय॑न्तो॒ वि च॑ व॒र्तय॑न्नहा ॥
- 5.048.04a ता॒मस्य॑ री॒तिं प॑र॒शोरि॑व॒ प्रत्य॑नीकम॒ख्यं भु॑जे॒ अस्य॑ व॒र्षसः॑ ।
- 5.048.04c स॒चा य॑दि॒ पितु॑म॒न्तमि॑व॒ क्षयं॑ र॒त्नं द॑धाति॒ भर॑हू॒तये॑ वि॒शे ॥
- 5.048.05a स जि॒ह्वया॑ च॒तुर॑नीक॒ ऋ॒ञ्जते॑ चारु॒ वसानो॑ वरु॒णो य॑तन्नरि॒म् ।
- 5.048.05c न त॑स्य॒ वि॒द्म पुरु॑ष॒त्वता॑ व॒यं य॑तो॒ भगः॑ स॒विता॑ दा॒ति वा॑र्यम् ॥

- 5.049.01a दे॒वं वो॑ अ॒द्य स॒वितार॑मे॒षे भ॒गं च॑ रत्नं॑ वि॒भज॑न्त॒मायोः॑ ।
- 5.049.01c आ वा॑ नरा॑ पुरु॒भुजा॑ ववृ॒त्यां दि॒वेदि॑वे चि॒दश्वि॑ना स॒खीय॑न् ॥
- 5.049.02a प्र॒ति प्र॒याण॑मसुर॒स्य वि॒द्वान्सू॑क्तैर्दे॒वं स॒वितारं॑ दु॒वस्य॑ ।
- 5.049.02c उप॑ ब्रु॒वीत॑ नम॒सा वि॒जान॑ञ्ज्ये॒ष्ठं च॑ रत्नं॑ वि॒भज॑न्त॒मायोः॑ ॥
- 5.049.03a अ॒दत्र॑या द॒यते॑ वा॒र्याणि॑ पू॒षा भ॒गो अ॒दि॒तिर्व॑स्त उ॒स्रः ।
- 5.049.03c इन्द्रो॑ वि॒ष्णुर्व॑रु॒णो मि॒त्रो अ॒ग्नि॒रहा॑नि भ॒द्रा ज॒नय॑न्त द॒स्माः ॥
- 5.049.04a तन्नो॑ अ॒नर्वा॑ स॒विता॑ वरू॒थं तत्सि॑न्ध॒व इ॒षय॑न्तो अ॒नु ग॑मन् ।
- 5.049.04c उप॑ यद्वो॒चे अ॒ध्वर॑स्य॒ होता॑ रा॒यः स्या॑म प॒तयो॑ वा॒जर॑त्नाः ॥
- 5.049.05a प्र॒ ये व॑सु॒भ्य ई॒वदा॑ नमो॒ दुर्ये॑ मि॒त्रे व॑रु॒णो सू॑क्त॒वाचः॑ ।
- 5.049.05c अ॒वैत्व॑भ॒वं कृ॒णुता॑ व॒रीयो॑ दि॒वस्पृ॑थि॒व्योर॑वसा॒ मदे॑म ॥
- 5.050.01a विश्वो॑ दे॒वस्य॑ ने॒तुर्म॑र्तो॒ वुरी॑त स॒ख्यम् ।
- 5.050.01c विश्वो॑ रा॒य इ॒षुध्य॑ति द्यु॒म्नं वृ॑णीत॒ पुष्य॑से ॥
- 5.050.02a ते ते॑ दे॒व ने॒तर्ये॑ चे॒माँ अ॒नुश॑से ।
- 5.050.02c ते रा॒या ते॑ ह्या॒शृ॒चे स॒चेम॑हि स॒चथ्यैः॑ ॥
- 5.050.03a अतो॑ न आ॒ नृ॒तिथी॑नतः॒ पत्नी॑र्द॒शस्य॑त ।
- 5.050.03c आ॒रे विश्वं॑ प॒थेष्ठां॑ द्वि॒षो यु॑योतु॒ यूयु॑विः ॥

- 5.050.04a यत्र वह्निरभिहितो दुद्रवद्द्रोण्यः पशुः ।
 5.050.04c नृमणा वीरपस्त्योऽर्णा धीरेव सनिता ॥
 5.050.05a एष ते देव नेता रथस्पतिः शं रयिः ।
 5.050.05c शं राये शं स्वस्तय इषस्तुतो मनामहे देवस्तुतो मनामहे ॥

- 5.051.01a अग्ने सुतस्य पीतये विश्वैरूमेभिरा गहि ।
 5.051.01c देवेभिर्हव्यदातये ॥
 5.051.02a ऋतधीतय आ गत सत्यधर्माणो अध्वरम् ।
 5.051.02c अग्नेः पिबत जिह्वया ॥
 5.051.03a विप्रेभिर्विप्र सन्त्य प्रातर्यावभिरा गहि ।
 5.051.03c देवेभिः सोमपीतये ॥
 5.051.04a अयं सोमश्चमू सुतोऽमत्रे परि पिच्यते ।
 5.051.04c प्रिय इन्द्राय वायवे ॥
 5.051.05a वायवा याहि वीतये जुषाणो हव्यदातये ।
 5.051.05c पिबा सुतस्यान्धसो अभि प्रयः ॥
 5.051.06a इन्द्रश्च वायवेषां सुतानां पीतिमर्हथः ।
 5.051.06c ताञ्जुषेथामरेपसावभि प्रयः ॥
 5.051.07a सुता इन्द्राय वायवे सोमासो दध्याशिरः ।

- 5.051.07c निम्नं न यन्ति सिन्धवोऽभि प्रयः ॥
- 5.051.08a सजूर्विश्वेभिर्देवेभिरश्विभ्यामुषसा सजूः ।
- 5.051.08c आ याह्यग्ने अत्रिवत्सुते रण ॥
- 5.051.09a सजूर्मित्रावरुणाभ्यां सजूः सोमेन विष्णुना ।
- 5.051.09c आ याह्यग्ने अत्रिवत्सुते रण ॥
- 5.051.10a सजूरदित्यैर्वसुभिः सजूरिन्द्रेण वायुना ।
- 5.051.10c आ याह्यग्ने अत्रिवत्सुते रण ॥
- 5.051.11a स्वस्ति नो मिमीतामश्विना भगः स्वस्ति देव्यदितिरनर्वणः ।
- 5.051.11c स्वस्ति पूषा असुरो दधातु नः स्वस्ति द्यावापृथिवी सुचेतुना ॥
- 5.051.12a स्वस्तये वायुमुप ब्रवामहै सोमं स्वस्ति भुवनस्य यस्पतिः ।
- 5.051.12c बृहस्पतिं सर्वगणं स्वस्तये स्वस्तय आदित्यासो भवन्तु नः ॥
- 5.051.13a विश्वे देवा नो अद्या स्वस्तये वैश्वानरो वसुरग्निः स्वस्तये ।
- 5.051.13c देवा अवन्त्वृभवः स्वस्तये स्वस्ति नो रुद्रः पात्वंहसः ॥
- 5.051.14a स्वस्ति मित्रावरुणा स्वस्ति पथ्ये रेवति ।
- 5.051.14c स्वस्ति न इन्द्रश्चाग्निश्च स्वस्ति नो अदिते कृधि ॥
- 5.051.15a स्वस्ति पन्थामनु चरेम सूर्याचन्द्रमसाविव ।
- 5.051.15c पुनर्ददताघ्नता जानता सं गमेमहि ॥

- 5.052.01a प्र श्यावाश्व धृष्णुयार्चा मरुद्भिर्ऋक्वभिः ।
- 5.052.01c ये अद्रोघमनुष्वधं श्रवो मदन्ति यज्ञियाः ॥
- 5.052.02a ते हि स्थिरस्य शवसः सखायः सन्ति धृष्णुया ।
- 5.052.02c ते यामन्ना धृषद्विनस्त्मना पान्ति शश्वतः ॥
- 5.052.03a ते स्यन्द्रासो नोक्षणोऽति ष्कन्दन्ति शर्वरीः ।
- 5.052.03c मरुतामधा महो दिवि क्षमा च मन्महे ॥
- 5.052.04a मरुत्सु वो दधीमहि स्तोमं यज्ञं च धृष्णुया ।
- 5.052.04c विश्वे ये मानुषा युगा पान्ति मर्त्यं रिषः ॥
- 5.052.05a अर्हन्तो ये सुदानवो नरो असामिशवसः ।
- 5.052.05c प्र यज्ञं यज्ञियेभ्यो दिवो अर्चा मरुद्भ्यः ॥
- 5.052.06a आ रुक्मैरा युधा नर ऋष्वा ऋष्टीरसृक्षत ।
- 5.052.06c अन्वेनाँ अह विद्युतो मरुतो जज्भतीरिव भानुरर्त त्मना दिवः ॥
- 5.052.07a ये वावृधन्त पार्थिवा य उरावन्तरिक्ष आ ।
- 5.052.07c वृजने वा नदीनां सधस्थे वा महो दिवः ॥
- 5.052.08a शर्धो मारुतमुच्छंस सत्यशवसमृभ्वसम् ।
- 5.052.08c उत स्म ते शुभे नरः प्र स्यन्द्रा युजत त्मना ॥
- 5.052.09a उत स्म ते परुष्यामूर्णा वसत शुन्ध्यवः ।
- 5.052.09c उत पव्या रथानामद्रिं भिन्दन्त्योजसा ॥

- 5.052.10a आपथयो॑ विपथयो॑ऽन्तस्पथा॑ अनुपथाः॑ ।
- 5.052.10c एते॑भिर्मह्यं॑ नाम॑भिर्यज्ञं॑ विष्टार॑ ओहते॑ ॥
- 5.052.11a अ॒धा नरो॑ न्योहते॑ऽधा॑ नियुत॑ ओहते॑ ।
- 5.052.11c अ॒धा पा॒रावता॑ इति॑ चि॒त्रा रू॒पाणि॑ द॒र्श्या ॥
- 5.052.12a छ॒न्दस्तु॑भः कु॒भन्य॑व उत्स॒मा की॒रिणो॑ नृतुः॑ ।
- 5.052.12c ते मे॑ के चि॒न्न ता॒यव॑ ऊ॒मा आ॒सन्दृ॑शि त्विषे॑ ॥
- 5.052.13a य ऋ॒ष्वा ऋ॒ष्टिवि॑द्युतः॑ क॒वयः॑ सन्ति॑ वेध॒सः ।
- 5.052.13c तमृ॒षे मा॒रुतं॑ ग॒णं न॑मस्या॒ रमया॑ गिरा ॥
- 5.052.14a अ॒च्छ ऋ॒षे मा॒रुतं॑ ग॒णं दा॒ना मि॒त्रं न॑ योषणा॑ ।
- 5.052.14c दि॒वो वा धृ॒ष्णाव॑ ओज॒सा स्तु॒ता धी॒भिरि॑षयत ॥
- 5.052.15a नू म॒न्वान॑ एषां॒ देवाँ॑ अ॒च्छा न॑ व॒क्षणा॑ ।
- 5.052.15c दा॒ना स॑चेत॒ सूरि॑भिर्यामि॒श्रुते॑भिरञ्जिभिः॑ ॥
- 5.052.16a प्र॒ ये मे॑ ब॒न्ध्वेषे॑ गां॒ वोच॑न्त॒ सूर॒यः पृ॒श्निं वो॑चन्त॒ मा॒तरम् ।
- 5.052.16c अ॒धा पि॒तर॑मि॒ध्मिणं॑ रु॒द्रं वो॑चन्त॒ शि॒क्वसः॑ ॥
- 5.052.17a सप्त॑ मे॒ सप्त॑ शा॒किन॑ एक॒मेका॑ श॒ता द॒दुः ।
- 5.052.17c यमु॑ना॒यामधि॑ श्रुतमु॒द्राधो॑ ग॒व्यं मृ॒जे नि॑ रा॒धो अ॒श्व्यं मृ॒जे ॥
- 5.053.01a को॑ वे॒द जा॒नमे॑षां॒ को वा॑ पु॒रा सु॒म्नेष्वा॑स म॒रुता॑म् ।

- 5.053.01c यद्यु॒यु॒ज्रे॑ कि॒ला॒स्यः॑ ॥
- 5.053.02a ऐ॒ता॒त्रथे॑षु॒ तस्थु॑षः॒ कः॑ शु॒श्राव॑ कथा॒ ययुः॑ ।
- 5.053.02c कस्मै॑ स॒स्रुः॑ सु॒दा॒से॒ अ॒न्वा॒पय॑ इ॒ळा॒भि॒र्वृ॒ष्टयः॑ सह ॥
- 5.053.03a ते म॑ आ॒हुर्य॑ आ॒ययु॑रुप॒ द्यु॒भि॒र्वि॒भि॒मदे॑ ।
- 5.053.03c नरो॑ म॒र्या॑ अ॒रे॒पस॑ इ॒मा॒न्प॒श्यन्नि॑ति॒ ष्टु॒हि ॥
- 5.053.04a ये अ॒ङ्गि॒षु॒ ये वा॒शी॒षु॒ स्व॒भा॒नवः॑ स्र॒क्षु॒ रु॒क्मे॑षु॒ खा॒दि॒षु ।
- 5.053.04c श्रा॒या॒ रथे॑षु॒ ध॒न्व॒सु ॥
- 5.053.05a यु॒ष्माकं॑ स्मा॒ रथाँ॑ अ॒नु॒ मु॒दे॒ दधे॑ म॒रुतो॑ जी॒रदा॑नवः ।
- 5.053.05c वृ॒ष्टी॒ द्या॒वो॑ यती॒रिव॑ ॥
- 5.053.06a आ॒ यं नरः॑ सु॒दान॑वो॒ ददा॑शु॒षे दि॒वः॒ को॒शम॑चु॒च्यवुः॑ ।
- 5.053.06c वि॒ पर्ज॑न्यं॒ सृज॑न्ति॒ रोद॑सी॒ अनु॒ ध॒न्व॒ना॒ यन्ति॑ वृ॒ष्टयः॑ ॥
- 5.053.07a त॒तृदा॑नाः॒ सि॒न्ध॒वः॒ क्षोद॑सा॒ रजः॑ प्र॒ स॒स्रु॒र्धे॒नवो॑ यथा ।
- 5.053.07c स्य॒न्ना अ॒श्वा इ॒वा॒ध्व॒नो वि॒मो॒चने॑ वि॒ यद्व॑र्तन्त॒ ए॒न्यः ॥
- 5.053.08a आ॒ यात॑ म॒रुतो॑ दि॒व आ॒न्तरि॑क्षा॒दमा॒दुत॑ ।
- 5.053.08c मा॒व स्था॑त॒ परा॑वतः ॥
- 5.053.09a मा॒ वो र॑सा॒नित॑भा॒ कु॒भा कु॒मु॒र्मा वः॑ सि॒न्धु॒र्नि री॑रमत् ।
- 5.053.09c मा॒ वः परि॑ ष्ठा॒त्सर॑युः॒ पुरी॑षि॒ण्यस्मे॑ इ॒त्सु॒म्रम॑स्तु॒ वः ॥
- 5.053.10a तं वः॑ श॒र्ध र॑थानां॒ त्वेषं॑ ग॒णं मा॑रु॒तं न॒व्यसी॑नाम् ।

- 5.053.10c अनु प्र यन्ति वृष्टयः ॥
- 5.053.11a शर्धशर्ध व एषां व्रातंव्रातं गणंगणं सुशस्तिभिः ।
- 5.053.11c अनु क्रामेम धीतिभिः ॥
- 5.053.12a कस्मा अद्य सुजाताय रातहव्याय प्र ययुः ।
- 5.053.12c एना यामेन मरुतः ॥
- 5.053.13a येन तोकाय तनयाय धान्यं बीजं वहध्वे अक्षितम् ।
- 5.053.13c अस्मभ्यं तद्धत्तन यद्व ईमहे राधो विश्वायु सौभगम् ॥
- 5.053.14a अतीयाम निदस्तिरः स्वस्तिभिर्हित्वावद्यमरातीः ।
- 5.053.14c वृष्ट्वी शं योराप उस्त्रि भेषजं स्याम मरुतः सह ॥
- 5.053.15a सुदेवः समहासति सुवीरो नरो मरुतः स मर्त्यः ।
- 5.053.15c यं त्रायध्वे स्याम ते ॥
- 5.053.16a स्तुहि भोजान्स्तुवतो अस्य यामनि रणगावो न यवसे ।
- 5.053.16c यतः पूर्वा इव सर्वा रनु ह्वय गिरा गृणीहि कामिनः ॥
- 5.054.01a प्र शर्धाय मारुताय स्वभानव इमां वाचमनजा पर्वतच्युते ।
- 5.054.01c धर्मस्तुभे दिव आ पृष्ठयज्वने द्युम्रश्रवसे महि नृम्णमर्चत ॥
- 5.054.02a प्र वो मरुतस्तविषा उदन्यवो वयोवृधो अश्वयुजः परिज्रयः ।
- 5.054.02c सं विद्युता दधति वाशति त्रितः स्वरन्त्यापोऽवना परिज्रयः ॥

- 5.054.03a वि॒द्युन्म॑हसो॒ नरो॒ अ॒श्मदि॑द्यवो॒ वात॑त्विषो॒ मरु॑तः पर्व॑तच्युतः ।
- 5.054.03c अ॒ब्दया॑ चिन्मु॒हुरा॒ हादु॑नीवृ॒त स्त॑नयद॒मा र॑भसा॒ उदो॑जसः ॥
- 5.054.04a व्य॑श्कू॒श्रुद्रा॒ व्यहा॑नि शि॒क्वसो॒ व्य॑श्न्तरि॒क्षं वि॒ रजा॑सि धू॒तयः॑ ।
- 5.054.04c वि॒ यद॑ज्राँ अ॒जथ॒ नाव॑ ई॒ यथा॒ वि दु॑र्गाणि॒ मरु॑तो॒ नाह॑ रिष्यथ ॥
- 5.054.05a तद्वी॑र्यं वो॒ मरु॑तो॒ महि॑त्वनं॒ दीर्घं॒ ततान॑ सू॒र्यो न॒ योज॑नम् ।
- 5.054.05c ए॒ता न॒ यामे॑ अ॒गृभी॑तशोचिषोऽन॒श्वदां॒ यन्न॑यात॒ना गि॑रिम् ॥
- 5.054.06a अ॒भ्राजि॑ श॒र्धो मरु॑तो॒ यदर्ग॑सं॒ मोष॑था वृ॒क्षं क॑पने॒व वे॑धसः ।
- 5.054.06c अ॒ध स्मा॑ नो॒ अ॒रम॑तिं॒ सजो॑षसश्च॒क्षुरि॑व॒ यन्त॑मनु॒ नेष॑था सु॒गम् ॥
- 5.054.07a न स॑ जी॒यते॒ मरु॑तो॒ न ह॑न्यते॒ न स्ने॑धति॒ न व्य॑थते॒ न रि॑ष्यति ।
- 5.054.07c ना॒स्य रा॑य॒ उप॑ द॒स्यन्ति॒ नोत॑य॒ ऋषि॑ वा॒ यं रा॑जानं॒ वा सु॑षूदथ ॥
- 5.054.08a नि॒युत्व॑न्तो॒ ग्राम॑जितो॒ यथा॒ नरो॑ऽर्य॒मणो॒ न मरु॑तः॒ कब॑न्धिनः ।
- 5.054.08c पि॒न्वन्त्यु॑त्सं॒ यदि॑नासो॒ अ॒स्वर॑न्व्यु॒न्दन्ति॒ पृथि॑वीं॒ मध्वो॑ अ॒न्धसा॑ ॥
- 5.054.09a प्र॒वत्व॑तीयं॒ पृथि॑वी॒ मरु॑द्भ्यः॒ प्रव॑त्वती॒ द्यौर्भ॑वति॒ प्रय॑द्भ्यः ।
- 5.054.09c प्र॒वत्व॑तीः॒ पथ्या॑ अ॒न्तरि॑क्ष्याः॒ प्रव॑त्वन्तः॒ पर्व॑ता जी॒रदा॑नवः ॥
- 5.054.10a यन्म॑रुतः॒ सभ॑रसः॒ स्वर्ण॑रः॒ सूर्य॑ उ॒दिते॒ मद॑था॒ दिवो॑ नरः ।
- 5.054.10c न वो॑ऽश्वाः॒ श्रथ॑यन्ताह॒ सि॒स्रतः॒ सद्यो॑ अ॒स्याध्व॑नः॒ पार॑मश्रुथ ॥
- 5.054.11a अ॒ंसेषु॑ व॒ ऋ॒ष्टयः॑ प॒त्सु॒ खा॒दयो॑ व॒क्षस्सु॑ रु॒क्मा मरु॑तो॒ रथे॑ शु॒भः ।
- 5.054.11c अ॒ग्नि॑भ्राजसो॒ वि॒द्युतो॒ गभ॑स्त्योः॒ शि॒प्राः शी॑र्षसु॒ वित॑ता॒ हिर॑ण्ययीः ॥

- 5.054.12a तं नाकमर्यो अगृभीतशोचिषं रुशत्पिप्पलं मरुतो वि धूनुथ ।
- 5.054.12c समच्यन्त वृजनातिविषन्त यत्स्वरन्ति घोषं विततमृतायवः ॥
- 5.054.13a युष्मादत्तस्य मरुतो विचेतसो रायः स्याम रथ्योश् वयस्वतः ।
- 5.054.13c न यो युच्छति तिष्योश् यथा दिवोश्ऽस्मे रारन्त मरुतः सहस्त्रिणम् ॥
- 5.054.14a यूयं रयिं मरुत स्पार्हवीरं यूयमृषिमवथ सामविप्रम् ।
- 5.054.14c यूयमर्वन्तं भरताय वाजं यूयं धत्थ राजानं श्रुष्टिमन्तम् ॥
- 5.054.15a तद्वो यामि द्रविणं सद्यऊतयो येना स्वर्शर्णं ततनाम नूरभि ।
- 5.054.15c इदं सु मे मरुतो हर्यता वचो यस्य तरेम तरसा शतं हिमाः ॥

- 5.055.01a प्रयज्यवो मरुतो भ्राजदृष्टयो बृहद्वयो दधिरे रुक्मवत्तसः ।
- 5.055.01c ईयन्ते अश्वैः सुयमेभिराशुभिः शुभं यातामनु रथा अवृत्सत ॥
- 5.055.02a स्वयं दधिध्वे तविषीं यथा विद बृहन्महान्त उर्विया वि राजथ ।
- 5.055.02c उतान्तरिक्तं ममिरे व्योजसा शुभं यातामनु रथा अवृत्सत ॥
- 5.055.03a साकं जाताः सुभ्वः साकमुक्षिताः श्रिये चिदा प्रतरं वावृधुर्नरः ।
- 5.055.03c विरोकिणः सूर्यस्येव रश्मयः शुभं यातामनु रथा अवृत्सत ॥
- 5.055.04a आभूषेण्यं वो मरुतो महित्वनं दिदृक्षेण्यं सूर्यस्येव चक्षणम् ।
- 5.055.04c उतो अस्माँ अमृतत्वे दधातन शुभं यातामनु रथा अवृत्सत ॥
- 5.055.05a उदीरयथा मरुतः समुद्रतो यूयं वृष्टिं वर्षयथा पुरीषिणः ।

- 5.055.05c न वो दस्रा उप दस्यन्ति धेनवः शुभं यातामनु रथा अवृत्सत ॥
- 5.055.06a यदश्वान्धूर्षु पृषतीरयुग्ध्वं हिरण्ययान्प्रत्यत्काँ अमुग्ध्वम् ।
- 5.055.06c विश्वा इत्स्पृधो मरुतो व्यस्यथ शुभं यातामनु रथा अवृत्सत ॥
- 5.055.07a न पर्वता न नद्यो वरन्त वो यत्राचिध्वं मरुतो गच्छथेदु तत् ।
- 5.055.07c उत द्यावापृथिवी याथना परि शुभं यातामनु रथा अवृत्सत ॥
- 5.055.08a यत्पूर्व्यं मरुतो यच्च नूतनं यदुद्यते वसवो यच्च शस्यते ।
- 5.055.08c विश्वस्य तस्य भवथा नवेदसः शुभं यातामनु रथा अवृत्सत ॥
- 5.055.09a मृळत नो मरुतो मा वधिष्टनास्मभ्यं शर्म बहुलं वि यन्तन ।
- 5.055.09c अधि स्तोत्रस्य सख्यस्य गातन शुभं यातामनु रथा अवृत्सत ॥
- 5.055.10a यूयमस्मान्नयत वस्यो अच्छा निरंहतिभ्यो मरुतो गृणानाः ।
- 5.055.10c जुषध्वं नो हव्यदातिं यजत्रा वयं स्याम पतयो रयीणाम् ॥
- 5.056.01a अग्ने शर्धन्तमा गणं पिष्टं रुक्मेभिरञ्जिभिः ।
- 5.056.01c विशो अद्य मरुतामव ह्ये दिवश्चिद्रोचनादधि ॥
- 5.056.02a यथा चिन्मन्यसे हृदा तदिन्मे जग्मुराशसः ।
- 5.056.02c ये ते नेदिष्टं हवनान्यागमन्तान्वर्ध भीमसंदृशः ॥
- 5.056.03a मीळ्हुष्मतीव पृथिवी पराहता मदन्त्येत्यस्मदा ।
- 5.056.03c ऋत्तो न वो मरुतः शिमीवाँ अमो दुध्रो गौरिव भीमयुः ॥

- 5.056.04a नि॒ ये रि॒णन्त्यो॒जसा॒ वृ॒था गा॒वो न दु॒र्धुरः॑ ।
- 5.056.04c अ॒श्मा॒नं चि॒त्स्वर्य॑श् प॒र्वतं॑ गि॒रिं प्र॒ च्या॒वय॑न्ति॒ याम॑भिः ॥
- 5.056.05a उ॒त्तिष्ठ॑ नू॒नमेषां॑ स्तो॒मैः स॒मु॒क्षिता॑नाम् ।
- 5.056.05c म॒रुतां॑ पु॒रुत॑मम॒पूर्व्यं॑ ग॒वां सर्गा॑मिव ह॒व्ये ॥
- 5.056.06a यु॒ङ्ग्ध्वं॑ ह्य॒रुषी॑ रथे॒ यु॒ङ्ग्ध्वं॑ रथेषु॒ रोहि॑तः ।
- 5.056.06c यु॒ङ्ग्ध्वं॑ ह॒री अ॒जिरा॑ धु॒रि वो॒ळ्हवे॑ व॒हिष्ठा॑ धु॒रि वो॒ळ्हवे॑ ॥
- 5.056.07a उ॒त स्य॑ वा॒ज्यरु॑षस्तु॒विष्व॑णि॒रिह॑ स्म॒ धायि॑ दर्श॒तः ।
- 5.056.07c मा॒ वो या॑मेषु॒ मरु॑तश्चि॒रं क॑रत्प्र॒ तं रथेषु॑ चोद॒त ॥
- 5.056.08a रथं॑ नु॒ मारु॑तं व॒यं श्र॑व॒स्युमा॑ हु॒वाम॑हे ।
- 5.056.08c आ॒ यस्मि॑न्त॒स्थौ सु॒रणानि॑ बिभ्र॒ती स॒चा म॒रुत्सु॑ रोद॒सी ॥
- 5.056.09a तं वः॑ श॒र्घ रथेषु॑भं॒ त्वेषं॑ प॒नस्यु॑मा हु॒वे ।
- 5.056.09c यस्मि॑न्सुजा॒ता सु॒भगा॑ म॒हीय॑ते स॒चा म॒रुत्सु॑ मी॒ळ्हुषी॑ ॥
- 5.057.01a आ॒ रु॒द्रास॑ इन्द्र॒वन्तः॑ स॒जोष॑सो॒ हिर॑ण्य॒रथाः॑ सु॒विता॑य॒ गन्त॑न ।
- 5.057.01c इ॒यं वो॑ अ॒स्मत्प्र॑ति॒ ह॒र्यते॑ म॒तिस्तृ॑ष्णजे॒ न दि॒व उ॒त्सा॑ उ॒दन्य॑वे ॥
- 5.057.02a वा॒शीम॑न्त॒ ऋ॒ष्टि॑मन्तो॒ मनी॑षिणः॒ सु॒धन्वा॑न॒ इषु॑मन्तो॒ निष॑ङ्गिणः ।
- 5.057.02c स्व॒श्वा स्थ॑ सु॒रथाः॑ पृ॒श्निमा॑तरः॒ स्वायु॑धा॒ मरु॑तो॒ याथ॑ना॒ शुभ॑म् ॥
- 5.057.03a धू॒नुथ॑ द्यां॒ पर्व॑तान्दा॒शुषे॑ व॒सु नि॒ वो व॒ना जि॑हते॒ याम॑नो॒ भिया॑ ।

- 5.057.03c को॒पय॑थ॒ पृथि॑वीं॒ पृश्नि॑मा॒तरः॒ शु॒भे॒ यदु॑ग्राः॒ पृष॑ती॒रयु॑ग॒ध्वम् ॥
- 5.057.04a वा॒तत्वि॑षो॒ मरु॑तो॒ वर्ष॑नि॒र्णिजो॒ यमा॒ इव॒ सुस॑दृशः॒ सुपे॑शसः ।
- 5.057.04c पि॒शङ्गा॑श्वा॒ अरु॑णा॒श्वा अ॒रेप॑सः॒ प्रत्व॑क्षसो॒ महि॑ना॒ द्यौरि॑वोरवः ॥
- 5.057.05a पु॒रुद्र॑प्सा॒ अञ्जि॑मन्तः॒ सुदा॑नव॒स्त्वेष॑सं॒दृशो॒ अन॑व॒भ्ररा॑धसः ।
- 5.057.05c सु॒जा॒तासो॒॑ जनु॑षा॒ रुक्म॑व॒क्षसो॒ दि॒वो अ॒र्का अ॒मृतं॑ नाम॒ भेजि॑रे ॥
- 5.057.06a ऋ॒ष्टयो॒॑ वो मरु॑तो॒ अंस॑यो॒रधि॒ सह॒ ओजो॒॑ बाह्वो॑र्वो॒ बलं॑ हितम् ।
- 5.057.06c नृ॒म्णा शी॑र्ष॒स्वायु॑धा॒ रथे॑षु॒ वो वि॒श्वा वः॒ श्रीर॑धि॒ तनू॑षु॒ पिपि॑शे ॥
- 5.057.07a गो॒मद॑श्वा॒वद्रथ॑वत्सु॒वीरं॑ च॒न्द्रव॑द्रा॒धो मरु॑तो॒ ददा॑ नः ।
- 5.057.07c प्र॒शास्ति॑ नः॒ कृणु॑त॒ रुद्रि॑यासो॒ भक्षी॑य॒ वोऽव॑सो॒ दैव्य॑स्य ॥
- 5.057.08a ह॒ये न॑रो॒ मरु॑तो॒ मृळ॑ता॒ नस्तु॑वी॒मघा॑सो॒ अमृ॑ता॒ ऋत॑ज्ञाः ।
- 5.057.08c स॒त्यश्रु॑तः॒ कव॑यो॒ युवा॑नो॒ बृह॑द्रि॒रयो॒ बृह॑दु॒क्षमा॑णाः ॥
- 5.058.01a तमु॑ नू॒नं त॑वि॒षीम॑न्त॒मेषां॑ स्तु॒षे ग॑णं॒ मारु॑तं॒ नव्य॑सी॒नाम् ।
- 5.058.01c य आ॒श्वश्वा॑ अ॒मव॑द्व॒हन्त॑ उ॒तेशि॑रे॒ अमृ॑तस्य॒ स्वरा॑जः ॥
- 5.058.02a त्वे॒षं ग॑णं॒ तव॑सं॒ खादि॑हस्तं॒ धुनि॑व्रतं॒ मायि॑नं॒ दाति॑वारम् ।
- 5.058.02c म॒योभु॑वो॒ ये अ॒मिता॑ महि॒त्वा व॑न्द॒स्व वि॒प्र तु॑वि॒राध॑सो॒ नृन् ॥
- 5.058.03a आ॒ वो य॑न्तू॒दवा॑हासो॒ अद्य॑ वृ॒ष्टिं ये॒ विश्वे॑ मरु॒तो जु॑नन्ति ।
- 5.058.03c अ॒यं यो॑ अ॒ग्नि॑र्मरु॒तः स॒मिद्ध॑ ए॒तं जु॑ष॒ध्वं क॑वयो॒ युवा॑नः ॥

- 5.058.04a यू॒यं॑ रा॒जा॒न॒मि॒र्यं॑ ज॒नाय॑ वि॒भ्व॒तष्टं॑ ज॒नय॑था यजत्राः ।
- 5.058.04c यु॒ष्म॒दे॒ति॒ मु॒ष्टि॒हा॒ बा॒हु॒जू॒तो॒ यु॒ष्म॒त्स॒द॒श्वो॑ मरुतः सु॒वी॒रः॑ ॥
- 5.058.05a अ॒रा॒ इ॒वे॒द॒च॒र॒मा॒ अ॒हे॒व॒ प्र॒प्र॒ जा॒य॒न्ते॒ अ॒क॒वा॒ म॒हो॒भिः॑ ।
- 5.058.05c पृ॒श्नेः॑ पु॒त्रा॒ उ॒प॒मा॒सो॒ र॒भि॒ष्ठाः॑ स्व॒या॒ म॒त्या॒ मरु॑तः सं मि॒मि॒क्षुः॑ ॥
- 5.058.06a य॒त्प्रा॒या॒सि॒ष्ट॒ पृ॒ष॒ती॒भि॒र॒श्वै॒र्वी॒ळु॒प॒वि॒भि॒र्म॒रु॒तो॒ रथे॑भिः ।
- 5.058.06c क्षो॒द॒न्त॑ आ॒पो॒ रि॒ण॒ते॒ व॒ना॒न्य॒वो॒स्त्रि॒यो॑ वृ॒ष॒भः॑ क्र॒न्द॒तु॒ द्यौः॑ ॥
- 5.058.07a प्र॒थि॒ष्ट॒ या॒म॒न्पृ॒थि॒वी॒ चि॒दे॒षां॑ भ॒र्ते॒व॒ गर्भं॑ स्व॒मि॒च्छ॒वो॑ धुः ।
- 5.058.07c वा॒ता॒न्ह्य॒श्वान्धु॑र्या॒यु॒यु॒ञ्जे॒ वर्षं॑ स्वे॒दं॑ च॒क्रि॒रे॒ रु॒द्रि॒या॒सः॑ ॥
- 5.058.08a ह॒ये॒ न॒रो॒ मरु॑तो मृ॒ळ॒ता॒ न॒स्तु॒वी॒म॒घा॒सो॒ अ॒मृ॒ता॒ ऋ॒त॒ज्ञाः॑ ।
- 5.058.08c स॒त्य॒श्रु॒तः॑ क॒व॒यो॒ यु॒वा॒नो॒ बृ॒ह॒द्भि॒र॒यो॒ बृ॒ह॒दु॒त्त॒मा॒णाः॑ ॥

- 5.059.01a प्र॒ व॒ स्प॒ळ॒क्र॒न्सु॒वि॒ताय॑ दा॒वने॑ऽर्चा दि॒वे॒ प्र॒ पृ॒थि॒व्या॒ ऋ॒तं॑ भ॒रे॑ ।
- 5.059.01c उ॒त्त॒न्ते॒ अ॒श्वान्तरु॑षन्त आ॒ र॒जो॑ऽनु॒ स्वं॒ भा॒नुं॑ श्रथ॒यन्ते॒ अ॒ण॒वैः॑ ॥
- 5.059.02a अ॒मा॒दे॒षां॑ भि॒य॒सा॒ भूमि॑रे॒जति॒ नौ॒र्न॒ पूर्णा॑ क्ष॒रति॒ व्यथि॑र्यती ।
- 5.059.02c दू॒रे॒दृ॒शो॒ ये॒ चि॒त॒य॒न्त॒ ए॒म॒भि॒र॒न्त॒म॒हे॒ वि॒दथे॑ ये॒ति॒रे॒ नरः॑ ॥
- 5.059.03a ग॒वा॒मि॒व॒ श्रि॒य॒से॒ शृ॒ङ्ग॒मु॒त्त॒मं॒ सूर्यो॑ न च॒क्षू॒ र॒ज॒सो॑ वि॒स॒र्ज॒ने॑ ।
- 5.059.03c अ॒त्या॒ इ॒व॒ सु॒भ्व॑श्श्वार॒व॒ स्थ॒न॒ म॒र्या॑ इ॒व॒ श्रि॒य॒से॑ चे॒तथा॑ नरः ॥
- 5.059.04a को॒ वो॑ म॒हान्ति॑ म॒ह॒ता॒मु॒द॒श्व॒व॒त्क॒स्का॒व्या॑ मरुतः को॒ ह॒ पौ॑स्या ।

- 5.059.04c यूयं॑ ह॒ भूमिं॑ किर॒णं॑ न रेजथ॒ प्र यद्भ्र॑रध्वे सुवि॒ताय॑ दावने ॥
- 5.059.05a अ॒श्व॒ इवे॑दरुषासः॒ सब॑न्धवः॒ शूरा॑ इव प्रयुधः॒ प्रोत॑ युयुधुः ।
- 5.059.05c मर्या॑ इव सुवृ॒धो वावृ॑धुर्नरः॒ सूर्य॑स्य च॒क्षुः॒ प्र मि॑नन्ति वृष्टिभिः ॥
- 5.059.06a ते अ॒ज्ये॒ष्ठा अ॒कनि॑ष्ठास उद्भि॒दोऽम॑ध्यमासो महसा॒ वि वावृ॑धुः ।
- 5.059.06c सुजा॑तासो॒ जनु॑षा पृश्नि॒मात॑रो दि॒वो मर्या॑ आ नो अ॒च्छा जि॑गातन ॥
- 5.059.07a वयो॑ न ये श्रेणीः॒ प॒प्तुरो॑जसान्ता॒न्दि॒वो बृ॒हतः॑ सानु॒नस्प॑रि ।
- 5.059.07c अ॒श्व॒ास ए॒षामु॑भये॒ यथा॑ वि॒दुः प्र प॑र्वतस्य नभ॒नूर॑चुच्यवुः ॥
- 5.059.08a मि॒मातु॑ द्यौरदि॒तिर्वी॑तये॒ नः सं दानु॑चित्रा उषसो॒ यत॑न्ताम् ।
- 5.059.08c आ॒चुच्य॑वुर्दिव्यं॒ कोश॑मेत॒ ऋषे॑ रु॒द्रस्य॑ मरुतो॒ गृणा॑नाः ॥

- 5.060.01a ई॒ळे अ॒ग्निं॑ स्ववसं॒ नमो॑भिरिह॒ प्रस॑त्तो वि चयत्कृतं॒ नः ।
- 5.060.01c रथै॑रिव प्र भरे॒ वाज॑यद्भिः॒ प्रद॑क्षिणिन्मरुतां॒ स्तोम॑मृ॒ध्याम् ॥
- 5.060.02a आ ये त॒स्थुः पृ॑षतीषु श्रु॒तासु॑ सु॒खेषु॑ रु॒द्रा मरु॑तो रथेषु ।
- 5.060.02c वना॑ चिदु॒ग्रा जि॑हते॒ नि वो॑ भिया॒ पृथि॑वी चि॒द्रेज॑ते॒ पर्व॑तश्चित् ॥
- 5.060.03a पर्व॑तश्चिन्महि॒ वृद्धो॑ बिभाय॒ दिवश्चित्सानु॑ रेजत॒ स्वने॑ वः ।
- 5.060.03c यत्क्री॑ळथ मरुत॒ ऋष्टि॑मन्त॒ आप॑ इव स॒ध्र्यञ्चो॑ धवध्वे ॥
- 5.060.04a वरा॑ इवे॒द्रैव॑तासो॒ हिर॑ण्यैरभि॒ स्वधा॑भिस्तन्वः॒ पिपि॑श्रे ।
- 5.060.04c श्रिये॑ श्रेयांसस्तवसो॒ रथेषु॑ सत्रा॒ महा॑सि चक्रिरे॒ तनू॑षु ॥

- 5.060.05a अ॒ज्ये॒ष्ठासो॑ अ॒कनि॑ष्ठास ए॒ते सं॑ भ्रा॒तरो॑ वावृ॒धुः सौ॒भगा॑य ।
- 5.060.05c यु॒वा पि॒ता स्व॒पा रु॒द्र ए॒षां सु॒दुघा॑ पृ॒श्निः सु॒दिना॑ मरु॒द्भ्यः ॥
- 5.060.06a यदु॒त्तमे॑ मरु॒तो म॒ध्यमे॑ वा यद्वा॒वमे॑ सु॒भगा॑सो दि॒वि ष॑ ।
- 5.060.06c अ॒तो नो॑ रु॒द्रा उ॒त वा न्व॑श्स्या॒ग्ने वि॒त्ताद्भ॒विषो॑ यद्य॒जाम ॥
- 5.060.07a अ॒ग्निश्च॑ यन्मरु॒तो वि॒श्ववे॑दसो दि॒वो वह॑ध्व उ॒त्तरा॑दधि ष्णु॒भिः ।
- 5.060.07c ते म॒न्दसा॑ना धु॒नयो॑ रि॒शाद॑सो वा॒मं ध॒त्त य॑जमा॒नाय॑ सु॒न्वते ॥
- 5.060.08a अ॒ग्ने मरु॑द्भिः शु॒भय॑द्भिर्ऋ॒क्वभिः॑ सो॒मं पि॑ब म॒न्दसा॑नो ग॒णश्रि॑भिः ।
- 5.060.08c पा॒वके॑भिर्वि॒श्वमि॑न्वे॒भिरा॑यु॒भिर्वै॑श्वान॒र प्र॑दि॒वा के॒तुना॑ स॒जूः ॥

- 5.061.01a के॑ ष्ठा न॒रः श्रे॑ष्ठ॒तमा॑ य ए॒कए॒क आ॑यय ।
- 5.061.01c प॒रम॑स्याः प॒राव॑तः ॥
- 5.061.02a क्व॑श् वोऽश्वाः क्वा॑श्भी॒शवः॑ कथं॒ शेक॑ कथा॒ यय॑ ।
- 5.061.02c पृ॒ष्ठे स॒दो न॑सो॒र्यमः॑ ॥
- 5.061.03a ज॒घने॑ चो॒द ए॒षां वि॑ स॒क्थानि॑ न॒रो य॑मुः ।
- 5.061.03c पु॒त्रकृ॑थे न॒ जन॑यः ॥
- 5.061.04a प॒रा वी॑रास ए॒तन॑ म॒र्यासो॑ भ॒द्रजा॑नयः ।
- 5.061.04c अ॒ग्नि॑तपो॒ यथा॑सथ ॥
- 5.061.05a स॒नत्सा॑श्व्यं॒ पशु॑मु॒त ग॒व्यं श॑ता॒वय॑म् ।

- 5.061.05c श्या॒वा॒श्व॒स्तु॒ताय॒ या॒ दो॒र्वी॒रा॒यो॒प॒ब॒र्ब॒हत् ॥
- 5.061.06a उ॒त॒ त्वा॒ स्त्री॒ श॒शी॒य॒सी॒ पुं॒सो॒ भ॒व॒ति॒ व॒स्य॒सी॒ ।
- 5.061.06c अ॒दे॒व॒त्रा॒द॒रा॒ध॒सः ॥
- 5.061.07a वि॒ या॒ जा॒ना॒ति॒ ज॒सु॒रि॒ वि॒ तृ॒ष्य॒न्तं॒ वि॒ का॒मि॒नम् ॥
- 5.061.07c दे॒व॒त्रा॒ कृ॒णु॒ते॒ मनः ॥
- 5.061.08a उ॒त॒ घा॒ ने॒मो॒ अ॒स्तु॒तः॒ पु॒माँ॒ इति॒ ब्रु॒वे॒ प॒णिः ॥
- 5.061.08c स॒ वै॒र॒दे॒य॒ इ॒त्स॒मः ॥
- 5.061.09a उ॒त॒ मे॒ऽर॒प॒द्यु॒व॒ति॒र्म॒म॒न्दु॒षी॒ प्र॒ति॒ श्या॒वा॒य॒ वर्त॑निम् ।
- 5.061.09c वि॒ रो॒हि॒ता॒ पु॒रु॒मी॒ळ्हा॒य॒ ये॒म॒तु॒र्वि॒प्रा॒य॒ दी॒र्घ॒य॒श॒से ॥
- 5.061.10a यो॒ मे॒ धे॒नू॒नां॒ श॒तं॒ वै॒द॒द॒श्चि॒र्य॒था॒ द॒दत् ॥
- 5.061.10c त॒र॒न्त॒ इ॒व॒ म॒ह॒ना ॥
- 5.061.11a य॒ ई॒ व॒ह॒न्त॒ आ॒शु॒भिः॒ पि॒ब॒न्तो॒ म॒दि॒रं॒ म॒धु ॥
- 5.061.11c अ॒त्र॒ श्र॒वांसि॑ दधिरे ॥
- 5.061.12a ये॒षां॒ श्रि॒या॒धि॒ रो॒द॒सी॒ वि॒भ्रा॒ज॒न्ते॒ रथे॑ष्व ।
- 5.061.12c दि॒वि॒ रु॒क्म॒ इ॒वो॒परि॑ ॥
- 5.061.13a यु॒वा॒ स॒ मा॒रु॒तो॒ ग॒ण॒स्त्वेष॑रथो अ॒ने॒द्यः ॥
- 5.061.13c शु॒भं॒या॒वा॒प्र॒ति॒ष्कु॒तः ॥
- 5.061.14a को॒ वे॒द॒ नू॒न॒मेषां॑ यत्रा॒ म॒द॒न्ति॒ धू॒त॒यः ॥

- 5.061.14c ऋ॒तजा॑ता अ॒रेप॑सः ॥
- 5.061.15a यू॒यं म॑र्तं वि॒पन्य॑वः प्र॒णेतार॑ इ॒त्था धि॒या ।
- 5.061.15c श्रो॒तारो॑ या॒महू॑तिषु ॥
- 5.061.16a ते नो॑ वसू॒नि का॒म्या पु॑रुश्चन्द्रा रि॒शाद॑सः ।
- 5.061.16c आ य॑ज्ञियासो ववृ॒त्तन ॥
- 5.061.17a ए॒तं मे॒ स्तोम॑मूर्म्ये दा॒भ्याय॑ परा॒ वह ।
- 5.061.17c गि॒रो दे॒वि रथी॑रिव ॥
- 5.061.18a उ॒त मे॒ वोच॑तादि॒ति सु॒तसो॑मे रथ॒वीतौ॑ ।
- 5.061.18c न का॑मो अ॒प वे॑ति मे ॥
- 5.061.19a ए॒ष क्षे॑ति रथ॒वीति॑र्म॒घवा॒ गोम॑तीर॒नु ।
- 5.061.19c प॒र्वते॑ष्वप॒श्रितः॑ ॥
- 5.062.01a ऋ॒तेन॑ ऋ॒तम॑पि॒हितं॑ ध्रु॒वं वां॑ सू॒र्यस्य॑ यत्र वि॒मुच॑न्त्यश्वान् ।
- 5.062.01c द॒श श॑ता स॒ह त॑स्थुस्तदे॒कं दे॒वानां॑ श्रेष्ठं व॒पुषाम॑पश्यम् ॥
- 5.062.02a तत्सु॑ वां मि॒त्राव॑रुणा म॒हित्व॑मी॒र्मा त॑स्थुषी॒रह॑भिर्दु॒दुहे॑ ।
- 5.062.02c वि॒श्वाः पि॒न्वथः॑ स्व॒सर॑स्य धे॒ना अ॒नु वा॒मेकः॑ प॒विरा॑ ववर्त ॥
- 5.062.03a अ॒धार॑यतं पृथि॒वीमु॑त द्यां मि॒त्ररा॑जाना वरुणा॒ महो॑भिः ।
- 5.062.03c वर्ध॑यतमोष॒धीः पि॒न्वतं॑ गा अ॒व वृ॑ष्टिं सृ॒जतं॑ जी॒रदा॑नू ॥

- 5.062.04a आ वामश्वासः सुयुजो वहन्तु यतरश्मय उप यन्त्वर्वाक् ।
- 5.062.04c घृतस्य निर्णिगनु वर्तते वामुप सिन्धवः प्रदिवि क्षरन्ति ॥
- 5.062.05a अनु श्रुताममतिं वर्धदुर्वी बर्हिरिव यजुषा रक्षमाणा ।
- 5.062.05c नमस्वन्ता धृतदक्षाधि गर्ते मित्रासाथे वरुणोळास्वन्तः ॥
- 5.062.06a अक्रविहस्ता सुकृते परस्पा यं त्रासाथे वरुणोळास्वन्तः ।
- 5.062.06c राजाना क्षत्रमहणीयमाना सहस्रस्थूणां बिभृथः सह द्वौ ॥
- 5.062.07a हिरण्यनिर्णिगयो अस्य स्थूणा वि भ्राजते दिव्यश्वाजनीव ।
- 5.062.07c भद्रे क्षेत्रे निमिता तिल्विले वा सनेम मध्वो अधिगर्त्यस्य ॥
- 5.062.08a हिरण्यरूपमुषसो व्युष्टावयस्थूणमुदिता सूर्यस्य ।
- 5.062.08c आ रोहत्यो वरुण मित्र गर्तमतश्चक्षाथे अदितिं दितिं च ॥
- 5.062.09a यद्वंहिष्टं नातिविधे सुदानू अच्छिद्रं शर्म भुवनस्य गोपा ।
- 5.062.09c तेन नो मित्रावरुणावविष्टं सिषासन्तो जिगीवांसः स्याम ॥
- 5.063.01a ऋतस्य गोपावधि तिष्ठथो रथं सत्यधर्माणा परमे व्योमनि ।
- 5.063.01c यमत्र मित्रावरुणावथो युवं तस्मै वृष्टिर्मधुमत्पिन्वते दिवः ॥
- 5.063.02a सम्राजावस्य भुवनस्य राजथो मित्रावरुणा विदथे स्वर्दशा ।
- 5.063.02c वृष्टिं वां राधो अमृतत्वमीमहे द्यावापृथिवी वि चरन्ति तन्यवः ॥
- 5.063.03a सम्राजा उग्रा वृषभा दिवस्पती पृथिव्या मित्रावरुणा विचर्षणी ।

- 5.063.03c चि॒त्रेभि॒रभ्रै॒रुप॑ ति॒ष्ठथो॑ र॒वं द्यां॑ वर्ष॒यथो॑ अ॒सुर॑स्य॒ माय॑या ॥
- 5.063.04a मा॒या वां॑ मि॒त्राव॑रुणा दि॒वि श्रि॒ता सूर्यो॑ ज्योति॒श्चरति॑ चि॒त्रमा॑युधम् ।
- 5.063.04c तम॑भ्रेण॒ वृष्ट्या॑ गू॒हथो॑ दि॒वि पर्ज॑न्य द्र॒प्सा म॑धुमन्त ई॒रते ॥
- 5.063.05a रथं॑ यु॒ञ्जते॑ मरु॒तः शु॒भे सु॒खं शू॒रो न मि॒त्राव॑रुणा ग॒विष्टि॑षु ।
- 5.063.05c रजांसि॑ चि॒त्रा वि॑ चरन्ति॒ तन्य॑वो दि॒वः सम्रा॑जा प॒यसा॑ न उ॒त्तत॑म् ॥
- 5.063.06a वाचं॑ सु॒ मि॒त्राव॑रुणावि॒राव॑तीं पर्ज॒न्यश्चि॒त्रां व॑दति॒ त्विषी॑मतीम् ।
- 5.063.06c अ॒भ्रा व॑सत मरु॒तः सु॒ माय॑या द्यां॑ वर्ष॒यतम॑रुणा॒मरे॑पसम् ॥
- 5.063.07a धर्म॑णा मि॒त्राव॑रुणा वि॒पश्चि॒ता व्र॑ता र॒क्षेथे॑ अ॒सुर॑स्य॒ माय॑या ।
- 5.063.07c ऋ॒तेन॑ वि॒श्वं भु॒वनं॑ वि॒ राज॑थः सूर्य॒मा ध॑त्थो दि॒वि चि॒त्र्यं र॑थम् ॥

- 5.064.01a वरु॑णं वो रि॒शाद॑समृ॒चा मि॒त्रं ह॑वामहे ।
- 5.064.01c परि॑ व्रजे॒व बा॒ह्वोर्ज॑गन्वांसा॒ स्वर्ण॑रम् ॥
- 5.064.02a ता बा॒हवा॑ सु॒चेतु॑ना प्र॒ यन्त॑मस्मा अ॒र्चते॑ ।
- 5.064.02c शे॒वं हि॒ जा॒र्यं वां॑ वि॒श्वासु॑ द्वा॒सु जो॑गुवे ॥
- 5.064.03a यन्नू॑नम॒श्यां ग॑तिं मि॒त्रस्य॑ या॒यां प॑था ।
- 5.064.03c अ॒स्य प्रि॑यस्य॒ शर्म॑ण्यहिंसानस्य॒ सश्चि॑रे ॥
- 5.064.04a यु॒वाभ्यां॑ मि॒त्राव॑रुणोप॒मं धे॑यामृ॒चा ।
- 5.064.04c यद्ध॑ द्वा॒ये म॒घोनां॑ स्तो॒तृणां॑ च॒ स्पू॒र्धसे॑ ॥

- 5.064.05a आ नो मित्र सुदीतिभिर्वरुणश्च सधस्थ आ ।
- 5.064.05c स्वे क्षये मघोनां सखीनां च वृधसे ॥
- 5.064.06a युवं नो येषु वरुण क्षत्रं बृहच्च विभृथः ।
- 5.064.06c उरु णो वाजसातये कृतं राये स्वस्तये ॥
- 5.064.07a उच्छन्त्यां मे यजता देवक्षत्रे रुशद्भवि ।
- 5.064.07c सुतं सोमं न हस्तिभिरा पडिभर्धावतं नरा बिभ्रतावर्चनानसम् ॥

- 5.065.01a यश्चिकेत स सुक्रतुर्देवत्रा स ब्रवीतु नः ।
- 5.065.01c वरुणो यस्य दर्शतो मित्रो वा वनते गिरः ॥
- 5.065.02a ता हि श्रेष्ठवर्चसा राजाना दीर्घश्रुत्तमा ।
- 5.065.02c ता सत्पती ऋतावृध ऋतावाना जनेजने ॥
- 5.065.03a ता वामियानोऽवसे पूर्वा उप ब्रुवे सचा ।
- 5.065.03c स्वश्वासः सु चेतुना वाजाँ अभि प्र दावने ॥
- 5.065.04a मित्रो अंहोश्चिदादुरु क्षयाय गातुं वनते ।
- 5.065.04c मित्रस्य हि प्रतूर्वतः सुमतिरस्ति विधतः ॥
- 5.065.05a वयं मित्रस्यावसि स्याम सप्रथस्तमे ।
- 5.065.05c अनेहसस्त्वोतयः सत्रा वरुणशेषसः ॥
- 5.065.06a युवं मित्रेमं जनं यतथः सं च नयथः ।

5.065.06c मा मघोनः परि ख्यतं मो अस्माकमृषीणां गोपीथे न उरुष्यतम् ॥

5.066.01a आ चिकितान सुक्रतू देवौ मर्त रिशादसा ।

5.066.01c वरुणाय ऋतपेशसे दधीत प्रयसे महे ॥

5.066.02a ता हि क्षत्रमविहुतं सम्यगसुर्यश्माशाते ।

5.066.02c अध व्रतेव मानुषं स्वर्णं धायि दर्शतम् ॥

5.066.03a ता वामेषे स्थानामुर्वी गव्यूतिमेषाम् ।

5.066.03c रातहव्यस्य सुष्टुतिं दधृक्स्तोमैर्मनामहे ॥

5.066.04a अधा हि काव्या युवं दक्षस्य पूर्भिरद्भुता ।

5.066.04c नि केतुना जनानां चिकेथे पूतदक्षसा ॥

5.066.05a तदृतं पृथिवि बृहच्छवएष ऋषीणाम् ।

5.066.05c ज्रयसानावरं पृथ्वति क्षरन्ति यामभिः ॥

5.066.06a आ यद्वामीयचक्षसा मित्र वयं च सूरयः ।

5.066.06c व्यचिष्ठे बहुपाय्ये यतेमहि स्वराज्ये ॥

5.067.01a बळित्था देव निष्कृतमादित्या यजतं बृहत् ।

5.067.01c वरुण मित्रार्यमन्वर्षिष्ठं क्षत्रमाशाथे ॥

5.067.02a आ यद्योनिं हिरण्ययं वरुण मित्र सदथः ।

- 5.067.02c धर्त॑रा च॒र्षणी॑नां॒ यन्तं॑ सु॒म्रं॑ रिशादसा ॥
- 5.067.03a विश्वे॑ हि विश्व॑वेदसो वरु॑णो मि॒त्रो अ॑र्यमा ।
- 5.067.03c ब्र॒ता प॑देव सश्चि॑रे पान्ति॒ मर्त्य॑ रिषः ॥
- 5.067.04a ते हि स॒त्या ऋ॑तस्पृश॒ ऋ॑तावानो जने॑जने ।
- 5.067.04c सु॒नी॒थासः॑ सु॒दान॑वोऽहोश्चि॑दुरुचक्रयः ॥
- 5.067.05a को॒ नु वां॑ मि॒त्रास्तु॑तो वरु॑णो वा तनू॑नाम् ।
- 5.067.05c तत्सु॑ वा॒मेष॑ते मति॑रत्रिभ्य॒ एष॑ते मतिः ॥
- 5.068.01a प्र वो॑ मि॒त्राय॑ गायत वरु॑णाय वि॒पा गि॑रा ।
- 5.068.01c महि॑क्षत्रावृ॒तं बृ॑हत् ॥
- 5.068.02a स॒म्राजा॒ या घृ॑तयो॒नी मि॒त्रश्चो॑भा वरु॑णश्च ।
- 5.068.02c दे॒वा दे॒वेषु॑ प्रशस्ता ॥
- 5.068.03a ता नः॑ शक्तं॒ पार्थि॑वस्य॒ महो॑ रा॒यो दि॒व्यस्य॑ ।
- 5.068.03c महि॑ वां क्षत्रं॒ दे॒वेषु॑ ॥
- 5.068.04a ऋ॒तमृ॑तेन स॒पन्ते॑षिरं॒ दक्ष॑माशाते ।
- 5.068.04c अ॒द्रुहा॑ दे॒वौ वर्धे॑ते ॥
- 5.068.05a वृ॒ष्टि॒द्यावा॑ री॒त्यापे॑षस्पती॒ दानु॑मत्याः ।
- 5.068.05c बृ॒हन्तं॑ गर्त॒माशा॑ते ॥

- 5.069.01a त्री॑ रो॒चना॑ वरु॒ण त्री॑रु॒त द्यू॒न्त्रीणि॑ मि॒त्र धा॒रय॑थो रजा॑सि ।
- 5.069.01c वा॒वृ॒धा॒ना॒व॒म॒तिं॑ क्ष॒त्रिय॑स्यानु॒ व्र॒तं र॒क्ष॒मा॒णा॒व॒जु॒र्यम् ॥
- 5.069.02a इ॒रा॒व॒ती॒र्व॒रु॒ण धे॒नवो॑ वां म॒धु॒म॒द्वां॑ सि॒न्ध॒वो मि॒त्र दु॒हे ।
- 5.069.02c त्र॒य॒स्त॒स्थु॒र्वृ॒षभा॑स॒स्ति॒सृ॒णां॑ धि॒ष॒णा॒नां॑ रे॒तो॒धा वि॑ द्यु॒म॒न्तः ॥
- 5.069.03a प्रा॒तर्दे॑वीम॒दि॒तिं॑ जो॒ह॒वी॒मि म॒ध्यं॑दि॒न उ॒दि॒ता॑ सू॒र्य॑स्य ।
- 5.069.03c रा॒ये मि॒त्रा॒व॒रु॒णा॑ सर्वा॒ता॒ते॒ळे॑ तो॒का॒य त॒न॒या॒य शं॑ योः ॥
- 5.069.04a या॒ ध॒र्ता॒रा र॒ज॒सो॑ रो॒च॒न॒स्यो॒ता॒दि॒त्या॑ दि॒व्या॑ पा॒र्थि॒व॒स्य॑ ।
- 5.069.04c न वां॑ दे॒वा अ॒मृ॒ता॒ आ मि॑नन्ति॒ व्र॒तानि॑ मि॒त्रा॒व॒रु॒णा॑ ध्रु॒वा॒णि ॥

- 5.070.01a पु॒रू॒रु॒णा॑ चि॒द्ध॒य॒स्त्य॑वो॒ नूनं॑ वां वरु॒ण ।
- 5.070.01c मि॒त्र वंसि॑ वां सु॒म॒तिम् ॥
- 5.070.02a ता वां॑ स॒म्य॒ग॒द्रु॒ह्वा॒णेष॑मश्याम॒ धाय॑से ।
- 5.070.02c व॒यं ते॑ रु॒द्रा स्या॑म ॥
- 5.070.03a पा॒तं नो॑ रु॒द्रा पा॒युभि॑रु॒त त्रा॑येथां सु॒त्रा॒त्रा ।
- 5.070.03c तु॒र्या॑म॒ द॒स्य॑न्त॒नू॒भिः ॥
- 5.070.04a मा क॑स्याद्भु॒त॒क्र॒तू य॒क्षं॑ भु॒जे॒मा त॒नू॒भिः ।
- 5.070.04c मा शेष॑सा॒ मा त॒न॒सा ॥

5.071.01a आ नो॑ गन्तं॑ रिशादसा॑ वरुण॑ मित्र॑ बर्हणा॑ ।

5.071.01c उपे॑मं चारु॑मध्वरम् ॥

5.071.02a विश्व॑स्य हि प्रचे॑तसा वरुण॑ मित्र॑ राजथः॑ ।

5.071.02c ईशाना॑ पिप्य॑तं धियः॑ ॥

5.071.03a उप॑ नः सु॒तमा॑ ग॒तं वरुण॑ मि॒त्र दाशु॑षः ।

5.071.03c अस्य॑ सोम॑स्य पी॒तये॑ ॥

5.072.01a आ मि॒त्रे वरु॑णे व॒यं गी॑र्भिर्जुहु॑मो अ॒त्रिवत् ।

5.072.01c नि ब॒र्हिषि॑ स॒द॒तं सोम॑पी॒तये ॥

5.072.02a व्र॒तेन॑ स्थो ध्रु॒वक्षे॑मा ध॒र्मणा॑ या॒तय॑ज्जना ।

5.072.02c नि ब॒र्हिषि॑ स॒द॒तं सोम॑पी॒तये ॥

5.072.03a मि॒त्रश्च॑ नो वरु॑णश्च जु॒षेतां॑ य॒ज्ञमि॑ष्टये ।

5.072.03c नि ब॒र्हिषि॑ स॒द॒तां सोम॑पी॒तये ॥

5.073.01a यद॑द्य स्थः॑ प॒राव॑ति यद॑र्वा॒वत्य॑श्विना ।

5.073.01c यद्वा॑ पुरु॑ पुरु॒भुजा॑ यद॒न्तरि॑क्ष आ ग॒तम् ॥

5.073.02a इह॑ त्या पुरु॑भू॒तमा॑ पुरु॒ दंसांसि॑ बिभ्र॒ता ।

- 5.073.02c वरस्या याम्यधिगू हुवे तुविष्टमा भुजे ॥
- 5.073.03a ईर्मान्यद्वपुषे वपुश्चक्रं रथस्य येमथुः ।
- 5.073.03c पर्यन्या नाहुषा युगा मह्ना रजांसि दीयथः ॥
- 5.073.04a तदू षु वामेना कृतं विश्वा यद्वामनु ष्वे ।
- 5.073.04c नाना जातावरेपसा समस्मे बन्धुमेयथुः ॥
- 5.073.05a आ यद्वां सूर्या रथं तिष्ठद्रघुष्यदं सदा ।
- 5.073.05c परि वामरुषा वयो घृणा वरन्त आतपः ॥
- 5.073.06a युवोरत्रिश्चिकेतति नरा सुम्नेन चेतसा ।
- 5.073.06c घर्म यद्वामरेपसं नासत्यास्ना भुरण्यति ॥
- 5.073.07a उग्रो वां ककुहो ययिः शृण्वे यामेषु संतनिः ।
- 5.073.07c यद्वां दंसोभिरश्विनात्रिर्नराववर्तति ॥
- 5.073.08a मध्व ऊ षु मधूयुवा रुद्रा सिषक्ति पिप्युषी ।
- 5.073.08c यत्समुद्राति पर्षथः पक्वाः पृत्तो भरन्त वाम् ॥
- 5.073.09a सत्यमिद्वा उ अश्विना युवामाहुर्मयोभुवा ।
- 5.073.09c ता यामन्यामहूतमा यामन्ना मृळ्यत्तमा ॥
- 5.073.10a इमा ब्रह्माणि वर्धनाश्विभ्यां सन्तु शंतमा ।
- 5.073.10c या तत्ताम रथाँ इवावोचाम बृहन्नमः ॥

- 5.074.01a कू॒ष्ठो॑ दे॒वाव॑श्चि॒नाद्या॑ दि॒वो म॑नाव॒सू ।
- 5.074.01c तच्छ्र॑वथो वृ॒षण॑व॒सू अ॒त्रि॒र्वा॒मा वि॑वासति ॥
- 5.074.02a कु॒ह॒ त्या कु॒ह॒ नु श्रु॑ता दि॒वि दे॒वा ना॑सत्या ।
- 5.074.02c कस्मि॑न्ना य॒तथो॑ ज॒ने को॑ वां नदी॒नां स॒चा ॥
- 5.074.03a कं या॑थः कं ह॒ गच्छ॑थः क॒मच्छा॑ यु॒ञ्जाथे॑ रथम् ।
- 5.074.03c कस्य॑ ब्र॒ह्माणि॑ रण॒यथो॑ व॒यं वा॑मु॒श्मसी॑ष्टये ॥
- 5.074.04a पौरं॑ चि॒द्धयु॑द॒प्रुतं॑ पौर॒ पौरा॑य जि॒न्वथः॑ ।
- 5.074.04c यदी॑ गृ॒भीत॑ता॒तये॑ सि॒ंहमि॑व द्रु॒हस्प॑दे ॥
- 5.074.05a प्र च्य॑वा॒नाञ्जु॑रु॒षो व॒त्रि॒मत्कं॑ न मुञ्च॒थः ।
- 5.074.05c यु॒वा यदी॑ कृ॒थः पु॒नरा॑ का॒ममृ॑ण॒वे व॒ध्वः ॥
- 5.074.06a अ॒स्ति हि॑ वा॒मिह॑ स्तो॒ता स्म॑सि वां सं॒दृशि॑ श्रि॒ये ।
- 5.074.06c नू श्रु॑तं म॒ आ ग॑त॒मवो॑भि॒र्वाजि॑नी॒वसू॑ ॥
- 5.074.07a को॑ वा॒मद्य॑ पु॒रूणा॑मा व॒त्रे म॑र्त्या॒नाम् ।
- 5.074.07c को॑ वि॒प्रो वि॒प्रवा॑ह॒सा को॑ य॒ज्ञैर्वा॑जि॒नीव॑सू ॥
- 5.074.08a आ वां॑ रथो रथानां॒ येषो॑ या॒त्वश्चि॑ना ।
- 5.074.08c पु॒रू चि॑द॒स्मयु॑स्ति॒र आ॑ङ्गु॒षो म॑र्त्ये॒ष्ववा॑ ॥
- 5.074.09a श॒मू षु॑ वां म॒धूयु॑वा॒स्माक॑मस्तु च॒र्कृतिः॑ ।
- 5.074.09c अ॒र्वाची॑ना वि॒चेत॑सा वि॒भिः श्ये॑ने॒व दी॑यतम् ॥

5.074.10a अ॒श्वि॒ना॒ य॒द्भ॒ क॒र्हि॒ चि॒च्छु॒श्रू॒या॒त॒मि॒मं॒ ह॒व॒म् ।

5.074.10c व॒स्वी॒रू॒ षु॒ वां॒ भु॒जः॒ पृ॒ञ्च॒न्ति॒ सु॒ वां॒ पृ॒चः॑ ॥

5.075.01a प्र॒ति॒ प्रि॒य॒त॒मं॒ रथं॑ वृ॒ष॒णं॒ व॒सु॒वा॒ह॒न॒म् ।

5.075.01c स्तो॒ता॒ वा॒म॒श्वि॒ना॒वृ॒षि॒ स्तो॒मे॒न॒ प्र॒ति॒ भू॒ष॒ति॒ मा॒ध्वी॒ म॒म॒ श्रु॒तं॑ ह॒व॒म् ॥

5.075.02a अ॒त्या॒या॒त॒म॒श्वि॒ना॒ ति॒रो॒ वि॒श्वा॒ अ॒हं॒ स॒ना॒ ।

5.075.02c द॒स्रा॒ हि॒र॒ण्य॒व॒र्त॒नी॒ सु॒षु॒म्ना॒ सि॒न्धु॒वा॒ह॒सा॒ मा॒ध्वी॒ म॒म॒ श्रु॒तं॑ ह॒व॒म् ॥

5.075.03a आ॒ नो॒ र॒त्ना॒नि॒ बि॒भ्र॒ता॒व॒श्वि॒ना॒ ग॒च्छ॒तं॑ यु॒व॒म् ।

5.075.03c रु॒द्रा॒ हि॒र॒ण्य॒व॒र्त॒नी॒ जु॒षा॒णा॒ वा॒जि॒नी॒व॒सू॒ मा॒ध्वी॒ म॒म॒ श्रु॒तं॑ ह॒व॒म् ॥

5.075.04a सु॒ष्टु॒भो॒ वां॒ वृ॒ष॒ण॒व॒सू॒ रथे॑ वा॒णी॒च्या॒हि॒ता॒ ।

5.075.04c उ॒त॒ वां॑ क॒कु॒हो॒ मृ॒गः॒ पृ॒क्षः॒ कृ॒णो॒ति॒ वा॒पु॒षो॒ मा॒ध्वी॒ म॒म॒ श्रु॒तं॑ ह॒व॒म् ॥

5.075.05a बो॒धि॒न्म॒न॒सा॒ रथ्ये॑षि॒रा॒ ह॒व॒न॒श्रु॒ता॒ ।

5.075.05c वि॒भि॒श्च्य॒वा॒न॒म॒श्वि॒ना॒ नि॒ या॒थो॒ अ॒द्व॒या॒वि॒नं॒ मा॒ध्वी॒ म॒म॒ श्रु॒तं॑ ह॒व॒म् ॥

5.075.06a आ॒ वां॑ न॒रा॒ म॒नो॒यु॒जो॒ऽश्वा॒सः॒ प्रु॒षि॒त॒प्स॒वः॑ ।

5.075.06c व॒यो॒ व॒ह॒न्तु॒ पी॒त॒ये॒ सह॑ सु॒म्ने॒भि॒र॒श्वि॒ना॒ मा॒ध्वी॒ म॒म॒ श्रु॒तं॑ ह॒व॒म् ॥

5.075.07a अ॒श्वि॒ना॒वे॒ह॒ ग॒च्छ॒तं॑ ना॒स॒त्या॒ मा॒ वि॒ वे॒न॒त॒म् ।

5.075.07c ति॒र॒श्वि॒र्द॒र्य॒या॒ परि॑ व॒र्ति॒र्या॒त॒म॒दा॒भ्या॒ मा॒ध्वी॒ म॒म॒ श्रु॒तं॑ ह॒व॒म् ॥

5.075.08a अ॒स्मि॒न्य॒ज्ञे॒ अ॒दा॒भ्या॒ ज॒रि॒तारं॑ शु॒भ॒स्प॒ती॒ ।

5.075.08c अ॒व॒स्यु॒म॒श्वि॒ना॒ यु॒वं॒ गृ॒ण॒न्त॒मु॒प॒ भू॒ष॒थो॒ मा॒ध्वी॒ म॒म॒ श्रु॒तं॒ ह॒व॒म् ॥

5.075.09a अ॒भू॒दु॒षा॒ रु॒श॒त्प॒शु॒रा॒ग्नि॒र॒धा॒य्यृ॒त्वियः॑ ।

5.075.09c अ॒यो॒जि॒ वां॑ वृ॒ष॒ण॒व॒सू॒ र॒थो॑ द॒स्रा॒व॒म॒त्यो॑ मा॒ध्वी॒ म॒म॒ श्रु॒तं॒ ह॒व॒म् ॥

5.076.01a आ॒ भा॒त्य॒ग्नि॒रु॒ष॒सा॒म॒नी॒क॒मु॒द्वि॒प्रा॒णां॑ दे॒व॒या॒ वा॒चो॑ अ॒स्थुः॑ ।

5.076.01c अ॒र्वा॒ञ्चा॒ नू॒नं॑ र॒थ्ये॒ह॒ या॒तं॑ पी॒पि॒वांस॑म॒श्वि॒ना॒ घ॒र्म॒म॒च्छ॑ ॥

5.076.02a न॒ सं॒स्कृ॒तं॑ प्र॒ मि॒मी॒तो॒ ग॒मि॒ष्ठा॒न्ति॑ नू॒न॒म॒श्वि॒नो॑प॒स्तु॒ते॒ह॑ ।

5.076.02c दि॒वा॒भि॒पि॒त्वे॒ऽव॒सा॒ग॒मि॒ष्ठा॒ प्र॒त्य॒व॒र्ति॑ दा॒शु॒षे॒ श॒म्भ॒वि॒ष्ठा॑ ॥

5.076.03a उ॒ता॒ या॒तं॑ सं॒ग॒वे॒ प्रा॒तर॒हो॑ म॒ध्यं॒दि॒न॒ उ॒दि॒ता॒ सूर्य॑स्य ।

5.076.03c दि॒वा॒ न॒क्त॒म॒व॒सा॒ श॒न्त॒मे॒न॒ ने॒दा॒नीं॑ पी॒ति॒र॒श्वि॒ना॒ त॒ता॒न॑ ॥

5.076.04a इ॒दं॒ हि॒ वां॑ प्र॒दि॒वि॒ स्था॒न॒मो॒क॒ इ॒मे॒ गृ॒हा॒ अ॒श्वि॒ने॒दं॑ दु॒रो॒ण॒म् ।

5.076.04c आ॒ नो॑ दि॒वो॒ बृ॒ह॒तः॑ प॒र्व॒ता॒दा॒द्भ्यो॑ या॒त॒मि॒ष॒मूर्जं॑ व॒ह॒न्ता॑ ॥

5.076.05a स॒म॒श्वि॒नो॒र॒व॒सा॒ नू॒त॒ने॒न॒ म॒यो॒भु॒वा॑ सु॒प्र॒णी॒ती॒ ग॒मे॒म॑ ।

5.076.05c आ॒ नो॑ र॒यिं॑ व॒ह॒त॒मो॒त॒ वी॒रा॒ना॒ वि॒श्वान्य॑मृ॒ता॒ सौ॒भ॒गा॒नि॑ ॥

5.077.01a प्रा॒तर्या॑वा॒णा॒ प्र॒थ॒मा॒ य॒ज॒ध्वं॑ पु॒रा॒ गृ॒ध्रा॒द॒र॒रु॒षः॑ पि॒बा॒तः॑ ।

5.077.01c प्रा॒त॒र्हि॒ य॒ज्ञ॒म॒श्वि॒ना॒ द॒धा॒ते॒ प्र॒ शंस॑न्ति॒ क॒व॒यः॑ पू॒र्व॒भा॒जः॑ ॥

5.077.02a प्रा॒त॒र्य॑ज॒ध्व॒म॒श्वि॒ना॒ हि॒नो॒त॒ न॒ सा॒य॒म॒स्ति॑ दे॒व॒या॒ अ॒जु॒ष्ट॒म् ।

- 5.077.02c उ॒तान्यो॑ अ॒स्मद्य॑ज॒ते वि॒ चावः॑ पूर्वः॒पूर्वो॑ यज॒मानो॑ वनी॒यान् ॥
- 5.077.03a हि॒रण्य॑त्व॒ङ्मधु॑वर्णो॒ घृत॑स्तुः पृ॒क्षो वह॑न्ना रथो॒ वर्तते॑ वाम् ।
- 5.077.03c मनो॑जवा अ॒श्विना॑ वा॒तरं॒हा येना॑ति॒याथो॑ दु॒रितानि॑ वि॒श्वा ॥
- 5.077.04a यो भूयि॑ष्ठं नास॒त्याभ्यां॑ वि॒वेष॑ च॒निष्ठं॑ पि॒त्वो रर॑ते वि॒भागे॑ ।
- 5.077.04c स॒ तोक॑मस्य पी॒पर॑च्छमी॒भिरनू॑र्ध्वभासः॒ सद॑मि॒त्तुतु॑र्यात् ॥
- 5.077.05a स॒मश्वि॑नोर॒वसा॑ नू॒तनेन॑ मयो॒भुवा॑ सु॒प्रणी॑ती ग॒मेम॑ ।
- 5.077.05c आ॒ नो र॑यिं वह॒तमो॑त वी॒राना॑ वि॒श्वान्य॑मृ॒ता सौ॑भ॒गानि॑ ॥
- 5.078.01a अ॒श्विनावे॑ह ग॒च्छतं॑ नास॒त्या मा॒ वि वे॑नतम् ।
- 5.078.01c हंसा॑विव प॒तत॑मा सु॒ताँ उप॑ ॥
- 5.078.02a अ॒श्विना॑ हरि॒णाविव॑ गौ॒रावि॑वानु॒ यव॑सम् ।
- 5.078.02c हंसा॑विव प॒तत॑मा सु॒ताँ उप॑ ॥
- 5.078.03a अ॒श्विना॑ वा॒जिनी॑वसू जु॒षेथां॑ य॒ज्ञमि॑ष्टये ।
- 5.078.03c हंसा॑विव प॒तत॑मा सु॒ताँ उप॑ ॥
- 5.078.04a अ॒त्रिर्य॑द्द्वाम॒वरो॑ह॒न्नृबी॑सम॒जोह॑वी॒न्नाध॑माने॒व योषा॑ ।
- 5.078.04c श्ये॑नस्य चि॒ज्जव॑सा नू॒तने॑नाग॒च्छत॑मश्वि॒ना शं॑तमेन ॥
- 5.078.05a वि जि॑हीष्व व॒नस्प॑ते यो॒निः सू॑ष्यन्त्या इ॒व ।
- 5.078.05c श्रु॑तं मे अ॒श्विना॑ ह॒वं स॑प्त॒वधिं॑ च मु॒ञ्चत॑म् ॥

- 5.078.06a भी॒ताय॑ ना॒धमा॑नाय॒ ऋ॒षये॑ स॒प्तव॑ध्रये ।
- 5.078.06c मा॒याभि॑रश्विना यु॒वं वृ॒क्षं सं च॑ वि॒ चाच॑थः ॥
- 5.078.07a यथा॑ वा॒तः पु॒ष्करि॑णी॒ समि॒ङ्गय॑ति॒ सर्व॑तः ।
- 5.078.07c ए॒वा ते॑ गर्भ॑ ए॒जतु॑ निरै॒तु द॑शमा॒स्यः ॥
- 5.078.08a यथा॑ वा॒तो यथा॑ व॒नं यथा॑ स॒मुद्र॑ ए॒जति॑ ।
- 5.078.08c ए॒वा त्वं॑ द॒शमा॑स्य॒ सहा॑वेहि॒ जरा॑यु॒णा ॥
- 5.078.09a द॒श मा॑सा॒ञ्छया॑नः॒ कुमा॑रो अ॒धि मा॑तरि ।
- 5.078.09c निरै॒तु जी॒वो अ॒क्षतो॑ जी॒वो जी॑वन्त्या॒ अधि॑ ॥
- 5.079.01a महे॑ नो॒ अद्य॑ बो॒धयो॑षो॒ राये॑ दि॒वित्म॑ती ।
- 5.079.01c यथा॑ चि॒न्नो अ॒बोध॑यः॒ सत्य॑श्र॒वसि॑ वा॒य्ये सु॑जा॒ते अ॒श्वसू॑नृते ॥
- 5.079.02a या सु॑नी॒थे शौ॑च॒द्रथे॑ व्यौ॒च्छो दु॑हित॒र्दिवः॑ ।
- 5.079.02c सा व्यु॑च्छ॒ सही॑यसि॒ सत्य॑श्र॒वसि॑ वा॒य्ये सु॑जा॒ते अ॒श्वसू॑नृते ॥
- 5.079.03a सा नो॑ अ॒द्याभ॑रद्व॒सुर्व्यु॑च्छा दु॒हित॒र्दिवः॑ ।
- 5.079.03c यो व्यौ॑च्छः॒ सही॑यसि॒ सत्य॑श्र॒वसि॑ वा॒य्ये सु॑जा॒ते अ॒श्वसू॑नृते ॥
- 5.079.04a अ॒भि ये॑ त्वा॒ विभा॑वरि॒ स्तोमै॑र्गृ॒णन्ति॑ व॒ह्यः ।
- 5.079.04c म॒घैर्म॑घोनि॒ सुश्रि॑यो॒ दाम॑न्वन्तः॒ सुरा॑तयः॒ सुजा॑ते॒ अश्व॑सू॒नृते ॥
- 5.079.05a यच्चि॑द्धि॒ ते ग॑णा॒ इमे॑ छ॒दय॑न्ति॒ मघ॑त्तये ।

- 5.079.05c परि॑ चि॒द्व॒ष्ट्यो॑ द॒धु॒र्द॒तो॑ रा॒धो॑ अ॒ह्यं॑ सु॒जा॒ते॑ अ॒श्व॑सू॒नृ॒ते ॥
- 5.079.06a ऐ॒षु॑ धा॒ वी॒र॒व॒द्य॒श॑ उ॒षो॑ म॒घो॒नि॑ सू॒रि॒षु॑ ।
- 5.079.06c ये॒ नो॑ रा॒धां॒स्य॒ह॒या॑ म॒घ॒वा॒नो॑ अ॒रा॒स॒त॑ सु॒जा॒ते॑ अ॒श्व॑सू॒नृ॒ते ॥
- 5.079.07a ते॒भ्यो॑ द्यु॒म्नं॑ बृ॒ह॒द्य॒श॑ उ॒षो॑ म॒घो॒न्या॑ व॒ह॑ ।
- 5.079.07c ये॒ नो॑ रा॒धां॒स्य॒श्व्या॑ ग॒व्या॑ भ॒ज॒न्त॑ सू॒र॒यः॑ सु॒जा॒ते॑ अ॒श्व॑सू॒नृ॒ते ॥
- 5.079.08a उ॒त॒ नो॑ गो॒म॒ती॒रि॒ष॑ आ॒ व॒हा॑ दु॒हि॒त॒र्दि॒वः॑ ।
- 5.079.08c सा॒कं॑ सू॒र्य॑स्य॒ र॒श्मि॑भिः शु॒क्रैः॑ शो॒च॒द्भि॒र॒र्चि॑भिः सु॒जा॒ते॑ अ॒श्व॑सू॒नृ॒ते ॥
- 5.079.09a व्यु॒च्छा॑ दु॒हि॒त॒र्दि॒वो॑ मा॒ चि॒रं॑ त॒नु॒था॑ अ॒पः॑ ।
- 5.079.09c ने॒त्त्वा॑ स्ते॒नं॑ यथा॒ रि॒पुं॑ तपा॒ति॑ सू॒रो॑ अ॒र्चि॑षा सु॒जा॒ते॑ अ॒श्व॑सू॒नृ॒ते ॥
- 5.079.10a ए॒ता॒व॒द्वे॒दु॒ष॒स्त्वं॑ भू॒यो॑ वा॒ दा॒तु॒म॒र्ह॑सि ।
- 5.079.10c या॒ स्तो॒तृ॒भ्यो॑ वि॒भा॒व॒र्यु॑च्छ॒न्ती॒ न॒ प्र॒मी॑यसे सु॒जा॒ते॑ अ॒श्व॑सू॒नृ॒ते ॥
- 5.080.01a द्यु॒त॒द्या॒मा॒नं॑ बृ॒ह॒ती॒मृ॒तेन॑ ऋ॒ता॒व॒री॒म॒रु॒ण॒प्सुं॑ वि॒भा॒ती॒म् ।
- 5.080.01c दे॒वी॒मु॒ष॒सं॑ स्व॒रा॒व॒ह॒न्तीं॑ प्र॒ति॒ वि॒प्रा॑सो म॒ति॒भि॒र्ज॑रन्ते ॥
- 5.080.02a ए॒षा॒ ज॒नं॑ दर्श॒ता॒ बो॒ध॒य॒न्ती॑ सु॒गा॒न्प॒थः॑ कृ॒ण॒व॒ती॑ या॒त्य॒ग्रे॑ ।
- 5.080.02c बृ॒ह॒द्र॒था॑ बृ॒ह॒ती॑ वि॒श्व॑मि॒न्वो॒षा॑ ज्यो॒ति॒र्य॑च्छ॒त्य॒ग्रे॑ अ॒ह्ना॑म् ॥
- 5.080.03a ए॒षा॒ गो॒भि॒र॒रु॒णे॒भिर्यु॑जा॒ना॒स्त्रे॒ध॒न्ती॑ र॒यि॒म॒प्रा॒यु॑ च॒क्रे॑ ।
- 5.080.03c प॒थो॑ र॒द॒न्ती॑ सु॒वि॒ता॒य॑ दे॒वी॑ पु॒रु॒ष्टु॒ता॑ वि॒श्व॑वा॒रा॒ वि॒ भा॑ति ॥

- 5.080.04a ए॒षा व्ये॑नी भवति॑ द्वि॒बर्हा॑ आ॒विष्कृ॑ग्वाना॒ तन्वं॑ पु॒रस्ता॑त् ।
- 5.080.04c ऋ॒तस्य॑ पन्थामन्वेति॑ साधु॒ प्रजान॑तीव न दि॒शो मि॑नाति ॥
- 5.080.05a ए॒षा शु॒भ्रा न तन्वो॑ वि॒दानो॑र्ध्वेव॒ स्नाती॑ दृ॒शये॑ नो अ॒स्थात् ।
- 5.080.05c अ॒प द्वेषो॑ बाध॒माना॒ तमांस्यु॑षा दि॒वो दु॑हिता॒ ज्योति॑षागात् ॥
- 5.080.06a ए॒षा प्र॑तीची॒ दुहि॑ता दि॒वो नृ॑न्योषेव भ॒द्रा नि रि॑णीते अ॒प्सः ।
- 5.080.06c व्यू॑र्णवती॒ दाशु॑षे वा॒र्याणि॑ पु॒नर्ज्यो॑तिर्यु॒वतिः॑ पू॒र्वथा॑कः ॥
- 5.081.01a यु॒ञ्जते॑ मन॒ उत॑ यु॒ञ्जते॑ धियो॒ विप्रा॑ वि॒प्रस्य॑ बृ॒हतो॑ वि॒पश्चितः॑ ।
- 5.081.01c वि हो॑त्रा॒ दधे॑ व॒युना॒विदे॑क॒ इन्म॒ही दे॒वस्य॑ स॒वितुः॑ परि॒ष्टुतिः॑ ॥
- 5.081.02a विश्वा॑ रू॒पाणि॑ प्रति॒ मुञ्चते॑ क॒विः प्रा॑सावी॒द्भद्रं॑ द्वि॒पदे॑ चतु॒ष्पदे॑ ।
- 5.081.02c वि ना॑कम॒ख्यत्स॒विता॑ वरे॒ग्योऽनु॑ प्र॒याण॑मु॒षसो॑ वि राजति ॥
- 5.081.03a यस्य॑ प्र॒याण॑मन्व॒न्य इ॒द्ययु॑र्दे॒वा दे॒वस्य॑ म॒हिमा॑नमो॒जसा॑ ।
- 5.081.03c यः पा॑र्थि॒वानि॑ वि॒ममे॑ स ए॒तशो॑ रजांसि॒ देवः॑ स॒विता॑ म॒हित्व॑ना ॥
- 5.081.04a उत॑ या॒सि स॒वित॑स्त्रीणि॒ रोच॑नोत॒ सूर्य॑स्य॒ रश्मि॑भिः॒ समु॑च्यसि ।
- 5.081.04c उत॑ रा॒त्रीमु॑भ॒यतः॑ परी॒यस॑ उत॒ मित्रो॑ भवसि॒ देव॑ ध॒र्माभिः॑ ॥
- 5.081.05a उ॒तेशि॑षे प्र॒सव॑स्य॒ त्वमे॑क॒ इदु॑त॒ पूषा॑ भवसि॒ देव॑ या॒मभिः॑ ।
- 5.081.05c उ॒तेदं॑ वि॒श्वं भु॑वनं॒ वि रा॑जसि॒ श्या॑वाश्च॒स्ते स॒वित॑ स्तो॒ममा॑नशे ॥

- 5.082.01a तत्सवितुर्वृणीमहे वयं देवस्य भोजनम् ।
- 5.082.01c श्रेष्ठं सर्वधातमं तुरं भगस्य धीमहि ॥
- 5.082.02a अस्य हि स्वयशस्तरं सवितुः कच्चन प्रियम् ।
- 5.082.02c न मिनन्ति स्वराज्यम् ॥
- 5.082.03a स हि रत्नानि दाशुषे सुवाति सविता भगः ।
- 5.082.03c तं भागं चित्रमीमहे ॥
- 5.082.04a अद्या नो देव सवितः प्रजावत्सावीः सौभगम् ।
- 5.082.04c परा दुष्वप्यं सुव ॥
- 5.082.05a विश्वानि देव सवितर्दुरितानि परा सुव ।
- 5.082.05c यद्भद्रं तन्न आ सुव ॥
- 5.082.06a अनागसो अदितये देवस्य सवितुः सवे ।
- 5.082.06c विश्वा वामानि धीमहि ॥
- 5.082.07a आ विश्वदेवं सत्पतिं सूक्तैरद्या वृणीमहे ।
- 5.082.07c सत्यसवं सवितारम् ॥
- 5.082.08a य इमे उभे अहनी पुर एत्यप्रयुच्छन् ।
- 5.082.08c स्वाधीर्देवः सविता ॥
- 5.082.09a य इमा विश्वा जातान्याश्रावयति श्लोकेन ।
- 5.082.09c प्र च सुवाति सविता ॥

- 5.083.01a अ॒च्छा॑ वद॒ तव॑सं॒ गी॒र्भिरा॑भि॒ स्तु॒हि॒ प॒र्जन्यं॑ नमसा॒ वि॒वास॑ ।
- 5.083.01c क॒निक्र॑ददृ॒षभो॑ जी॒रदानू॑ रे॒तो द॒घात्यो॑षधीषु॒ गर्भ॑म् ॥
- 5.083.02a वि॒ वृ॒क्षान्ह॑न्त्यु॒त ह॑न्ति॒ रक्ष॑सो॒ विश्वं॑ बि॒भाय॑ भु॒वनं॑ म॒हाव॑धात् ।
- 5.083.02c उ॒ताना॑गा ई॒षते॑ वृ॒ष्याव॑तो॒ यत्प॑र्जन्य॒ स्तन॑यन्हन्ति॒ दुष्क॑तः ॥
- 5.083.03a रथी॑व क॒शया॑श्वाँ॒ अभि॑क्षि॒पन्नावि॑दू॒तान्कृ॑णुते॒ वर्ष्याँ॑श् अ॒ह ।
- 5.083.03c दू॒रात्सि॑ंहस्य॒ स्तन॑था॒ उदी॑रते॒ यत्प॑र्जन्यः॒ कृ॑णुते॒ वर्ष्यँ॑ न॒भः ॥
- 5.083.04a प्र॒ वा॒ता वा॑न्ति॒ पत॑यन्ति॒ वि॒द्युत॑ उ॒दोष॑धीर्जिहते॒ पि॒न्वते॑ स्वः ।
- 5.083.04c इ॒रा वि॑श्वस्मै॒ भुव॑नाय॒ जाय॑ते॒ यत्प॑र्जन्यः॒ पृथि॑वीं॒ रेत॑सावति ॥
- 5.083.05a य॒स्य ब्र॑ते॒ पृथि॑वी॒ नन्न॑मीति॒ य॒स्य ब्र॑ते॒ शफ॑वज्ज॒र्भुरी॑ति ।
- 5.083.05c य॒स्य ब्र॑त॒ ओष॑धीर्वि॒श्वरू॑पाः स नः॒ प॒र्जन्य॑ म॒हि श॑र्म॒ यच्छ॑ ॥
- 5.083.06a दि॒वो नो॑ वृ॒ष्टिं म॑रुतो॒ ररी॑ध्वं॒ प्र पि॑न्वत॒ वृ॒ष्णो अ॒श्वस्य॑ धा॒राः ।
- 5.083.06c अ॒र्वाङ्ङे॑तेन॒ स्तन॑यि॒त्तुने॑ह्यपो॒ निषि॑ञ्चन्न॒सुरः॑ पि॒ता नः॑ ॥
- 5.083.07a अ॒भि क्र॑न्द॒ स्तन॑य॒ गर्भ॑मा॒ धा उ॑दन्वता॒ परि॑ दीया॒ रथे॑न ।
- 5.083.07c दृ॒तिं सु॑ क॒र्ष वि॑षितं॒ न्यञ्चं॑ स॒मा भ॑वन्तू॒द्धतो॑ निपादाः ॥
- 5.083.08a म॒हान्तं॑ को॒शमु॑द॒चा नि॑ षिञ्च॒ स्यन्द॑न्तां॒ कु॒ल्या वि॑षिताः॒ पु॒रस्ता॑त् ।
- 5.083.08c घृ॒तेन॑ द्यावा॒पृथि॑वी॒ व्यु॑न्धि॒ सुप्र॑पाणं॒ भव॑त्वघ्न्याभ्यः ॥
- 5.083.09a यत्प॑र्जन्य॒ क॒निक्र॑दत्स्तनयन्हंसि॒ दुष्क॑तः ।

- 5.083.09c प्र॒तीदं॑ वि॒श्वं॑ मो॒दते॑ यत्किं॑ च॒ पृथि॑व्यामधि॑ ॥
- 5.083.10a अ॒व॒र्षी॑र्व॒र्षमु॒दु षू॑ गृ॒भाया॑क॒र्धन्वा॑न्यत्ये॒तवा॑ उ ।
- 5.083.10c अ॒जी॒जन॑ अ॒षधी॑र्भो॒जना॑य॒ कमु॑त॒ प्रजा॑भ्योऽवि॒दो म॒नीषाम्॑ ॥

- 5.084.01a ब॒ळि॒त्था॑ प॒र्वता॑नां॒ खि॒द्रं बि॒भर्षि॑ पृथि॒वि ।
- 5.084.01c प्र॒ या भूमिं॑ प्र॒वत्व॑ति॒ महा॑ जि॒नोषि॑ महि॒नि ॥
- 5.084.02a स्तो॒मास॑स्त्वा वि॒चारि॑णि॒ प्रति॑ ष्टो॒भन्त्य॑क्तु॒भिः ।
- 5.084.02c प्र॒ या वा॒जं न॑ हे॒षन्तं॑ पे॒रुम॑स्य॒स्यर्जु॑नि ॥
- 5.084.03a दृ॒ळ्हा॑ चि॒द्या व॒नस्प॑ती॒न्द्मया॑ द॒र्धर्ष्यो॑जसा ।
- 5.084.03c यत्ते॑ अ॒भ्रस्य॑ वि॒द्युतो॑ दि॒वो वर्ष॑न्ति॒ वृष्ट्यः॑ ॥

- 5.085.01a प्र॒ स॒म्राजे॑ बृ॒हदर्चा॑ ग॒भीरं॑ ब्र॒ह्म प्रि॒यं वरु॑णाय॒ श्रुता॑य ।
- 5.085.01c वि॒ यो ज॒घान॑ श॒मिते॑व॒ चर्मो॑प॒स्तरे॑ पृथि॒वीं सू॒र्याय॑ ॥
- 5.085.02a व॒नेषु॑ व्य॒श्न्तरि॑त्तं॒ ततान॑ वा॒जम॑र्वत्सु॒ पय॑ उ॒स्त्रिया॑सु ।
- 5.085.02c ह॒त्सु क्र॑तुं वरु॒णो अ॒प्स्वश्निं॑ दि॒वि सू॒र्यम॑द॒धात्सो॒मम॑द्रौ ॥
- 5.085.03a नी॒चीन॑बा॒रं वरु॑णः॒ कव॑न्धं॒ प्र स॑स॒र्ज रो॑द॒सी अ॒न्तरि॑त्तम् ।
- 5.085.03c तेन॑ वि॒श्वस्य॑ भु॒वन॑स्य॒ राजा॑ य॒वं न॑ वृ॒ष्टिर्व्यु॑नत्ति॒ भूम॑ ॥
- 5.085.04a उ॒नत्ति॑ भूमिं॑ पृथि॒वीमु॑त॒ द्यां यदा॑ दु॒ग्धं वरु॑णो व॒ष्ट्यादि॑त् ।

- 5.085.04c सम॒भ्रेण॑ वसत॒ पर्व॑तासस्तवि॒षीय॑न्तः श्रथयन्त॒ वीराः॑ ॥
- 5.085.05a इ॒मामू॒ ष्वासु॑रस्य॒ श्रुत॑स्य॒ महीं॑ मायां वरुणस्य॒ प्र वो॑चम् ।
- 5.085.05c माने॑नेव तस्थिवाँ॒ अन्तरि॑त्ते वि॒ यो म॑मे पृथि॒वीं सूर्ये॑ण ॥
- 5.085.06a इ॒मामू॒ नु क॑वितमस्य॒ मायां॑ महीं॒ देव॑स्य॒ नकि॑रा दधर्ष ।
- 5.085.06c एकं॑ यदु॒द्वा न॒ पृण॑न्त्येनीरासिञ्चन्ती॒रवन॑यः॒ समु॒द्रम् ॥
- 5.085.07a अ॒र्यम्यं॑ वरुण॒ मित्र्यं॑ वा सखायं॒ वा स॒दमि॑द्भ्रातरं॒ वा ।
- 5.085.07c वेशं॑ वा॒ नित्यं॑ वरुणारणं॒ वा यत्सी॒माग॑श्चकृ॒मा शि॒श्रथ॑स्तत् ॥
- 5.085.08a कित॑वासो यद्वि॒रिपु॑र्न दी॒वि यद्वा॑ घा सत्यमु॒त यन्न॑ वि॒द्म ।
- 5.085.08c सर्वा॑ ता वि॒ ष्य शि॑थिरेव॒ देवा॑धा॒ ते स्या॑म वरुण॒ प्रिया॑सः ॥

- 5.086.01a इन्द्रा॑ग्नी॒ यम॑वथ॒ उभा॑ वाजे॒षु म॑र्त्यम् ।
- 5.086.01c दृ॒ळ्हा चि॒त्स प्र॑ भेदति॒ द्युम्ना॑ वाणी॒रिव॑ त्रि॒तः ॥
- 5.086.02a या॑ पृ॒तना॑सु॒ दुष्ट॑रा॒ या वाजे॑षु॒ श्रवा॑य्या ।
- 5.086.02c या॑ पञ्च॒ चर्ष॑णी॒रभीन्द्रा॑ग्नी॒ ता ह॑वामहे ॥
- 5.086.03a तयो॑रिद॒मव॑च्छवस्ति॒ग्मा दि॒द्युन्म॑घो॒नोः ।
- 5.086.03c प्रति॑ द्रुणा॒ गभ॑स्त्योर्ग॒वां वृ॒त्रघ्न॑ एष॒ते ॥
- 5.086.04a ता॑ वा॒मेषे॑ रथानामिन्द्रा॑ग्नी॒ हवा॑महे ।
- 5.086.04c पती॑ तु॒रस्य॑ रा॒धसो॑ वि॒द्वांसा॑ गि॒र्वण॑स्त॒मा ॥

- 5.086.05a ता वृधन्तावनु द्यून्मर्ताय देवावदभा ।
- 5.086.05c अर्हन्ता चित्पुरो दधेऽशेव देवाववते ॥
- 5.086.06a एवेन्द्राग्निभ्यामहावि हव्यं शूष्यं घृतं न पूतमद्रिभिः ।
- 5.086.06c ता सूरिषु श्रवो बृहद्रथिं गृणत्सु दिधृतमिषं गृणत्सु दिधृतम् ॥
- 5.087.01a प्र वो महे मतयो यन्तु विष्णवे मरुत्वते गिरिजा एवयामरुत् ।
- 5.087.01c प्र शर्धाय प्रयज्यवे सुखादये तवसे भन्ददिष्टये धुनिव्रताय शवसे ॥
- 5.087.02a प्र ये जाता महिना ये च नु स्वयं प्र विद्वना ब्रुवत एवयामरुत् ।
- 5.087.02c क्रत्वा तद्वो मरुतो नाधृषे शवो दाना म्हा तदेषामधृष्टासो नाद्रयः ॥
- 5.087.03a प्र ये दिवो बृहतः शृण्विरे गिरा सुशुक्वानः सुभ्व एवयामरुत् ।
- 5.087.03c न येषामिरी सधस्थ ईष्ट आँ अग्नयो न स्वविद्युतः प्र स्यन्द्रासो धुनीनाम् ॥
- 5.087.04a स चक्रमे महतो निरुरुक्रमः समानस्मात्सदस एवयामरुत् ।
- 5.087.04c यदायुक्त त्मना स्वादधि ष्णुभिर्विष्पर्धसो विमहसो जिगाति शेवृधो नृभिः ॥
- 5.087.05a स्वनो न वोऽमवान्नेजयदृषा त्वेषो ययिस्तविष एवयामरुत् ।
- 5.087.05c येना सहन्त ऋञ्जत स्वरोचिष स्थारश्मानो हिरण्ययाः स्वायुधास इष्मिणः ॥
- 5.087.06a अपारो वो महिमा वृद्धशवसस्त्वेषं शवोऽवत्वेवयामरुत् ।
- 5.087.06c स्थातारो हि प्रसितौ संदृशि स्थन ते न उरुष्यता निदः शुशुक्वांसो नाग्नयः ॥
- 5.087.07a ते रुद्रासः सुमखा अग्नयो यथा तुविद्युम्ना अवन्त्वेवयामरुत् ।

- 5.087.07c दी॒र्घं पृ॒थु प॒प्रथे॑ स॒द्म पा॒र्थि॒वं॑ ये॒षाम॒ज्मे॒ष्वा म॒हः॑ श॒र्धा॒स्य॒द्भु॒तै॒नसा॒म् ॥
- 5.087.08a अ॒द्वेषो॑ नो॒ मरु॒तो गा॒तुमे॒तन॑ श्रो॒ता ह॒वं ज॒रि॒तुरे॒वया॑मरुत् ।
- 5.087.08c वि॒ष्णो॑र्म॒हः स॒मन्य॑वो यु॒योत॑न॒ स्म॒द्रथ्यो॑३ न॒ दंस॑नाप॒ द्वेषा॑सि स॒नुतः॑ ॥
- 5.087.09a ग॒न्ता॑ नो॒ यज्ञं॑ य॒ज्ञियाः॑ सु॒शमि॑ श्रो॒ता ह॒वम॑र॒त्न ए॒वया॑मरुत् ।
- 5.087.09c ज्ये॒ष्ठासो॑ न॒ पर्व॑तासो॒ व्यो॑मनि॒ यूयं॑ तस्य॒ प्रचे॑तसः॒ स्यात् दु॑र्घ॒र्तवो॑ नि॒दः ॥

Notes by [Detlef Eichler](mailto:detlefeichler@googlemail.com) (detlefeichler@googlemail.com):

1. Please note that this PDF file is not for commercial use and released only for personal scholarly activity.
2. This Devanāgarī version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda](http://www.people.fas.harvard.edu/~witzel/onlineRV.htm) (<http://www.people.fas.harvard.edu/~witzel/onlineRV.htm>)
3. The font used for the Rigveda text is Ancient Sanskrit 99. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 26 March 2009